

龍虎山志

乾隆庚申年鑄

棲碧山

龍
亭
山
志

大上清宮藏板

龍虎山志序

皇慶二年春二月
院臣

姜若曰玄教嗣跡之真入

吳全節言惟

世祖皇帝神聖武王實不

色無微不燭天下曷敢有遁

其情者宋平之初嗣天師首
家特名而正一教寔興惟祖
天師脩鍊精備神名大測
垂三十八代而累世之龍
帝一山以祖天師法名
既立而子孫傳之其人

夫山川之麗人物之盛

寵錫之繁且厚與夫天師

之所以致至渥者謹錄如左

伏望

朝廷終嘉惠之而以次下詢

臣使有以志則是山也輝華

赫奕將照萬古矣奏入

天子悅焉明日

詔至翰林以命臣明之善於世

晉其所錄名山古宮字人物

法錄詔語碑刻題賦為七

卷為上中下三卷名曰龍虎

山志烏乎天下名山多矣未
閱稍有

勅命志之者茲山莫獨美

章如此哉以其人而樂也欲

求以多人樂是書則得其樂

矣

翰墨侍

講學士中奉大夫知

制誥同備 國史臣 沈明 爲

龍虎山志序

翰林侍講學士臣明善奉

勅志龍虎山宮教嗣師臣全節屬臣

鉅夫序之臣伏讀終篇山川之奇人物

之感前後宮宇之廢興累朝恩數之

隆尚聚此善矣然天下山之大者曰嶽

水之大者曰瀆曰海顧以於山先山之

意乎意龍虎之得各以張氏張氏老

氏之學也。絲東漢迄今綿千數百年而
益振。朝廷且尊而信之。此志之所由
作乎。嗟矣。治道貴清靜。老氏之通也。
原於軒黃文景。用之其所以成就可睹已。
流而為神僊。豈本以茲。若一所以載
天師恆之對唐高宗曰。能為天下治。孔
子之對宋仁宗曰。為能返古之補行。以簡易
志慮。精明神氣。完和矣。矣。事冲舉。以和

子之曰子亦三層也。德人樂延年之。廣曰
而。德無者。軒黃所以致。德多。致。取。仙
德武所以同。功。備。錄。之。術。非。夷。子。之。書。已
而。命。之。禮。凡。奏。曰。備。德。可。以。曰。天。禮。德
之。事。不。敵。誤。國。就。平。初。微。習。用。光。入
朝。答。使。者。曰。德。奏。天。子。德。天。下。道。德。五
子。言。是。矣。山。林。野。人。來。講。矣。道。子。道。人
之。言。誠。祈。天。永。命。之。預。符。哉。德。德。德。德。

老氏者可謂高節之士矣

今天子撫育萬民成運心清靜仁為之旨
師數陳老氏之本今上嘉納之此志之獨先
魏虎宣也臣故敢敘作志之意以示後
之學者延禧政元正月二十七日翰林
學士趙孟頫奉命撰次如前謹無漏
國史臣程鉅夫拜手頓首謹序

龍虎山志目錄卷上

翰林侍講學士中奉大夫知制誥同脩國史臣元明善奉

勅編

山水

山

峯

巖

石

洞

井

宮宇

大上清正一萬壽宮

天師家廟

諸宮觀

諸菴 道院附

人物上

天師

張道陵

魯

昭成

仲回

符

通玄

光

高

衡

盛

叔

迥

子祥

恒

慈

應韶

願

元

條

謀

秉一

善

季

正隨

乾曜

嗣宗

象中

敦復

景端

繼先

時修

守真

景淵

慶先

可大

宗演

與棣

興材

嗣成

嗣德

正言

正常

宇初

宇清

懋丞

龍虎山按信州圖志在今上清宮西二十里仙巖之後所謂天下
第二十九福地祖天師居是煉龍虎金丹或身青龍白虎馴遶
其上因以得名今正一玄壇仍曰龍虎山導山自建寧導水自
寧武東距信州二百里北距饒州三百里自餘山峯岩石洞井
附焉

山

象山在諸山中峻極一名應天山以其形之類象又名象山在
宮之東南十五里山頂平坦有田園蔬可居東陸子靜謐

書其上學者因號象山先生

聖井山

事詳見聖井下

正山在宮之東北五里

聖山在宮之西二里

觀姑山在宮之東南

雲臺山與觀姑山相對摩葉天師鍊丹其上

慶湖山與雲臺山相連頂有湖冬夏不竭

西山

馬鞍山

團山

大尖山在官南十五里張太宗廟之左信國文簡公之居面焉
其里人相傳張氏受一官山必一石墜大官大石墜小官
小石墜

石鉢山

鬼谷山在官東南六十里所謂天下第十五洞天上有蘇秦
臺張儀井或云昔鬼谷王訓於此備仙張儀蘇秦於此受
道又曰貴玄思真洞天

徵君山

西華山在官西五里舊曰覆船山宣德間濬然天師建祠宇祀
三仙真君於其上

摩雲峯在宮之南

迴龍峯在宮之東

五老峯在宮之西北

逍遙峯在宮南三十里上有許真君祠祠傍石壁間彷彿如人

掌二相傳古仙以手著其上至今潤澤如玉

望霓峯在宮之東

望仙峯

香爐峯

巖

宮前順流幾二十里至二十四巖為山中絕勝古傳祖天師至

信州始煉丹茲山巖倚岸而立下則湍流所注瀟灑深險上散
空數百千尺躋攀不得上窮目力僅能仰之及路遶山脊俯巖
而窺則斗絕眩慄目力亦不能至矣其巖中各具器物因以得
名其為器物又幾何年不變不朽歷歷分明若人間者勢固非
人力所為以誦當世之耳目抑果有神物使之然歟不可得而
究也異哉

三教巖若三人並坐講論者

觀水巖若一人俯溪之流以觀者

仙倉巖凡三處各有倉倉有門門橫板或新或舊或開或閉
農民以之驗歲豐歉

酒氣巖危橫敵不動下白濇淋漓若濁酒之散溼者

仙棺巖若橫玉棺

藥羅巖中若石磨磨之傍若一藥羅

丹竈巖若泥土累成有水淋火煉之色

木屐巖若木屐一兩

襪行巖或張如織或如杼抽之空

馬廐巖兩柱間一楹若將秣馬然

鷹架巖木架虛張若塔積雁馬矢

染具巖架軸羅列漆色猶有存者

許曰巖宛然如有春者

仙樂巖昔有人秋高月霽舫舟游觀忽聞樂聲清徹從巖中
來因名

獅子巖仙犬巖仙羊巖三巖中儼若一獅一犬一羊各居其所
輓轡巖一木出外尺餘繫汲水之器或時斜閣於木上或時垂
下或收入

鐵爐巖中一泥爐候羅鐵器非一

泥料巖凡數處各堆木料木傍或積白泥噉噉然

仙船巖若橫一舟

仙林巖虛榻中設時有白雲覆之

棲真巖若重樓複閣者

奕碁巖中若碁枰二人對奕

附近諸巖

道堂巖

沙巖

南巖

石夫巖

朝天巖

老張巖

燕巖

楊子巖

馨香巖

龍巖

石

龍虎石

雲錦石在仙巖上流高廣並之鮮潔明麗若蜀江初濯映朝霞
夕照光彩動人迫而躋攀崿絕為壁不可分寸上也

鍾維石維不知何許人舊傳其人昇仙於此

試劍石世傳祖天師試劍於此一石中裂為二如刀分然

紫團石

蓮花石在仙巖北岸廣數十步天然紅紫攢裂出地森排周

潔辨辨景景

公母石

仙桃石

屏風石

緡經石

排衙石在仙巖東於青青山際森然紅出羅列齊置歷歷不動

仙班杖直儼如也

鷄籠石

香爐石

瑯石去巖十里平曠之地崒然撐空而起面左右如削峭拔入

迤邐漸遠見人物廬舍儼如人世居久之出扶風間尋歸
故鄉驗之已數百年人無有能知者矣

壁魯洞在演法觀後雷壇之左絕崖之上闊二十餘丈內復有
小洞人不可入祖天師昔於此得神虎異書按仙傳云西
山真人劉根字君安漢成帝時人冬夏不衣毛長二三尺
遇太乙玉女傳張侯魏三使者之文後藏於洞中銘曰天
一北祚神虎書太一紫文玉章符北魁玄範在龍虎得者
當尋西壁尊或曰天師神虎之法太白真人指授於此洞
水簾洞在仙巖右洞容數十人門張水簾玉色一片照映洞中
究其源則自絕頂飛流至此

西源洞去宮十里洞境幽異泉石深窈三十代天師嘗賦西源
好三十篇傳于世

井

聖井在聖井山三井相通世傳有龍居之人投金鐵重物輒浮
投楮幣輕者則直入苟不精潔復旋出不受受或浮數十
百年間物答之水黝黑中產異魚四足鱗鬣非常旱禱者
獲迎以歸雨必隨至復送魚還井以為常宋初有郭巫祈
雨井上誤墜所吹白牛角巫投取之遂墜井初不覺水有
樓殿儼然一老翁中坐侍衛森列植所墜角牖間巫進請
角翁謂曰凡水旱有天數非吾獨專小民不脩誠回天而

晝夜角聲環井何爲故奪汝角巫懇請不已謂後不復更
敢聒井翁乃命還之巫挺身而出衣巾不濡後再旱巫違
前誠吹角井上角復墜井巫玩井投身取角溺不復出踰
五日屍出山前潭水之上僵坐不仆漁者推赴長流旦視
復坐前所如是者數四屍竟不去亦不朽敗是夕見夢於
鄉人曰吾郭巫也向再入片見龍龍謂數出入非宜閉不
令出繼因命我掌祠卓屍見異鄉人往驗之信爲立祠就
有禱亦輒應理宗朝三十五代天師赴闕旱被井龍致雨
大驗遂言於朝封爲廣潤侯

蔡家井

龍鬚井

三台井

丹井在宮門右水清淺甘香雖旱不竭

宮宇

大上清正一萬壽宮

大上清正一萬壽宮者蓋四代天師過龍虎山即祖天師煉丹之地建祠堂奉祭祀子孫徙祠堂於山之東二十里曰倪洋違祠堂東行數百步別建壇傳法錄唐會昌間賜名真仙觀宋大中祥符間改賜名上清天聖間二十六代天師徙建其觀于山之陽政和間改賜曰上清正一宮

大元大德甲辰賜今額

三清殿宋建炎間燬於寇慶元間留用光新之

大元至元間張大宗師大新之大德間燬有司又大新之

真風殿在三清殿其中設祖師嗣師系師像其下諸殿宇因準
與三清殿同宋理宗書真風之殿四字

福地仙官殿在真風殿左

留侯殿在真風殿右

正一玄壇在三清殿南宋理宗書正一元壇四字

昊天殿在鐘樓東

正一堂在真風殿北上舊有紫微閣宋理宗書紫微之閣四字

真慶殿在法堂西

三元三官殿在三清殿東南

十二真君殿在三清殿西南

方丈在法堂東

庫堂在方丈南

齋堂在三清殿西

藏殿在齋堂西

南斗殿在藏殿南

北斗殿在藏殿北

鐘樓在東廊南

鼓樓在西廊南

雷祖祠在鐘樓下

玉嶽聖帝祠在鼓樓下

趙元帥祠在昊天殿南

內官廳在鼓樓西

外官廳在丹井南

三門在正一玄壇南

樓門在三門外榜曰龍虎福地

蓬海堂在三門東

宿雲堂在蓬海東

道院東十有曰

精思

三華西

中和

玉華東

仙隱

崇道

華陽

棲真東

洞玄

十華外內

竹塢

東隱

崇玄

玄隱

道院西二十

紫東

紫微

佑聖

奉真

高深

達觀

深秀

明遠

真慶

太素

崇清

崇禧

繁禧外內

洞觀

棲真

毓和

清富

西隱

迎華

混成

養素

天師家廟

天師家廟者四代天師作於信州之龍虎山祀其祖天師其字

及世補世祀今三十七代廟在正清宮西二十里宋徽賜額
曰演法觀殿後祠神于倪洋迨嘉熙間敕行在提舉修內司
建為真懿觀

大元至元間三十六代天師敕內外一新之

真風殿祀祖天師

法堂在真風殿後上為樓祀留文成侯及歷代天師

法院在法堂後祀法錄諸神

方丈在法堂東

學堂在方丈東

東齋

西廡

鐘樓在東廡南

法籙局在東廡東

三門

樞星門

天師舊宅在觀西

天師新宅在觀東

諸宮觀

演法觀在宮西二十里即舊龍虎山二十九福地也宋崇寧間

賜額曰演法觀初殿宇卑隘咸淳間三十六代天師始大

新之詳見天師家廟

靈寶觀舊在微君山下宋大觀二年賜敕額嘉慶年間本宮道士易如剛遷於宮之東山

大元大德間復遷水南

雲錦觀舊三侍郎雲錦菴也在雲錦石下去宮而南二十里後三十三代天師遷於宮之東北鐵爐源初宋籍沒王氏田土慶元間以賜本宮道士留用光用光遂遷觀於王家壩祈真觀在宮東南三十里曰梅潭祖天師唐葉天師皆嘗煉丹於此宋崇寧間賜額

崇真觀在宮東南七十里曰鬼谷山南唐保大間昭孝太子請

拾錢建觀宋嘉祐間賜額

大元至元間本宮道士吳與順重建

金仙觀在宮東北九十里曰小田宋景定間史部應彌正建
瑞慶觀在宮西十五里曰王晉山宋咸淳間三十六代天師建
沖和觀在宮北四十里曰澗田至元癸巳三十七代天師建
慈壽觀在宮西十五里曰看源至元庚辰三十六代天師建

諸菴 道院附

渾淪菴三十代天師建

靖通菴三十代天師建

隱菴

玉泉菴

塵湖菴

天谷菴宋本宮道士郭南仲建後廢易如剛命弟子毛育興重建

蒙谷菴三十代天師所生故宅天師父自號蒙谷子因名

歸隱菴本宮道士留用光建宋寧宗為書菴額

八卦菴至元間本宮道士劉思敬建

止止菴至元間本宮道士熊貫實建

紫雲菴大德間本宮道士金應蘭建

太極菴至元間本宮道士董應謙建

寄菴至元間本宮道士吳禹錫建

西華道院至元間三十六代天師建

通真道院元貞間張大宗師建

會真道院至元間本宮道士方南翔建

東山道院至元間本宮道士黃師漸建

望仙道院至元間本宮道士熊貴賢建

紫霞道院至元間本宮道士孔昌立建

雲山道院至元間本宮道士薛維申建

雲溪道院至元間本宮道士馮介福建

孫峯道院至元間本宮道士周忠厚建

仙源道院至元間本宮道士倪君錫建

怡雲道院大德間本宮道士孫繼祖建

人物上

天師

天師之號見於素問莊子蓋亦有道者之稱稱謂張氏號天師三十有七人矣老子言道德于周祖天師倡正一教于漢嗣者祖老子而宗天師傳代至今何其詳哉夫千年間盛衰相因廢興相尋而一姓靈長如張氏者鮮也按天師家傳起一代至三十七代空其左方云

道陵

漢書名陵

沛國豐人也九世祖良初遊下邳祀上堯人稱

之以書後從漢高帝取天下有功封留侯語帝曰臣願棄人間事從赤松子遊卒謚文成侯子不疑不疑子臯臯子侗侗子

身無妄子里仁里仁子覺覺子起起子大曠是為宗柏者夫師
之父也母夢神人衣繡衣自北斗中下授以香草曰是衡薇也
覺而香氣徧室經月不散感而有娠建武十年正月十五夜生
於天目山黃雲覆屋紫氣盈庭室光如日昔之香氣復聞既長
眉廣額隆准豐頤目三角美須長額垂手過膝七歲讀光
子即了其義天文圖書咸貫通焉和帝累徵不起自浙踰淮涉
河洛西入蜀山得煉形合道之書辟穀少寐學者嘗數百又一曰
與弟子王長出蜀歸天目南遊江東於雲錦山煉龍虎大丹丹
成復遊嵩山忽有衣繡衣人前曰此山中峯石室有三皇內文
黃帝九鼎太清仙經宣明內煉秘要子得其書簡之當百曰

舉言竟不見後果得其文石室中居陽平山出入陽神飛行洞
視居西城山有老人來泣曰吾西城房陵有白虎神食人每歲
鄉民盜殺以祭願師駐除為絕其害居葛嶺秦中昌利隸上湧
泉真多北平親視北邙灑口公墓冥陰平岡諸山情尤真法得
出入水火之妙以養神輕身之術授諸弟子治獬鬼馴服猛獸
多著神異居鶴鳴山老子降授法籙二十四品及寶劍玉印印
文曰陽平治都功印劍文曰太上三五斬邪之劍使治蜀魔鬼
居雲臺山老子復降授以謝罪趙度玄祖章居主簿山神人夜
獻玉璧居本竹山衆真人降授靈寶經居蒙秦山遷渠真山又
至雲臺山俯視於壑中枕實謂諸弟子孰能取之趙昇身如飛

爲下橋而上天師復自投取桃良久不出趙昇王長繼下遂以
神丹及諸經玄秘授昇長諸弟子久俟無聞各去後出居渠其
山望見陽山其氣屬天往治之有十二女子各持玉環以獻曰
願奉箕帚受十二環合為一擲之地地即陷數十丈曰孰能下
得環者從其請女解衣爭下悉藏其衣女不能出與誓曰汝等
爲此并神母出為害并泉竭鹵今煮為鹽居滴沅山為說經臺
居鹿堂山煉九鼎神丹居平蓋山合九華大藥成都地湧玉局
文餘老子復降說諸經要永壽二年九月九日在渠其山及妻
雍氏白日騰空而去王長趙昇侍焉唐中和間封三天扶教大
法師宋熙寧間加號輔元大觀二年玉冊加正一靜應真人嘉

熙間加顯佑

大元元貞間加沖玄神化是為天師一代子衡嗣

衡隱居博學精脩至道不與世接漢光初二年正月白日仙去
大元至大元年追封正一嗣師太清演教妙道真君是為天師
二代子魯嗣

魯備貌卓識雄毅剛果以父學行漢中自號師君來學者教以
誠信不欺有病者令自首其過部立祭酒領治多者為治頭大
祭酒使佩服經錄攝其邪心皆為善民魏武帝入南鄭待以客
禮表為鎮南將軍封閬中侯食萬戶子五人皆封列侯

大元至大元年追封正一系師太清昭化廣德真君是為天師

三代子盛嗣

子盛系師第三子魏武帝表為都亭侯晉永嘉中南遊江東至龍虎山祖天師煉丹之地因結廬居之是為天師四代

元至正十三年贈清微顯教弘德真君子昭成嗣

昭成父出遊逾年聞居江東乃奉母廬氏至龍虎山既長脩道有立乃嗣劍印是為天師五代

元至正十三年贈清微廣教弘道真君子椒嗣

椒傳通五經晉安帝徵之不起終於家是為天師六代

元至正十三年贈清微弘教玄妙真君子仲回嗣

仲回初能言即問道是何物五歲欲傳父經籙父曰兒幼且留

心儒書曰吾祖書一不讀讀他書何為十歲以經錄授之後入青城山莫知所終是為天師七代

元至正十三年贈王清輔化弘濟真君子迥嗣

迥半容粹德須顛秀美行風塵中人爭睹之善言人貴賤壽夭病者謁治無不愈是為天師八代

元至正十三年贈王清應化冲靜真君子符嗣

符聰敏明達該貫諸子百家陰陽禁格之說嘗舉浮圖語證老子學曰二氏之徒胥失仙佛之旨今汝曹持論過高不由下達幾有所成吾言雖近其旨益遠是為天師九代

元至正十三年贈王清贊化崇妙真君子子祥嗣

子祥仕隋為洛陽尉歸隱山中服食修煉能吐丹掌上或置器
內尋又嚙之是為天師十代

元至正十三年贈上清玄妙太虛真君子通玄嗣

通玄靜默多靈異歲或疫癘祝水療病病已者持錢帛來謝咸
揮卻曰吾祖留此濟人安與汝曹貨迴是為天師十一代

元至正十三年贈上清玄應沖和真君子恒嗣

恒天資敏達書傳一過目終身不忘唐高宗遣使召至闕下問
安國安民之道曰能無為天下治明日以疾辭去尤善幻術自
言吾神仙之狡獪者是為天師十二代

元至正十三年贈上清玄德太和真君子光嗣

光精志備鍊入石室二十餘年不火食壽一百四歲是為天師
十三代

元至正十三年贈太玄至德廣妙真君子慈嗣

慈棄妻子學道深山化之日入聞仙樂隱隱焉是為天師十四

代

元至正十三年贈太玄上德紫虛真君子高嗣

高縱酒踈曠嘗忘印長安酒家有少年知為天師玉印舉盡力
不動明日高來携去印文透几唐玄宗嘗為祖天師畫象贊以
賜是為天師十五代

元至正十三年贈太玄崇德玄化真君子應詔嗣

應韶躬畊自娛釋畊則據石吹箴笛人莫測其際是為天師十

六代

元至正十三年贈洞虛演道冲素真君子頤嗣

頤性至孝侍母疾經旬月不解帶啜粥飲水每謂學者曰不孝而學仙猶舍舟楫而涉大川也是為天師十七代

元至正十三年贈洞虛闡教孚祐真君子士元嗣

士元呼吸道引能通層上下種桃李頃刻開花住應天山四十年山多虎豹蛇虺人莫能登其上每大風雨遙望有瘠而頽黑冠而白衣者騎龍往來諸峯間知為天師也是為天師十八代
元至正十三年贈洞虛明道贊運真君子脩嗣

備嘗授法籙江西大賈劉遷明年遷來言昨買金陵得暴疾死
見黃衣人執素簡謂遷曰汝佩正一法籙非地司所攝遷得復
活願從師游是為天師十九代

元至正十三年贈沖玄翊化昭慶真君子謚嗣

謚唐會昌中道譽升聞賜傳籙壇宇額曰真仙觀是為天師二
十代

元至正十三年贈沖玄洞真孚德真君子秉一嗣

秉一母夢心金龜覺而有娠十有五月而生長而目光如電夜
能睹物嘗負劍行山澤叱一老樹雷震樹裂擊死二巨蛇及百
十小蛇南唐之齊王者夢隋井中有道士目三角而額着魚鬣

衣掖之出井占夢者曰此像祖天師也遂即龍虎山建廟宇錫
之上田化之日語妻子曰頃地震乃歛已而果震是為天師二
十一代

元至正十三年贈沖玄紫極昭化真君子善嗣

善雅不出戶庭一日忽遊名山三十餘年不返一日忽歸持默
潛脩不與物接是為天師二十二代

元至正十三年贈清虛崇應孚惠真君子李文嗣

季文五代之季人求佩錄脫兵革之禍者甚衆遂鑄鐵環券數
萬繼之故宋初鐵券錄猶盛是為天師二十三代

元至正十三年贈清虛妙道輔國真君子正隨嗣

正簡宋大中祥符八年召至京師吏部尚書王欽若為奏立授
真院又敕改真仙觀為上清觀賜號真靜先生是為天師二十
四代

元至正十三年贈清虛廣教妙濟真君子乾曜嗣

乾曜宋天聖八年召至闕下仁宗問曰日冲舉事對曰此非可
以輔政教也陛下苟能返古之朴行以簡易志慮清明神氣完
和矣真事冲舉上嘉之賜號澄素先生是為天師二十五代

元至正十三年贈崇真益濟湛寂真君子嗣宗嗣

嗣宗生而左掌若有印文遷上清觀於龍虎山之陽賜號虛白
先生是為天師二十六代

元至正十三年贈崇真普化妙悟真君子象帝嗣

象中至三月而遷行五月而能言七歲召至闕下賜崇衣後歸
隱徵君山壽六十五是為天師二十七代

元至正十三年贈崇真通憲紫玄真君子教復嗣

敦復性簡達聲如洪鐘宋崇寧間隸于內廷大觀二年贈葆光
先生是為天師二十八代

元至正十三年贈太極無為演道真君從子景端嗣

景端宋大觀二年贈葆真先生是為天師二十九代

元至正十三年贈太極清虛慈妙真君從弟繼先嗣

光二十七大天師之曾孫祖父敦信父處仁仕宋知臨川縣

繼先天資敏慧洞究天人性命之微結菴曰靖通作大道歌其
詞曰道不遠在身中物則皆空性不空性若不空神氣住氣歸
元海壽無窮要得身中神不出莫向靈臺留一物物在身中神
不清耗散元陽損筋骨神御氣氣留形不須雜術自長生術則
易知道難遇縱饒遇得不專行所以千人萬人學畢竟終無一
二成神若出便收來神返身中氣自回如此朝朝還暮暮自然
赤子產真胎又作心說其詞曰夫心者萬法之宗九竅之主生
死之本善惡之源與天地而並生作神明之主宰或曰真君以
其帥長於一體也或曰真常以其越古今而不壞也或曰真如
以其寂然而不動也用之則彌滿六虛廢之則莫知其所其火

無外則宇宙在其間而與大虛同體矣其小無內則入秋毫之
間而不可以象求矣然則果何物哉嗇兮冥兮恍兮惚兮不可
以知知不可以識識強名曰道強名曰神強名曰心如此而已
由是觀之豈不大哉豈不貴乎然而輪迴生死而不能自己者
何也蓋一念萌動於內六識流轉於外不趨乎善則趨乎惡故
有天堂地獄之報六道輪迴無有出期可不痛哉可不悲哉若
夫達人則不然也故齊戒以神明其德一真澄湛萬禍消滅老
子曰致虛極守靜焉萬物並作吾以觀其復夫物芸芸各歸其
根歸根曰靜靜曰復命復命曰常知常曰明不知常妄作凶所
謂常者越古今而不壞者是也所謂妄者一念纒起者是也莊

子曰既已為物矣復欲歸根不亦難乎在易也其為大人乎自
此以往謹言語節飲食除垢止念靜心守一虛無恬淡寂寞無
為收視返聽和光同塵瞽然是病不續是藥不怕念起惟恐覺
遲譬如有一髮朝朝思理有身有心胡不如是行住坐卧勿使須
臾離也無何有之鄉華胥氏之國吾其遊焉初崇寧四年召赴
闕庭命弭解州監池恠事甚神異號虛靖先生以玉冊封祖
天師為真君後凡三召政和中大內失命醮禳之醮畢因屏左
右奏赤馬紅羊之厄其語秘尋數改上清觀額為上清正一宮
賜步口田五萬畝以其入餼眾靖康丁未歲金兵犯汴急召入
朝至泗州天聖觀端坐而化年三十六後高宗詔設像於中觀

堂明年薩道人守真與天師遇青城山守真不識也託守真附書其家并寄一赤馬既至嗣天師發書知為天師親書為則向所歛者家大感慟遣人於泗州舉其柩歸止有一赤馬焉又有入於武夷山見之者 大元至大元年追封虛靖玄通弘悟真君是為天師二十代季父時脩嗣時脩二十七代天師之孫父襲真三十代天師既化推嗣劔印辭曰繼先子也時脩父行也嗣之可乎眾曰法統所在孰得奸之 元至正十三年贈正一弘化明悟真君是為天師三十代子守真嗣守真母吳氏娠十有九月而生宋乾道六年召赴德壽宮咨問道要賜錢重刊經錄被高宗手書清靜陰符二經以賜賜號正應先生元至正十三年贈崇虛光妙正應真君是為天師三十

三代子景淵嗣三十三代天師諱景淵字德瑩初名伯璟遵一長子也
乾道中侍父入朝高宗異之改賜今名嘗與醮內廷有大感併賜象
簡以歸皇子魏王鎮明州卧疾為壇以請至乃祝水飲之而愈禮
賜特厚一日復遣人致聘使及門忽語弟子曰吾仙期不可爽矣遂
隱几而化 元至正十三年贈崇虛太素冲道真君子慶先嗣
三十四代天師諱慶先字紹祖德瑩嫡子也初慶先未生時德
瑩嘗鞠幼弟嗣先權攝教位及慶先長以嘉泰元年辛酉襲
教性慈儉樂貧困至是經錄之傳益顯飲至數斗不醉嘗遊山
之張公洞洞有井甚深戲以木葉擲之俄而波濤博湧有一老
翁從中出拜而有請因戒以毋旱澇而去嘉定二年十月二十

二月有道人來謁而禮敬甚謹既去語弟子曰彼與吾有深約焉越七日晨興宴坐而化

元至正十三年贈崇虛真妙光化真君從子可大嗣

三十五代天師諱可大字子賢曾祖三十二代天師守真第二子也伯瑀之孫初景淵歿伯瑀嘗攝教事慶先歿嫡子成大幼可大父天麟復攝教事宋寧宗召賜號仁靜先生未幾成大早歿以可大為慶先後紹定三年仁靜先生歿可大年十三正三十五代天師位時鄱陽水溢壞民室廬無數袁提刑甫請治之以符投江雷震殛死大白蛇水遂復故袁喜詩以謝之詩曰

三十五代張天師雙瞳點漆人間稀直從龍虎山頭來為我

拜章通天墀一郡生民罹巨浸夜不安枕晨不炊香烟集
徹祖師知是吾孫亟見之乃啓天關命之入跪奏玉帝許此
悲帝乃惻然矜下民收雷捲霧不移時水歸其壑民歸廬舍
歲一飽真可期師傳祖師之正印一番聲名四方馳江東使
者感師德代為百姓歌此辭

端平間累召至闕賜錢經籙資嘉禧三年錢塘潮決水及艮山
門民廬盡漂詔治之投鐵符湖中潮隨退尋又大旱蝗命醮于
太乙宮兩作蝗殪七月召見賜號觀妙先生勅提舉三山符籙
齋御前諸宮觀教門公事主領龍翔宮賜錢重建真懿觀
田若干免輸租賦御書真風殿紫微閣及真懿觀額并題詩于

秦以賜之詩曰

神與道考為一天與人考相連苟精守以專密必駕景而凌
烟

上玉冊加封祖天師及關石二帥龍井等神景定四月七日以
印劍授次子宗演具表辭謝而化丞相江公萬里為之銘元元
貞二年追封真人

制曰道為天地之常經參造化名者古今之公器特示褒封
故三十五代嗣教漢天師觀妙先生張可大佩籙三玄蜚光
八極積功累行造彼希微禱雨退潮特其主首昔先皇在昔
邸間使詣殊庭知天命之有歸以靈詮而默授謂聖明當一

四海其徵驗後二十年蓋神與道俱測洞將來之數及迷懷
近悅允符前日之言乃卷真符蓋領異渥嗣師與隸克紹宗
風宗孫留孫總持玄教其立稷丘之祀仍加貞一之稱於戲
冕服倘來非至人之所尚雲軒伊邇尚多貺之或申可贈通
玄應化觀妙真人

三十六代天師諱宗演字世傳號簡齋可大次子也性淵靜少
穎敏年十九嗣教宋咸淳間信之上饒旱守臣唐震請禱之
兩應如期元世祖平宋遣使優詔召之

詔曰諭龍虎山張天師卿之先祖道陵用心精一得法錄之
正傳甚有徵驗流布至今子孫相承已數十代一千餘年矣

雖嘗聞卿之譽以兩國梗絕之故未遂延請適者宋主不廣
德量力執我行人久留弗遣以故命中書左丞相伯顏率兵
南伐上天眷佑大江已為我有南北一家今特遣武畧將軍
兵部郎中王世英武畧將軍刑部郎中蕭郁齋詔召卿毋
以易主遂生疑貳卿之先世自東漢以來歷事二十五姓無
非公心未嘗有所偏執天無私親厥命靡常外知道者寧復
昧於是乎宜趨命駕毋多辭讓故茲詔示想宜知悉

未幾入覲既至勅廷臣郊迎待以客禮入見顧問者再六月醮
于內廷明年又醮于長春宮請還山賜玉冠玉圭金織文服賜
號演道巫應沖和真人

制曰嗣漢三十六代天師張宗演卿心傳法統體粹真風廣
黃庭大洞之科持正一盟威之錄爰清爰靜以信以誠三天
青蛇役鬼神於淇澳一杯明水淨妖孽於邇遐弘開濟遠
功且錫褒崇之號可特賜演道靈應沖和真人

仍給三品銀印令主江南道教事得自出牒度人為道士諸路
設道錄司州設道正司縣設威儀司皆屬焉詔諭江南復宮觀
賦即京師度地創崇真禹壽宮勅弟子張留孫主之後復兩名
至闕禮遇有加晚新演法觀以優游自樂或席月掉風若忘人
世間一日有道人來謁告以玉兔之約至元辛卯十一月有獻
白兔者語弟子曰吾昔以明日生今以今日去矣遂書頌而化

長子與棣嗣大德八年三月追封真君

制曰蓋公遇漢寧辭海上之招司馬在唐嘗應天台之聘按
古來之達士多寓迹於名山惟出處之隨時迺周旋於中度
三十六代天師演道靈應沖和真人管領江南諸路道教事
張宗演慶演仙靈之派學深靜定之功自王師臨鄂渚之初
而妙道達世皇之聽芝泥雲篆鳳書一下於江南金服瑤冠
鶴馭三承於聖壽宗風為之益振玄教為之增光遐想仙遊
宜伸卹典爰進陞階之號仍加節惠之文於戲旌陽有術鎮
蛟螭既貽芳於賢嗣姑射所居無疵癘尚敷錫於民編可贈
演道靈應沖和玄靜真君

三十七代天師諱與楛字國華號希微子宗演長子也淵默寡
言咲洞明三教奧義為詩文立數百言甫冠侍父入覲儀表溫
瑩敏於應對上屢嘆異之至元辛卯嗣教應召入覲上賜坐問
勞甚至宣授體玄弘道廣教真人

制曰嗣漢天師三十七代孫張與楛鄉慶源有自化應無方
宜須紫誥之榮以作玄門之表可特賜體玄弘道廣教真人
管領江南諸路道教事

并賜金冠法服以歸成宗登極復召赴闕命醮于萬歲山圓殿
三晝夜上親致敬禮成酌上樽以賜之繼又醮于長春宮七晝
夜合南北道士千餘人醮畢詔加封祖天師及三十五代天師

魏又賜玉圭寶冠法服增帛申命天下行其醮典改江南諸路
天慶觀為玄妙觀一日忽謂弟子曰吾世味素薄今留帝鄉且
又非吾志也繼上奏以方外士蒙恩隆篤茂以報稱乞賜歸上
未允越月示化于崇真宮上嗟悼久之賜楮幣有差遣使護
冠劍還山仍勅廷臣祖祭于郊門弟與材嗣

三十八代天師諱與材字國梁號廣微子宗演第二子也天資
仁厚為詩文可立就於書翰尤世鮮及至元三十一年嗣教上
遣使即山賜冠服圭佩俾掌教事且召之明年改元元貞入
見于大明殿又明年制授太素凝神廣道真人兼管道教

制曰嗣漢三十八代天師張與材虹芝標瑞金格蜚英學

前景之玄微蘇開三元之正教乃祖乃父已顯號之同符
弟難允宜真元之載衍特頒寵教庸示眷懷惟至人體道為
功卿當振靈山之緒以敬德祈天永命朕方崇璇室之科可
號太素凝神廣道真人管領江南諸路道教事

仍封其母為玄真妙應仙姑別降璽書俾自給牒度人為道士
免宮觀差賦申護法錄免運輸之役大德二年海鹽鹽官二州
潮大溢沙岸百里盡齧將及城下奉詔馳期治之五月至杭醮
于佑聖觀遣弟子投鐵符岸北處符躍出者三雷雷書曰水
魚首龜身長丈餘于水裏障復致語重建大上清正一萬

壽宮五年復召赴闕京歲苦旱丞相答刺罕請禱之天師曰承

相宜動之心動天天宜雨矣明日果雨直赴上都見上于隆慶
御宴殿中六月命醮于壽寧宮夏命醮于延春閣七日上親致
敬禮禮成上曰冬暖不雪民間得無有災沴乎命為壇禱之是
夜雪下盈尺上大喜遣近臣賜酒曰卿能感通若是耶六年辭
歸上御柳林詔張天師侍祠致嘉歎其著其重賜之及賜弟子
四月奉辭于龍虎臺醮祭有旨加賜且藏香使禱于所過名山
宮觀歸醮于正一萬壽宮復授以銀印視二品宰臣百官宴餞
之八年錄平潮功加授正一教主兼主領三山符籙

制曰粵自上世相傳能為國家除害正一初祖之於蜀常驅
龍井之妖觀妙先生之於杭亦好齊濟之惠卿持法印之三

載潮醫海盜之兩州憑鐵符丹篆之靈殄魚首龜形之孽沙
漲復隄防之固民居脫昏墊之災比因江淞行省以聞俯酌
玄教宗師之議精誠有感宜茂進於仙階清靜無為尚欽崇
於妙道可加正一教主兼主領三山符籙餘如故

追贈考三十六代天師為真君九年蘇州崇明縣西海潮隄崩
民告其故遣弟子往劾之至有白鶴數百群翔海際夜覩神光
燭空民夢有神奉符填海者遂安武宗至大初朝京師賜寶冠
金服授金紫光祿大夫留國公

制曰惟除邪輔正闢世教以為多崇德報功宜邦彝典其舉
維聖祖夙歆於至道而先皇屢歎於真儀茲嗣服之云初豈

疏祭之可後正一教主嗣漢三十八代天師太素凝神廣道
真人管領江南諸路道教兼主領三山符籙張其材清倫偉
望按學通材泓然理域之深融汎若環中之順應禦民災而
輒效持童猶虛靖之精嚴祈福貺則隨臻飭戒具冲和之祇
肅動靡端倪之可見祭奚童綬之能為制則特頒理於茲順
於戲封畱足矣益光炎漢之高風自天申之永贊有元之丕
祚往綬燕履茂對鴻庥可加正一教主嗣漢三十八代天師
太素凝神廣道明德大真人領江南諸路道教所事特授金
紫光祿大夫封畱國公餘如故

可二代嗣師三代系師皆為真君母周氏為玄真妙應淵德真

人時皇太后在興聖宮仁宗在東宮皆寵賜特厚是歲夏多雨
宰臣合散公留守大都遣禮部尚書王公約請禱越三日天霽
朝野歡餞之仁宗即位復入朝賜見嘉禧殿詔太保曲出若曰
予嘉天師之道其繼承有緒他無與比者又加賜寶冠金服給
銀印視一品追贈其母周氏為玄真妙應淵德慈濟元君優賜
有加二年四月上遣使至山諭曰去冬不雪今復不雨田弗就
入種朕甚不忍民之傷也天師其為之禱于上清宮兩廂應復
檄風命霆意周洽遠近郡縣皆以沾足聞使還上嘉歎者再每
歲三元叅授法籙及以水旱妖癘來告者無虛日皆活之捐粟
為義倉以濟貧乏藝術之士日集于門各如其望而去延祐一

年秋與弟子徧遊巖洞間或為詩繪物皆寓意有警人莫能測
除夕復自贊壽像有東風吹雪之句越明年正月十有一日雪
乃口占遺頌而化子嗣成嗣

嗣成入朝復詔尚方繪天師遺像勅翰林學士趙孟頫為之
贊曰猗嗟先生神靈之裔清明在躬對越上帝三十八傳允
矣善繼體玄太素難兄難弟道粹瓊瑤德芬蘭桂日如電光
神情超詣驅風鞭霆馘妖滅癘浙人再安海若其逝應緣解
化仙骨委蛻真存何之玄風斯契金冠玉圭雲裾霞袂遺像
儼然百神侍衛空餘人間散落翰藝勗我後人欽于世世

三十九代天師諱嗣成號太玄子與材長子也神情高遠

寡言 至大三年侍父入覲至杭寓宗陽宮值杭城災衆往求
救乃登通江橋望火起處以水噴之火遂滅延祐三年丙辰正
月留國仙遊以劍印授之命襲教開府張宗師聞于朝仁宗遣
使至山命主教事且召之十月入覲見于明仁殿上顧問甚至
喜曰克肖而父命建金籙大醮于長春宮禮成賜寶冠金服明
年正月告歸制授太玄輔化體仁應道大真人主領三山符籙
掌江南道教事

制曰天下有道宜崇清靜之風至人無為爰佐隆平之治誼
揚命號申耀宗乘嗣天師張嗣成得老氏之真詮實玄明之
巨擘自漢而下以其數考之一千餘年渡江以來于今四傳

矣二十九代學邃瓊科之正聲揚絳簡之英嗣錄云初來朝
甚謹俾陟仙班之舊經經教事之新贊皇極之建中行洪圖
之錫羨於戲惟名不假朕特示於綬嘉率祖攸行卿盍思於
報稱丕欽茲渥罔替其恭

推恩封母易氏為妙明慧應常靜真人別降簡書命掌道教給
度牒行法籙免遠輸之役遣使護送還山七年益官州海潮復
作詔名印行省建大醮禱之投鐵符岸圯處雷電大作水帖息
復故英宗即位詔入覲見上于上都至治元年制加授領三山
符籙掌江南道教事

制曰朕欽崇天命景慕道德求所以靜一而寧民者興言

人崇及後裔嗣天師張嗣成內爾祖能傳老氏之旨導和崇
正扶植世教世其家者繼顯爾器識弘遠博學多聞自先朝
以長而賢俚嗣名號承志篤善克勤不怠每懷沖退令聞益
彰朕踐祚之始爾奉幣來朝執儀甚謹良用寵嘉申命且新
循乃舊職尚一爾心弘爾教恭畏祗肅叶贊無為之治毋替
厥服往惟欽哉可加特授正一教主嗣漢三十九代天師太
玄輔化體仁應道大真人主領三山符籙掌江南道教事

復降聖書給驛護送如初泰定元年入覲見上于大明殿二年
正月壬午日有食之大臣求禱雪以禳之天大雪上悅賜宴
上復命建黃籙大醮于長春宮時有天花雲鶴之瑞國子司業

虞集承詔記之賜寶冠金服制加翊元崇德正一教主知集賢院道教事

制曰我國家之崇玄教言莫與倫卿家世之被皇恩今為特
盛宜隆稱號爰示寵嘉嗣天師張嗣成水雪神人風雲聖代
乃祖乃父累功積行二前若子若孫繼序增光于後及此初
元之觀助予敬德之祈翼二小心允謂恪恭而有禮魏二伏
道共期清靜以無為可特授翊元崇德正一教主嗣漢三十
九代天師太玄輔化體仁應道大真人主領三山符籙掌江
南道教事

封仙姑胡氏為明慧慈順仙姑還山寵錫如故與四年益信州

潮復決岸崩及城詔召至行省醮于佑聖觀有三足龜見殿上
潮退杭民以旱告禱之即雨至順元年入朝文宗降璽書申護
有加至元再召入朝見上于明仁殿時京畿旱詔禱雨崇真宮
大應秋苦雨禱而霽冬不雪禱復應上大悅賜以上尊且語近
臣曰朕煩天師多矣可錄前後勳績備載制詞三年三月頒制
加知集賢院事

制曰老聃度函谷關未始忘於天下留侯從赤松子豈果棄
於人間式啓聖人神道設教之門遂任天子為民請福之寄
主其法者代有功焉不遠而朝宜新厥命特授翊元崇德正
一教主嗣漢三十九代天師太玄輔化體仁應道大真人主

頌三山符籙掌江南道教知集賢院事張嗣成神明之裔道
德之宗自爾祖之遇世宗乃父之於仁廟兼簡帝心雖有道
之長實繫聖明之主而無為之治庶開清靜之風誕佈玄休
屢昭靈應卿既克承于後朕亦丕勞爾先往者海水為災再
免黔黎於昏墊近而天時作慝三致雨雪之感通功成弗居
禮宜有報噫神仙以忠孝為本尚毋愧於傳賢帝王以天地
為心曷敢忘於敬德見所帶職號如故宜令張嗣成准此
留京且久乞還山詔百司宴餞之遣使護送既還日棄絕人事
惟逍遙自娛至正四年甲申將遊五嶽青城先登太山九月舟
次呂梁洪薄暮有一老父求見密語移刻而去明日遽命返

庚子抵寶應縣化于舟中弟子奉冠劍還及入都湖抵雲錦溪
有二黑龍護舟疾行不六日溯流而達其神異若此弟嗣德嗣
四十代天師諱嗣德號太乙與村第二子也性寬厚善詩文至
正甲申嗣教後九年壬辰天下兵興命弟子舒惟寅募義保障
凡隣郡間兵不敢向民賴以安是年十月微疾而化明年制授
太乙明教廣玄體道大真人主領三山符籙掌江南道教事制
下已化矣

制曰正一仙真克授經符之秘神明華胄宜膺劍印之傳仙
籍有徵寵章再錫咨爾張嗣德學資家訓道演宗盟祖禰聯
芳雲仍襲慶始著飛昇於蜀漢世施度化於江湖寶籙金符

瑞應昔昭於簡冊青蛇玉劍淵源永緒於箕裘歷彰糾攝之
靈每佐清寧之治渙號維基於前代洽思猶渥於本朝紫誥
銀章禮重褒崇之典珠冠金服光貫冲素之流玄門偶缺於
承宗法嗣共推於嫡嗣卿其奉真元之秘律肅太上之精筵
恪思繼業之隆益拯含生之沴再揚靈素永播真風於戲珪
幣多儀務念輸誠以事帝壇壇秘祝慎嚴徽福以庇民尚體
子衷以弘爾教

子正言嗣

四十一代天師諱正言號東華嗣德長子也貌古神清沉靜真
言時京道不通且二年矣江湖行省遣間使傳制授天師明

疑道弘文廣教大真人主領三山符籙掌江南道教事踰年一
日集諸弟子曰吾家世代以福國忠君化民為本今天下兵爭
日久朝廷去遠安危未可知况吾諸弟子總玄教於北者榮遇
特隆可無一言以致徵兆之吉乎於是介弟子程天翼奉命言
於玄教大宗師于有興入陳于朝上曰天師方外士也曩以川
途梗塞無以致撫安之道朕甚憊焉天命此幸有以旋之宗師
奉旨俾天翼還報歲巳亥中元日陞座演道語若有善言人鮮能
測未幾示徵疾名弟子曰吾自龍教以來遭時多難今逝期至
矣越二日書頌而化弟正常嗣

四十二代天師諱正常字仲紀號冲虛子三十九代天師太玄

公之冢子也生有異徵太玄公假寐亭中神人飛空而至曰余自
華蓋山來遊君家願見容也及覺而生切頽特寬厚双目燭人
性嗜老莊言於仙道秘法尤篤志太玄遊五嶽指相傳印劍曰
龍星再集於亥吾見當持此大振玄風至正己亥龍襲教太玄之
懸記始驗陞廣筵開演道要曰方學徒聞者徒然領解時兵亂
經錄久秘弗傳至是願授者川正闡三元醮修於玄壇嘗鍊幽
爽輒有異感乙巳朝京師

上一見悅曰瞳樞雷轉法貌昂然真漢天師裔也下詔褒美之
寵錫特至丙午復入覲京師士庶人求符者日以千百閉關拒
之不止篆巨符授朝天宮井中人爭汲之水竭且弗已飲者亦

瘳 上嘉之令作亭井上號曰太乙泉及還山賜織綾金服給
驛券洪武戊申 上登大寶位入賀錫謙於便殿制授正一教
主嗣漢四十二代天師護國闡祖通誠崇道弘德大真人領道
教事

制曰朕惟玄教真風闡五千餘言之典祖庭積慶衍四十二
代之傳地靈毓龍虎之英仙骨竦鶴鷺之表長茲正一佑我
大明天師張正常簡素性成端凝天賦琳書寶札探秘妙於
黍珠之中綠輿瓊輪超溟漠於璇霄之上仗劍則鬼神聽命
登壇則雷雨應時卓尔天人之師允矣神明之胄然道德不
拘於名爵性情貫乎於冲和夫何近代以來特授官資之類

揆以至理未足為禁用制真人之美稱俾冠道流於當世
揚寰宇法主宗壇予欲道誠於九天汝則以精神而運用予
欲敷治於四海汝則以清靜而輔毗茂膺寵光永綏福履可
授正一教主嗣漢四十二代天師護國闡祖通誠崇道弘德
大真人領道教事

給銀印視二品陞辭而歸已酉春召赴闕寵賚有加庚戌夏錄
其功行特勅吏部改贈父三十九代天師嗣成為正一教主太
玄弘化明誠崇道大真人改封母胡氏為恭順慈惠淑靜玄君
是年秋更給銀印壬子復頒制誥

制曰朕聞道家者流本於清靜無為其來尚矣龍虎山張氏

自漢而下衆派相繼其四十二代孫正常存心冲澹葆德純和遠紹祖傳以守正一朕用嘉之是宜賜以真人之號尔其益振玄風永掌其教焉可授正一嗣教護國闡祖通誠崇道弘德大真人掌天下道教事宜令准此

丙辰秋 上遣使名忽先期而至 上喜曰卿來何符朕意耶

明年秋將遣使祠海嶽諸神卿當妙柬弟子之清修者偕行丁巳夏率群弟子入覲錫謙賜衣者數翊日詔祠嵩山分遣重臣與諸弟子代祀群望既還錫謙如初抵山志趣頗異常一日置酒與昆弟酣飲慨然歎曰五嶽名山先予欲遊而弗遂嵩山中峯乃吾祖得太清丹經之所今藉 天子威靈幸一至焉吾志

將有在美或疑其言未幾示微疾取劍印授其子舉手作圓像
占頌而化是夕巨崖石崩聲聞數十里云長子字初嗣越明年
正月 上御製文遣使致祭

文曰繼出世法統仙度人禦災捍患機轉萬靈飛符仗劍轉
斗移星雷神聽令妖魅潛形道光斯時貌正精英何乘鸞之
去急控法印於上清今遣人奠以牲牢尔其有知尚享

四十三代天師諱宇初字子璿號者山冲虛長子也始生時氣
骨清溫目秀雙瞳面交二斗五歲讀書早行並下九歲疑如老
成人有挾許負術者謁見大駭曰異日大振玄教其在斯矣嘗
待冲虛於天心水月樓目覩雲霧起西北上中有金扉洞開五

已見釋言衛天神鎧仗赫列勃然改容冲虛問之備告其故復
云天機勿泄愈器重焉凡授之家傳秘典輒心領意會如谷應
聲庶少疑滯洪武十年襲教事歲僅十七明年春入覲

太祖高皇帝召見奉天殿反覆諦視曰絕類迺父又二年服闋
尋有使擎誥勅詣山召見

敕制曰諭前真人張正常嗣子宇初昔之能名名於海內始
漢至今所以不泯者蓋為御災捍患之妙功達於君利及於
民故有不泯者為此也邇聞服制且終當正教中之首率徒
以脩符至一來朕當諭爾其不貳尔心則上下格矣

誥制曰朕聞上古之君天下者民從者四曰士農工商已而

漢至今率民以六加釋道焉所以道萌者由尔宇初之祖通
神善幻化能恍惚升太虛冒廓落之剛風吞宇宙之浩氣以
是利濟群生功著歷代所以法傳之久香燈之永蓋為行深
願重德敷上下精神愈靈前真入既往尔當世嗣特遣使詣
府命尔為正一嗣教道合無為闡祖光範真人領道啟事爾
其慎哉

其文皆 上親制也遂詣闕躬謝禮遇殊厚賜金綺道服給驛
還山次年封母包氏為清虛冲素妙善玄君越二年再召赴闕
建玉籙大齋於紫金山明年夏京師旱 上命禱雨神樂觀大
應靈應一十三年秋請建上清宮 上可其奏次年入覲賜正

一玄壇銅章視六品鎮護名山既選擇地於里之黃箬峯構峴泉精舍為歸休之所三十五年八月

太宗皇帝嗣登天寶眷侍愈隆復給緡錢俾葺上清宮之地損永樂元年入覲賜金綺紋法服命陪祀天壇四年入朝寵錫逾倍明年夏召就朝天宮建玉籙黃籙二齋闋事之初鄉雲覆壇鷲鶴交舞祀官聞于上嘉獎深至禮成賜勅

制曰朕惟玄元之教大道之宗闢閻陰陽幹運神化混融三界總攝萬靈行其道者非精誠之至曷能感通比者仁孝皇后崩逝特命爾率諸道眾爰舉薦揚啓玉籙之齋科宣琅函之秘典百日之內瑞應駢臻燁五色之卿雲爛九天之瑞靄

青鸞繚繞於琳館白鶴飛舞於瑤壇五色祥光通明徹夜斯
皆由尔法承先祖道契至真探玄牝之微資虛無之化克遵
朕命以展純誠暨諸道衆修持善行葆練精和執恪秉虔黼
勤昭事其中亦有至人道化高妙出顯入微靈變不測感朕
誠心來臨法會證盟善功朕德薄所未能知者藉茲衆善是
以上玄響答茂集嘉禎覩茲感應之彰明允想神靈之獲慶
超登大梵永遂逍遙式副朕懷特伸嘉獎尔其益茂神功愈
致精一洞明妙化渾合無為弘闡宗風翊我皇度欽哉

復賜縷金文服六年建齋醮五壇於朝天宮祥應如初賜金玉
寶冠金繡法服各一而還八年春示徵恙乃以上賜冠服及

祖傳劍印授長弟字清且囑曰吾家子孫千六百年所傳在是
矣吾將返吾真上報國恩下荷祖澤其責在子戒家人無進藥
食惟屏息內視越三日秉筆書頌曰一片靈明本無生滅五十
年中非圓非缺噫今朝裂破太虛空三界十方都透徹舉手別
衆而逝第子表止安聞於朝時

大駕北京 皇太子監國遣行人陳達吊祭

文曰婦夙究玄範絲乃祖風守素抱冲光闡教事祝釐迎嘏
用效勞動膺慈心榮厥有年歲何其一旦遽然長逝聞之悼
傷爰特賜祭惟靈不昧庶其其哉 明年

天寒哀念不已特遣行人蕭榮復加恩祭

制曰爾夙懷清靜願真葆和究洞玄太微之祕明無極自然
之體游神太素秉握道樞呼吸風霆幹連靈化光揚祖範綱
領玄宗上以陰翊皇度下以技濟群生方期永贊於鴻禧何
以備然而羽化爰特遣人賜祭用示朕懷爾其享之

蜀王遣道士鍾英致祭

文曰尔以世胤克繩祖武法究三天道隆千古余昔在京屢
接尔容自予之蜀尤慕尔風文章之懿材質之美渾然天成
孰與倫比方期遐壽以翊 皇猷云胡一疾遽尔仙遊尔祖
陟降在帝丘古鴈駕雲輿從其後慈遣羽衣詣尔靈壇酌以
靈觴喻以衷丹靈其享之

四十四代天師諱宇清字彥璣號西壁冲虛仲子者山之弟也
初冲虛夜夢壁曾真人朱衣大冠入其室翌日包氏生公西壁
之號自此也既生天姿穎敏志識超邁七歲讀書已為詩畫嘗
偕伯仲入侍冲虛冲虛曰此子後必显吾宗及長戶家傳秘要
儒經子史搜抉無遺冲虛既逝者山嗣立多輔翊之永樂庚寅
以者山遺命嗣教六月赴京見

太宗皇帝賜金冠絳服牙笏玉珮十月

大駕南还蒙召見俾醮朝天宮頒賜 誥命

制曰朕惟道教崇清虛之本極功化之妙上以陰翊

皇度下以福被民庶為世所重有自来矣爾張宇清肇自

初祖精于玄理闡鴻濛之道秘贊造化之神功斯以利濟群
生法傳後裔迨爾父兄皆承我

太祖高皇帝大恩寵命俾領道教今爾兄既逝爾當嗣之特
命爾為正一嗣教清虛冲素光祖演道真人領道教事爾其
精白一心益臻至道闡揚祖範永贊

皇禧欽哉

十一年七月有使捧 勅詣山賜大嶽太和山圓光圖并柳梅百
顆九月有 勅俾選道士居武當宮觀十四年入覲 寵賚有
加遣使詣上清宮建金籙大齋七日賜緡錢俾市魚置溪中賜
名放生池禁止網罟率以為常瑞感圓光燭霄鸞鶴飛舞龍

見於井靈貺疊臻祠官以聞嘉獎深至 勅脩上清宮宇并
建真懿觀築堤防造浮橋十五年南京郊祀 上命分獻西
鎮壇十一月蒙降勅加封洪恩真君職錄十六年三月赴京

顧問至再賜冠服綺織錦繒之類緡錢十萬白金百鎰尋命
祠玄帝金像于太和山寵錫加厚五月遣使捧 勅詣山俾治

浙江潮患即以鐵版書符遣弟子黃端友往投之時波濤驟
湧洶然若有人馬聲既而水勢帖息其患遂止十七年正月入賀

命醮闕之靈濟宮禮成賜楮幣萬緡白金百鎰降勅褒美之
制曰比者洪恩真君於福建靈濟宮脩建金錄大齋醮謝
上真為朕祈祝特舉爾代行科事登壇之初陰雨開霽天日

融朗既至敷宣秘典揚歲大範天人和同百靈翕集而七日
之內嘉祥疊薦景貺駢臻卿雲燦五色之文寶帶騰九霄
之彩神靈表見變化不測青鸞白鶴翔舞交集斯皆洪恩真
君敷錫顯應實亦由爾光揚祖範妙契至真對越有嚴之
所致也而洪恩真君亦稱爾敷奏勤誠上玄鑒悅非爾敬謹
篤至曷克臻茲今特賜勅褒獎用申朕懷爾尚懋隆道行
益振玄風弘演清虛之教統承大道之宗翊我國家永臻
至治欽哉

尋蒙遣使捧誥封妻孫氏為端靖貞淑妙惠玄君五月賜錢
二萬奇品異味海魚蕃果廿八年召見率道士千八百人修玉籙

大齋休徵累集降 勅嘉獎十月命建普度齋于京之靈濟宮
十九年正月朔 上命分獻星辰壇復建齋七日賜冠服圭珮執
綺貂裘之屬二十年 上北狩還建祈謝齋錫賚德厚賜

勅嘉獎

制曰朕比者躬率六師徃征胡寇仰荷穹祇錫福玄天上

帝洪恩真君翊贊維持保庇佑護何士馬咸臻康泰往復平

寧永懷恩德銘刻不忘是用命爾等修建祈謝大齋特伸

昭報用表中沈爾等克承朕命齋潔至誠精嚴對越弘宣妙

典揚闡法宗感孚天地神明昭錫景貺疊薦靈祥卿雲彩

鬲充滿太虛輪囷布濩或著或青流丹曳紫五色煇煇郁

郁紛紛揮霍流動升降卷舒變化莫測復有瑞光五色亘
于天表璘霽璀璨熠燿冲融或圓若日輪或直若垂虹或
覆護于壇宇或映帶于宮苑山川出色草木光華天人歡慶
福被幽明朕心慰悅莫罄名言茲特賜勅褒獎用彰感應
之妙爾等尚益崇功行弘厥宗教永贊鴻圖陰翊皇度福
國利民以副朕拳切之懷故勅

二十二年 上復命醮太和山致感真仙遍現圓光燭霄
仁宗即位入賀命建薦揚大齋竣事賜勅

制曰朕惟上帝以好生為德故玄元以惠濟為教其體清
靜無為其用神妙無方得其道妙者斯能見諸功用蓋上

則有以陰翊 皇度下則有以福被幽明歷代所紀具有昭
徵朕祗承天序恭事上帝惓惓夙夜仰惟

皇考 皇妣聖靈在上哀慕無極劬勞大德欲報匪由敬遵
道教召天下道流奉建薦揚大齋爾能恪承朕命躬率道
衆致其精虔闡揚寶範用達朕之誠悃靈貺昭吞自初至
於訖事天宇澄明凝寒之月雲翺不作和氣沖融瑞景式
昭福應斯集固本於上帝與朕

皇考 皇妣聖靈之忱鑒亦爾等敬月朕命以克臻茲朕
既嘉賚之仍賜勅獎諭尚其益積爾道益篤爾行
宣揚玄教上以祈福 宗社下以普利生靈汝其懋哉

賜金玉法印兼織文金衣貂裘鶴氅綺繡之類公之弟子從行者各給衣服飲饌

宣宗登大寶宣德改元入賀錫燕內廷賜冠服圭珮寵遇優厚四月降勅

制曰朕惟玄元之道光天地不見其始後天地不見其終根抵群品神化萬變然其本体至清靜無為故歷代崇獎用弘清靜之治為我國家重道德之教爾父爾兄咸克祇事既爾嗣厥職 皇祖太宗皇帝錫之以美號寵之以厚恩至矣尔克篤誠敬用不承身命十有餘年繼事

皇考仁宗昭皇帝亦克恭慎朕惟祖宗之所重也達孝推恩

用申錫爾嘉號曰正一嗣教清虛沖素光祖演道崇謙守靜
洞玄大真人領天下道教事夫靜者道之本謙者德之柄澹
以處靜恭以履謙靜斯安安斯一謙斯虛虛斯明簡約而
息外驚篤實而有光輝務玄之道孰切於此尚其祇服丕
衍宗風懋之哉

六月賜誥

制曰自昔帝王所以崇獎玄元之教者為其抱道處一絕欲
遠名清靜以為宗澹泊以為用可以導民善俗而助興化
理也爾正一嗣教清虛沖素光祖演道真人領道教事張宇
清自爾先世玄行累彰逮我國家龍興三聖在御爾之

父兄克勤祗事爾繼承之亦有年歲朕嗣膺大寶申錫
嘉稱用愜爾志命爾為正嗣教清虛沖素先祖演道崇
謙守靜洞玄大真人掌天下道教事夫至道之士一志于內惟
清惟靜惟謙惟虛懋循止足之規庶闡玄風永積

皇祚欽哉

二年入覲錫賚如初命下有司蠲其僕從丁役五月辭
上意欲留之叩首辭老者三遂還山一日集長幼飲燕酒闌
慨然嘆曰吾平生仰祖宗遺教每切寅畏沐恩

聖代報効未能乃以所傳印劔付嗣男懋丞且告曰吾
繩繩有緒珍秘在茲我將遺世矣汝其嗣之占頌云八

已定當我神游風清丹桂月滿中秋噫一輪皎潔太虛空白
首三天在何處頌畢端坐而逝時八月十五日也壽六十四
是夕鉤雷震裂既而現一虹橋五彩輝映綿亘山谷踰
時而散人皆以為登真之徑路也懋丞偕弟子徐嗣常
聞于朝 天衷哀悼遣使諭祭賜文一通

制曰惟爾脩玄素志慕清虛究法錄之科探清微之旨
闡救道範光振宗風祇事先朝累效勤懇肆朕纘承
大統申錫嘉稱方期懋乃精誠導迎靈貺告歸幾
日奄忽長終訃音來聞良用悼歎茲特遣人賜祭
靈爽不昧庶其音之

復遣使為卜地於公所建此真觀之右大營塚墓一如
其爵

四十五代天師請十箇字想空冲虛之道孫無為西壁之從
子也無為以其生於重九日且有異兆故命其號曰九陽慶
恬淡不膠物故又自號曰澄然父字澄清潤如玉博學愛物
洪武初

太祖高皇帝聞其賢嘗同無為被召入對上大悅錫金帛且

命開國功臣御史中丞護軍誠意伯劉基伯溫以其弟之手書

之是為劉氏生慈心哲早卒丙寅之臘宇澄坐中庭有道者過見

求類古雅自稱重陽子以菊花一本見遺且曰願假館門下六

十年語畢忽不見宇澄再夢之始覺其為二陽真人也劉氏為

英食之感而有異明年十月九日真人生焉生時菊香滿室

又有以爲... 三日乃散... 效無爲焉... 安有電聲... 人以
爲偶然... 命丹步雷... 輒大震... 及長風度... 道讀儒道書... 日記萬
言善董米... 諸家筆... 意落筆... 奇怪... 發天地山川靈秀之氣... 起出古
意表為文章... 家放... 驚人... 宣德丁未以西壁遺命嗣教九月入觀
宣宗皇帝召見... 覲便殿 上問西壁... 返... 之故備以實對
上嗟悼久之遣官葬祭... 傳而還明年戊申入謝建延禧醮于
大內賜寶冠劍珮象簡綉衣分敵風雲雷雨壇四月賜誥封為
正一嗣教崇備至道葆素演法真人領道教事

制曰朕惟玄元之道清靜無爲根柢群倫神妙萬化上陰翊
於治理下利澤於生靈歷代以來咸加獎勵爾... 茲... 於

先世宗備至道爾祖爾伯皆克祗承今爾當嗣特命爾為正
一嗣教宗備至道葆素演法真人領道教事爾其虔奉玄範
茂振宗風導迎鴻禧翼贊皇祚欽哉

是歲遼山七月建報恩醮于上清宮己酉春入賀 天壽聖節
分獻東鎮壇醮于仁智殿錫禧幣三月朔 上御西宮召見與
語大悅奏舉上清宮高道樞克私龍繼宗親福淵黃嘉祐以充
道錄之職 上皆從之遣內使教都奉 敕赴山起之四月建
吉祥齋于玄天祠賜白金楮幣陪祀太廟還山閏十二月賜誥
贈故室孫氏為柔惠貞靜女君

制曰國家宗彝道教於正一真人之嗣既有褒封而其嗣之

內助蓋亦與崇焉正一嗣教崇備至道葆素演法真人領
道教事張懋家妻孫氏方當內助而遽殞逝今追封素惠
貞靜玄君靈爽不昧尚克膺承

辛亥復入賀分獻星辰壇醮于大內之皇壇供張儀屬亦服御之
物備焉召見齋宮賜七寶爐黃金一盃綠衣一襲凡月陪祀太
廟癸丑春入覲 皇太子有疾召入大內以待進服即愈

上大悅錫鈔五千貫白金五十兩分獻風雲雷雨壇建保安醮
于大德觀錫白金楮幣給牒度道士百人辭 上留之賞賚之

數中使不絕 皇太后有白金楮幣之賜乙卯 宣宗皇帝崩

上皇帝即位冬十月入賀富真武廟時朝天宮成制故南殿

建有大師府於宮之東北隅規模宏美 宣宗之命也

禮部遣官迎致朝天宮居之建昇真大齋于是宮鑄白金符

幣正統改元正月朔鑄宴奉天門十一日分獻風雲雷雨壇進

高壽延禧寶籙召行聖公同入賜宴奉天門各賜黃金十兩

西千貫金縷衣一龍衣未履靴帽捧之丁亥十月後朝于京

師建金籙延禧離于朝天宮鑄金籙後離大德觀官費如之成

于春正月分獻東鎮壇二月 大皇帝命聖壽星誕于朝天宮

鑄白金符幣賜諸王親王貴戚為經緯亦順女君

制曰國家以道教有陰翊皇極之功原其所始用顯其子

孫推恩於皇家亦宜與之正一觀教宗備至道極善者演法

真人張懋丞繼室董氏官從夫貴持賜之語封為溫靜柔順
玄君爾其歛承恩命永膺乃家

三月奉安玄天金像于大司馬路果命以相傳示劍遊覽上無摩
久之嘆曰神物靈異果如吾在予賜數五千貫宴會賞而出庚申冬
入賀建延禧齋于大德觀正月分獻東嶽觀二月建吉澤齋于
朝天宮賞賽舟儀章於觀度道士五百人壬戌冬復入賀壽宮玄文
齋發券文正月分獻星辰壇建吉澤齋于朝天宮甲子冬入觀
建延禧齋于朝天宮明年正月言于 上曰臣沐 國恩二十

入賀壽宮 龍齋歲于載一時之遇德無仰報於萬一甲子歲
建延禧齋于朝天宮明年正月言于 上曰臣沐 國恩二十

建延禧齋于朝天宮明年正月言于 上曰臣沐 國恩二十

以圖補報不允即日陸辭抵家七日為酒食大會同姓召孫元吉以印劔付之告三世及相傳有國有家者之定典爾父既歿爾當嗣教吾已白其事于朝爾宜懋振玄猷以承天寵孺

子勗嘗端坐而逝壽五十有九果符假館之數嘗經山澤從者謂垂木前幃過者俛首况馬行哉請從間道真人曰吾任已

民之患矧正人不由邪徑頃之烈風大作至則木已拔矣入觀京師道經武林民多疫患求符以活死者皆驗既而求者萬餘不能悉給乃書符置井中民爭汲之得水無不活者水為之竭

嘗遊華蓋祥光屢見天燈夜若星布其神異感格類如此弟子周

應瑜李文瑛奉赴闕於朝

天子哀憫遣奉官郎中趙鼎諭祭

其文曰橋生自道門嗣承其教克持清慎以振宗風宜永壽
年胡遽長逝茲特賜祭仍命有司營葬靈爽有知尚克歆承
又命有司營葬祭蓋州閭孫元吉嗣

人物下

高士

天產衆材秀人中枝蓋將伐之師率成遂之或者不屑焉此巢
父許由卞隨務光志行於盛世也風之所激直名隱遯史不絕
書夫龍虎山亦隱逸者之所樂也唐以前迷不能改宋以來盛
有其人聞風而興者非耶以其時而第載之使來者有觀焉

王道堅

王道堅信州貴溪人宋政和間徵赴闕廷館于太一宮徽宗訪
以備煉延年之術道堅奏曰清靜無為軒黃所以致治多欲求
仙漢武所以罔功夫備煉者非天子之事也時方整定道嚴經

文制授太素大夫凝和殿校籍同校定道經賜號凝妙感通法師時徽宗預知國當有厄命道堅禳之奏曰脩德可以回天禳禳之事不敢誤國後力請還山紹興初高宗遣使復召先一日道堅鳴鼓集大眾乃具頌曰無心曾出岫倦翮早知還為報長安使休尋海上山比信至已化矣

祝永佑

祝永佑信州貴溪人與王太素齊名宋政和間賜號沖隱大師知本州神霄宮時浙東盜起陷衢婺二州將及信境郡守請撥神兵助備禦永佑曰公無憂盜踰常山當自退頌之益至草莽大風忽起揚沙石晝晦若有新旛戈甲出沒山谷間賊大駭

道郡守以其事上聞宣和六年加號通妙後復徵之永佑歎曰
太素公且將歸矣言何往為稱疾不赴年九十一

王襲明

王襲明信州貴溪人精於脩煉得內丹之妙宋政和間累詔不
起可授本山道正兼知宮後遁去乾道間有於蜀遇之者計已
百餘歲矣

留用光

留用光信州貴溪人穎竒古而黠既壯無所聞道往遊南嶽至
撫州臨川縣路逢一道人自言是張輔元與用光偕行用光行
為張負止為之炊次長沙張謂曰子事吾動亦至矣向吾慢子

觀子之變子益加敬吾今入蜀有一編書授子子其秘之遂去
啓視乃天心五雷法書宋慶元間衢州旱甚郡守沈作礪夜夢
黑龍蟠于城隍廟門旦視之乃用光醉卧也即延命禱雨而雨
郡上其事後復禱雨於朝亦雨用光年幾四十未得度為道士
至是即御前賜冠服制三授至左右街都道錄太一宮都監賜
號冲靖先生寧宗為出內帑錢帛撤上清宮新而大之嘉泰之
間得請還山校定黃籙科儀後理宗立復召用光謂使者曰
歸奏天子治天下者道德五千言足矣山林野人未將奚益越
旬餘值元旦乃升座書塵尾曰自出洞來無敵手竟不續下
句而化向之張輔元者或謂之漢天師也

易如剛

易如剛字仁甫饒州人道行純備凡儒家經傳靡不該貫
善屬文詩尤工宋寧宗徵三關制授管轄三才山崇禧觀頌之
後召授左街鑒義五遷至左右街都道錄太一宮都監賜號通
妙孫真先生理宗立眷遇益隆嘉定間得請還山年七十餘終

張聞詩

張聞詩信州貴溪人於今宗師留孫為大父行宋景定間敕賜
觀妙大師住持本宮先是宮之門不稱聞詩出數百步有橫
門面拜冠峯前橫大溪初議者欲以陰陽家之說說之聞詩曰
爾後吾教大昌山中之感十倍始相念也預作墓於石龜陵得

石鏡一面石靴一兩聞詩曰茲豈吾徒平表范而
歎謂晉孫曰恐在爾也後十年宗師在朝
大元至元三十年制贈通真觀妙玄應真人

毛允中

毛允中饒州安仁人宋景定間召至闕廷歸去教建紫微閣
理宗為書閣榜臨終召諸弟子曰山林之士於世何補惟當修
身慎行以報君師耳各宜勉之言訖而逝

薛應常

薛應常信州人早孤事母盡孝宋咸淳間外石鏡一
聖制授太一宮都監還山授管帶先化之六日上表度宗曰

聖制授太一宮都監還山授管帶先化之六日上表度宗曰

應常以煙霞隨質曰冒聖知死無所報謹奉表水誠虔亦驚異
勅禮葬之

朱洞明

朱洞明撫州金谿人世為仕族至洞明即不娶學道登禁尤長
於詩以壽終

彭太冲

彭太冲撫州金谿人博學工詩有詩集行世

梅希仙

梅希仙盱江人工詩善書墨梅忽一日庭前梅花盛開希仙察
紙筆竟無所書大笑而訖

孔希岳

孔希岳撫州金谿人總角學道行履當世時湯漢負入士重
望至山中結交烏白玉蟾與希岳若宿契凡遊覽吟詠必
與之俱

張元英

張元英長沙人宋景文間遇異人授以道法令為道士嘗禱雨
於鄉刻期不應忽祥馮人語曰水南種樹妖種爾耳元英向
空叱雷神火其樹葉震響一聲澍雨沾地明日或來自水南
者言雷火昨夜焚燒樹葉一主黃錄醮忽一人自縛曰本曰適

見洋市飲酒烹牛肉餽醮醮神令縛我乞師救元英乃

曰彼既知畏神宜釋之以水受縛者立醒其他靈異甚多

李嗣仙

李嗣仙撫州金谿人重厚官言至講坐論難復壹壹不絕至元丙子從天師入朝還授本宮提點終

詹益老

詹益老信州貴溪人行義純篤至元丙子天師入朝命提點本宮云

黃自明

黃自明撫州臨川人性質冲澹而行業脩立房中各有十數白毫長二寸許人皆異之至元庚辰提點本宮

方南翔

方南翔，州撫州金谿人。宋景定間，遊湖湘，部使者請主澧州天慶觀，後還山，從天師來朝，歸授提點本宮，即退去。建乾元觀於宮之東，老馬壽七十五。

李宗老

李宗老，字周卿，其宗重如山，其渟涵如淵，其溫如春，其直如弦，終日默默發語中理，蓋有道君子也。至元丙戌，制授江東道道教都提點，仁持本宮，御史中丞崔彥見而嘆曰：「使朝廷皆得若人，何事！」
後謝宮事，以老大宗師張留孫其弟子云。

大元制誥

天目

加封祖天師

上天眷命

皇帝聖旨我國家以至仁上德崇獎不忘祖天師之遺烈靈風
紀錄具存若稽故典特畀嘉名三天扶教輔元大法師正一靜
應顯佑真君煉氣成真除邪輔正羽儀凡世歷年千二百餘印
劍單傳距今三十七代嗣孫與棣克承正法宗師留孫增潤先
猷道雖本於無為德莫厚於追遠因時而顯記昔所聞夫授經
於漢永壽之初當乙未之正月加謚於今元貞之歲又甲子之

同符似有數存尚其世濟可加封正一沖玄神化靜應顯佑真
君如故主者施行元貞元年二月日

封二代嗣師

上天眷命

皇帝聖旨蓋聞古先哲王莫不以清淨寧民為本公孫有大隗
之訪陶唐有汾水之往所以博求至理在宥天下也朕甚慕之
天師正一之教其幾是乎今有司以嗣師位號為請唯師嗣守
道器遺榮沖引回安事名宗開緒納俗安善之迹不可不
表也宜有所封正一嗣師太清演教如得真君
主者施行至大元年五月日

封三代系師

上天眷命

皇帝聖旨朕惟道之大原曰天而成之在人
有漢天師之緒遠矣匪其子孫善繼善承不怠
益大孰濟登茲是以代有異人出裨治化朕
既加號於嗣師而系師景行焯靈昭于簡冊
嗚呼自拔功成不居經不云乎上德不德是以
有德可封正一系師太清昭化廣德真君主者
施行至大元年五月日

封三十代真君

上天眷命

皇帝聖旨朕惟廣成子在崆峒言契形神之妙
亢桑楚居畧

禮膺戶祝之榮矧奕葉振邁於真風宜錫號優崇於昭代嗣漢
三十代天師虛靖先生潛心沖默繕性粹和道集虛而悟玄
行履常而安止止嘗因宋主燕閒之間極陳老氏清淨之宗
得一以靈故禱祠之輒應物歸根曰靜惟精氣之長存是用
增寵教於仙階襲嘉名於祖牒仍羽人濯暘谷豈徒想於高
乘白雲歸帝鄉尚祇承於光命可封三十代天師虛靖玄通
悟真君主者施行至大元年五月日

贈二十五代真一

上天眷命

皇帝聖旨道為天地之常經妙參造化名者古今之公器持示

漢宗故三五代嗣漢天師觀妙先生張可大佩籙三玄整聲
入極積功累行運彼之微禱兩退潮特其土苴昔先皇在潛
遣間使詣殊庭以天命之有歸以靈誥而默授謂聖明當一四
海其徵驗後二十年蓋神與道俱洞測將來之數及遠懷近悅
允符前日之言乃眷真符蓋頒異渥嗣師與棟克紹宗風宗師
留孫總持以教其立授立之祀仍加貞一之稱於歲冕服倘來
非至人之所樂雲軒伊邇尚多既之或中可贈通玄應化觀妙
真人主者施行元貞元年二月日

授三十六代真人

上天眷命

皇帝聖旨嗣漢三十六代天師張宗演卿心傳法統體粹真風
廣黃庭大洞之科持正一盟威之錄爰清爰靜以信以誠三尺
青蛇役鬼神於冥漠一鉢明水淨妖孽於邇遐既宏開濟之功
宜昇褒崇之號可特賜演道靈應沖和真人宜令張宗演准此
至元十四年二月日

加三十六代真君

上天眷命

皇帝聖旨蓋公河漢寧辭海上之招司馬在唐嘗應天台之聘
按古來之達士必寓心於名山惟出處之隨時迺周旋而中度
三十六代天師演道靈應沖和真人管領江南諸路道教張宗

演慶衍仙靈之派學際靜定之功自王師臨鄂渚之初而妙道
達世皇之聽之泥雲之鳳書一下於江南金服瑤冠鶴馭三承
於聖眷宗風為之益振玄教為之增光遐想仙游冥中郵典爰
進升階之號仍加節惠之文於盛陵陽有術鎮蛟螭既貽芳於
賢嗣姑射所居無疵痛尚敷錫於民編可贈演道靈應沖和玄
靜真君主者施行大德八年三月日

授周氏仙姑

上天眷命

皇帝聖旨至道之用存乎人傳真源之有自君子之學成其德
繫慈闈之是儀太素凝神廣道真人嗣漢三十八代天師張與

村母周惠恭德合沖和行資純素著圖分系本支迭紀於仙階
珠樹聯芳兄弟繼傳於祖印于今可尚往昔未聞特頒寵渥之
隆庸慰孝心之至宜於後裔益增正一之輝光介爾遐年永奉
宵晨之香火可賜號玄真妙應仙姑主者施行元貞二年三月
日

加周氏真人

上天眷命

皇帝聖旨朕惟共萊著道德言亦本孝慈之旨西母在列仙籍
可為仁壽之宮方將熟俗化以養親故特崇閭儀而錫寵正一
教主嗣漢三十八代天師太素凝神廣道真人張與村母玄真

妙應仙姑周惠恭提身貞淑秉性微柔德嫺高門克佐義方之
訓慶絲後裔益昌道紀之傳是三領天詔之五花以示報春暉
於寸草問蓬萊幾見海棠清淺而池蓮開居姑射山能使物
不疵癘而年穀熟助揚正教茂介遐齡可授玄真妙應淑德真
人主者施行至大元年五月日

追封周氏元君

上天眷命

皇帝聖旨脩道者母爲先學仙者孝爲大歸真源之所自錫恩
命以維新正一教主太素吳神廣道明德大真人領江南諸路
道教嗣漢三十八代天師張與符母玄真妙應淑德真人周氏

惠恭有德有功爰清爰靜來作神仙之侶維以永年繼為天人
之師幸哉有子指蓬山而歸去喜鼎養以如遺雖冲漠不可強
名而國家亦所宜禮肆頒美號武重玄宗於戲藏斂依壇尚想
成丹之魏母飛茅建靖母忘傳道之謙師諒爾逍歆茲優渥
可追封玄真妙應淵德慈濟元君主老修行延祐元年 月日

三十七代嗣教

長生天氣力裏

皇帝聖旨漢天師三十七代孫孫與孫可嗣乃父演道靈應冲
和真人以傳法統用闡玄風宜令孫與孫准此至元二十九年

正月日

授真人

上天眷命

皇帝聖旨嗣漢天師三十七代孫張與棣卿慶源有自化應無方宜頒紫誥之榮以作玄門之表可特賜體玄弘道廣教真人管領江南諸路道教宜令張與棣准此至元二十九年四月日

授馮氏仙姑

上天眷命

皇帝聖旨繼玄風而繼世率乃祖之攸行溥內則以疏息亦于今之可尚嗣漢天師三十七代仙姑馮淑真簪纓素緒繫華忱芳儀嫻穀城之傳益師清靜守柏舟之操彌篤堅貞受祉惟深錫

名斯侈雲龍風虎之慶會曾謂有光舞鳳回鸞之制書後承
無數可授靖明貞素仙姑主者施行至大元年五月日

三十八代掌教

上天眷命

皇帝聖旨嗣漢三十八代天師張與材卿虹芝標瑞金格蜚英
學參萬景之玄微籙闡三元之正教乃祖乃父已顯號之同
膺難弟難兄宜真源之載衍特頒寵數肅示眷懷惟至人
體道為功卿當浪靈山之緒以敬德祈天永命朕方崇璇室之
科可賜號太素凝神廣道真人管領江南諸路道教宜令張與
材准此元貞二年二月日

加正一教主兼領符籙

上天眷命

皇帝聖旨咨爾三十八代天師太素凝神廣道真人管領江南諸路道教張與材粵自上世相傳能為國家除害正一初祖之於蜀嘗駐龍井之妖觀妙先生之於杭亦弭胥濤之患卿持法印之三載潮囓海鹽之兩州憑鐵符丹篆之靈殄魚首龜形之蠶沙漲復隄防之固民居脫昏墊之災比因江浙行省以聞俯酌玄教宗師之議精誠有感宜茂進於仙階清淨無為尚欽崇於妙道可加正一教主兼主領三山符籙餘如故宜令張與材准此大德八年三月日

加金紫封國公

上天眷命

皇帝聖旨惟除邪輔正關世教以為多崇德報功宜邦彝之具
舉維聖祖夙欽於至道而先皇屢款於真儀茲嗣服之云初豈
疏榮之可後正一教主嗣漢三十八代天師太素凝神廣道真
人管領江南諸路道教兼主領三山符籙張與材清倫偉望談
學通材泓然理域之深融汎若環中之順應禦民留而輒効持
章猶虛靖之精嚴祈福貺則隨臻飭戒具冲和之祇肅動靡端
倪之可見淳奚章綬之能為制則特頒理於茲順於戲封留足
矣益光炎漢之高風自天申之永贊有元之丕祚往綏燕履茂

對鴻原可加正一教主嗣漢三十八代天師太素凝神廣
道明德大真八領江南諸路道教所事特授金紫光祿大
夫封留國公餘如故宜令准此至大元年五月日

補贈歷代天師職號

上天眷命

皇帝聖旨朕惟玄元之教肇自蒼姬正一之源始乎炎漢
故累世建福國庇民之績而歷朝有尊道崇德之榮爾
四十一代天師正一教主明誠凝道弘文廣教大真人主領
三山符籙掌江南道教張正言自其遠祖文成侯以間
世大用之才佐沛公而有漢以三傑元勛之首後赤松以

希仙雖云明哲以保身實亦道引而長壽連綿瓜瓞越九
世而生至人燕服精華煉七返而成大道上詔真猷於姬
末下開正教於玄間萬年歷世代以無疆百世俟聖人而
不惑自一世而至三世俱蒙顯耀之褒稱由子盛而逮慶
先或缺揄揚之令典可贈尔祖四代天師子盛為清微顯教
弘德真君五代天師昭成為清微廣教弘道真君六代天師
椒為清微弘教玄妙真君七代天師仲回為玉清輔化弘濟
真君八代天師迥為玉清應化冲靜真君九代天師符為
玉清贊化崇妙真君十代天師子祥為上清玄妙太虛真
君十一代天師通玄為上清玄應冲和真君十二天師恒為

上清玄德太初真君十三代天師光為太玄至德廣妙真
君十四代天師慈為太玄上德紫虛真君十五代天師高
為太玄宗德玄化真君十六代天師應韶為洞虛演道
冲素真君十七代天師頤為洞虛闡教孚佑真君十八
代天師士元為洞虛明道贊運真君十九代天師脩為冲
玄翊化昭慶真君二十代天師謀為冲玄洞真孚德真君
二十一代天師秉一為冲玄紫極昭化真君二十二代天師
善為清虛宗應孚惠真君二十三代天師季文為清虛
妙道輔國真君二十四代天師正隨為清虛廣教妙濟
真君二十五代天師乾曜為崇真普濟湛寂真君二十

六代天師嗣宗為崇真普化妙悟真君二十七代天師象
中為崇真通惠紫玄真君二十八代天師敦復為太極無
為演道真君二十九代天師景端為太極清虛慈妙真
君三十代天師時脩為正一弘化明悟真君三十一代
天師守真為崇虛光妙正應真君三十二代天師景淵
為崇虛太素冲道真君三十四代天師慶先為崇虛真
妙光化真君嗚呼顯號昭宜與乾坤而並久玄猷赫々
永偕日月以齊明當我國家丕緒之中襄宜爾神功挽
回之可冀冥有相天鑒宜崇主者施行至正十三年八

大宗師

授都提點

上天眷命

皇帝聖旨朕惟張留孫嚴以自持靜而能應頃留近行行業足嘉可特賜漢真崇靜通玄法師江南諸路道教都提點仰欽依列聖舊制遵行老氏遺教衽服朕命益勵前脩宜令張留孫准此至元十五年五月日

領荆淮道教

長生天氣力裏

皇帝聖旨漢真崇靜通玄法師江南諸路道教都提點張留孫

可管領江北淮東淮西荆襄等路新附州城道教叢司當餘如故
宜令張留孫准此至元十五年九月日

授玄教宗師

長生天氣力裏

皇帝聖旨漢真宗靜通玄法師江南諸路道教都提點張留孫
可特賜玄教宗師依舊總攝淮東淮西荆襄等路道教勾當江
南諸路道教都提點如故宜令張留孫准此至元十五年閏十
一月日

商議集賢院道教事

長生天氣力裏

皇帝聖旨玄教宗師總攝兩淮荆襄等路道教江南諸路道教
都提點張留孫可授玄教宗師總攝江淮荆襄等路道教都
提點同集賢院商議道教事宜令張留孫准此至元二十五
年七月日

加真人同知集賢院道教事

長生天氣力裏

皇帝聖旨玄教宗師總攝江淮荆襄等路道教都提點同集
賢院商議道教事張留孫可授玄教宗師志道弘教淨玄真
人總攝江淮荆襄等路道教都提點同知集賢院道教事宜令
張留孫准此元貞元年七月日

加大宗師

長生天氣力裏

皇帝聖旨教傳正一爰登入室之科恩出九重肅錫階階之
號玄教宗師志道弘教沖玄真人總攝江淮荆襄等路道教
都提點同知集賢院道教事張留孫煙霞異質松鶴貞姿
握玉府之靈詮及玄門之隆棟騰輪赴闕服勤二紀之餘寶錄
頌禧歷侍三朝之久日月際亨嘉之會風霆隨指顧之間丹符
用勝於越犀瑤榻功參於鑄象輔元有詆詎頊黃石之一編
姑射所居曷羨赤松於八表祇承異渥益闡真風可授玄教
六宗師志道弘教沖玄真人總攝江淮荆襄等路道教都提點

同知集賢院道教事宜張留孫准此大德三年七月日

特賜上卿

長生天氣力裏

皇帝聖旨敕闡宗風允濟無為之治班聯卿月懋昭有赫之光
輿論所推褒論共重者教大宗師志道弘教冲玄真人總攝江
淮荆襄等路道教都提點同知集賢院道教事張留孫精修一
德歷侍三朝兼圖日月山之奇徵首被風雲會之隆眷欲進天
師之號辭避正傳遂錫上卿之名式彰異數雖玉欄之文已著
軍金鑿之命漢類益勵芳猷克符朕意殿室亦圖書之府夫豈
常名玄門乃清靜之宗斯為正道可加特賜上卿仍舊玄教大

宗師志道弘教冲玄真人總攝江淮荆襄等路道教所同知集賢院道教事宜令張留孫准此大德十年六月日

加大真人

長生天氣力稟

皇帝聖旨朕嗣承丕緒景命受于皇穹對越洪禧通神資於玄教允屬子房之裔宜加宣室之恩咨爾特賜上卿玄教大宗師志道弘教冲玄真人總攝江淮荆襄等路道教同知集賢院道教事張留孫一品仙官四朝真宰佩劍從風雲之會靈符應日月之山故膺

世且睿知爾有護靈輿之力暨志

先皇隆眷爾有祈鼎祚之誠步斗朝天當為庶民而錫福極
冒雪迨歷三紀以服勞爰念舊勳適當新政不有寵渥曷表宗
風命諸蓋臣議增華秩謂惟仁則可贊化育之德惟靖則可致
清寧之功惟頌諸路簪裾則道教之初志可弘惟登禁林縉紳
則仲玄之嘉猷可集合前後褒辭之既訂必中外播告之具孚
天號所揚崇階何忝於戲上卿位神仙官府萬靈悉聽於拍
塵真人衛社稷國家八字有光於詔綍祇承明命益懋忱忠可
加授特賜上卿玄教大宗師志道弘教沖玄仁靖大真人知集
賢院事領諸路道教事宜令准此大德十一年十月日

加特進

正天春命

皇帝聖百立德立言乃春四朝之元老有文有度其疏一語之
殊章特賜上卿玄教大宗師志道弘教冲玄仁靖大真人知集
賢院事願諸路道教事張留孫治贊興辰望隆廣宁靡經不
契時宣玉檢之群規所饗則歆動格太晨之三景內深藏乎祇
肅外自牧以撝謙昔貞符誕啓於靈樞而睿訓親承於文祖
揆予初紀制以嘉名蓋其高其深默申於善禱故以引以翼
茂集於純禧俾有道曾孫嗣無疆大歷德盛流廣允惟基緒
之新謨明弼諧亦曰壽朋之助是用芝綸錫渥銀紱誥華仍
碧落之舊階晉殊術之崇號於戲執古之道御今有斯不墜

於真風勅天之命惟時幾尚增延於洪并朕將示勅卿其敬承
可加授特進上卿依前玄教大宗師志道弘教沖玄仁靖大真
人知集賢院事領諸路道教事宜令准此至大二年十一月日

加勳號

上天眷命

皇帝聖旨六朝尚德樂其清靜之風四字褒功思厥贊襄之
道匪繇元老曷稱洪恩特進上卿玄教大宗師志道弘教沖玄
仁靖大真人知集賢院事領諸路道教事張留孫純正立心儉
慈為寶佐盛代文明之運惟列聖精一之誠欽福錫民皇極永
資於天保以神設教道允賴於人弘詢廷臣僉謀以同待國

士獨膺其選仙班崇道策勳莫罄於至懷公爵上封辭賞重
遠乎雅意弗圖異數罔別常流是用視宸品以刻章擬殊績
而議號於戲從赤松子漢廷未許於留侯言白衣人唐室竟
官於李泌聿隆壽介茂衍壽祺可特加輔成贊化玄教大宗
師餘如故宜令張留孫准此皇慶元年二月日

加開府

上天眷命

皇帝聖旨朕聞道大者若虛德盛者無間有希夷之實義常歛
退於榮名人之難能朕所深與咨爾特進上卿輔成贊化玄教
大宗師志道弘教冲玄仁靖大真人知集賢院事領諸道

事張留孫事我

世祖厯于累朝乃心委竭於忠勤立教無分於物我載其清
治可致於雍熙寶其儉慈俗可還於淳朴扈從左右者已四十
載服行終始者惟五十年宜在先朝備加寵異底于今日益尚
老成爰進崇階仍增美號雖匪道家之所慕庶幾朕志之不忘
於戲惟名器之公豈容私於天下垂衣裳而治期永錫於皇朝
可特加開府儀同三司輔成贊化保運玄教大宗師餘如故
令張留孫准此延祐二年五月日

授大宗師父信州治中

長生天氣力秉

皇帝聖旨張九德可授奉議大夫信州路總管府治中宜令張九德准此至元十六年五月日

授大宗師父浙東宣慰同知

長生天氣力秉

皇帝聖旨奉議大夫信州路總管府治中張九德可授太中大夫同知浙東道宣慰司事宜今張九德准此至元十七年二月日

授大宗師父江東宣慰同知

長生天籙力裏

皇帝聖旨太中大夫前同知江東道宣慰使司事張九德可從
同知江東道宣慰使司事散官嘉敏宜令張九德准此至元二
十二年十一月日

贈大宗師曾祖父爵證

上天眷命

皇帝聖旨道為萬物宗清靜實弘於政理孝者百行首哀
榮必自其本原禮有彝章恩宜異數特進上卿玄教大宗
師志道弘教冲玄仁靖大真人知集賢院事領諸路道教事
張留孫故曾祖宏綱飭躬履乎純素進學探乎淵微鳴鳳

皇帝聖旨大道無常名書不盡沖玄之妙積善有餘慶禮
宜膺褒贈之榮加畀壤泉用敦倫理特進上卿玄教大宗師
志道弘教沖玄仁靖大真人知集賢院事領諸路道教事
張留孫故祖粹夫好脩而簡素樂善而溫文雖志在幼學壯
行誰貴丘園之竹帛然道在矚存息養自樂澗谷之考槃緊
余玄教之師實爾儒門之裔宗風上接乎黃老義訓不忘於
閔曾是用報本推原易名疏爵俾進地官之秩仍從鄉社
之封於戲孝親則忠可移尚襲休光于奕世好靜而民自正永
臻至治於皇圖登遐後人膺受多福可特贈銀青榮祿大夫司
徒信國公謚原德主者施行至大三年四月日

贈太宗師祖母吳氏夫人

上天眷命

皇帝聖旨親道以三為五禮存尊祖之章婦人從一而終命必
由夫之爵蓋申加於異渥以近賁於九京特進上卿玄教太宗
師志道弘教沖玄仁靖大真人知集賢院事領諸路道教事張
留孫故祖母吳氏柔順飭躬溫恭持則自職居主饋不愆委女
之儀姦戒切斷機克佐義方之教故善慶施其胤祚而德美著
于閨門秀擢孫枝學承道紀雖真人以沖澹觀衆妙然聖世必
慈孝厚民生用頒鸞誥以疏榮特表魚軒而示貴於戲道常應
帝靜朕思躋治於無為孫曰雲曰仍爾尚垂休其勿吝可特贈

信國夫人主者施行至大三年四月日

贈大宗師父官謚

上天眷命

皇帝聖旨游方之外。恬恃之不忘有光于前。宜褒崇之特異。玄教大宗師志道弘仁。冲玄真人總攝江淮荆襄等路道教都提點同知集賢院道教事張留孫故父太中大夫同知江東道宣慰司事張九德素稱吉士。曾出名門。天師自廣信而來。朝賢嗣以祝釐而留侍。誠為令器。克振玄綱。荐膺三朝眷顧之隆。蓋出平日義方之教。嘉汝俾官於鄉郡。分符兩倅於蕃宣。藹然有良吏之風。允矣得治人之要。簪笏具一堂之上。子孫皆陰德之

餘是用爵以上公加之美謚館閣榮登於二品寵綬永貴於九
京魂而有知服此休命可贈昭文館大學士通奉大夫謚曰莊
敏公主者施行大德九年八月日

贈大宗師母周氏夫人

上天眷命

皇帝聖旨貴以其子既郡啓於新封爵因其夫宜秩加於異數
玄教大宗師志道弘教冲玄真人總攝江淮荆襄等路道教都
提點同知集賢院道教事張留孫故母周氏稟安淑婉克配善
良是生英賢為時憚觀用掌玄中之法箒為方外之巨管歷事
三朝無一毫之過舉頌堂護之如在懷風木之不停誦詩鼓

琴無愧古人之胎教慎終追遠有光奕世之家聲不昧其承服
此休命可追封清河郡太夫人主者施行大德九年八月日

加贈大宗師父爵謚

上天眷命

皇帝正百朕嗣列聖之洪緒疏眷澤之渥恩或旌為臣之忠賞
延于後或勗為子之孝賁及其先昏所以博愛彝倫恢崇治典
理宜加贈制則奚拘特進上卿玄教大宗師志道弘教沖玄仁
靖大真人知集賢院事領諸路道教事張留孫故父同知江東
道宣慰司事贈昭文館大學士通奉大夫謚莊敏九德莊栗而
通明公貞而粹雅初膺郡寄再握簡符廣聲素浹於中區政績

書於上考蓋平居種德傳之賢嗣者非惟敲衮之為崇
孝首親見之請章者亦曰玄門之可尚祝叢釐侍天上去萬
里猶膝前養雖弗逮於生存爵已特頒於身後式副四朝之隆
眷從躋一品之殊階維箕穎今之外臣教有裨於當世維龍黃
昔之良牧秩庸視於元樞圭腴大國之開簡在嘉名之易於
取其貴馭其富夫為道豈遠哉有所勸有所尊顧力行何如
耳庶幾精爽不昧欽承可特加贈儀同三司大司徒信國公謚
文簡主者施行至大三年四月日

加贈大宗師母周氏

上天眷命

皇帝聖旨道冠群倫其所因者本也孝先百行必也正其名乎
惟朕封肇啓於先朝宜顯秩仍疏於舊國特進上卿玄教大宗
師志道弘教冲玄仁靖大真人知集賢院事領諸路道教事張
留孫故母清河夫人周氏流徽女範作儷者英婉其蘋藻之芳
藹若琴書之味外政無內言之或預義規協道紀之重恢有感
則通介福靡專於瑞祝無德不報追榮兼暨於嚴閨非惟重
惠樹之隆抑亦教人倫之正於戲儀加象箒三視之序從
謝春陽寸草之心罔既益歛予命永昨而家可特加信國夫
人主者施行至大三年四月日

加贈大宗師曾祖父官封

上天眷命

皇帝聖旨道本無為惟誠身而有得孝思弗替於上世以增光
開府儀同三司輔成贊化保運玄教大宗師特進上卿志道弘
教冲玄仁靖大真人知集賢院事領諸路道教事張留孫故曾
祖特贈榮祿大夫尚書右丞信國公謚安惠宏綱有鄉里善人之
稱得林泉佚老之樂掌余玄教伊爾賢孫嘗膺卹典之榮爰自
先朝之盛盍加封于極品仍舊秩于公台於戲不有成切雖至
人之素願載加寵命得昭代之彝章尚其欽承服之無斁可特
加贈集賢大學士光祿大夫柱國改封魏國公仍謚安惠主者
施行延祐二年七月日

加贈大宗師曾祖母吳氏

上天眷命

皇帝聖旨訓切貽謀克悟非常之道禮崇報本特加不次之恩
開府儀同三司補成贊化保運玄教大宗師特進上卿志道弘
毅神玄仁靖六真人知集賢院事領諸路道教事張留孫故曾
祖母特贈愷國夫人吳氏惟累功積德之深故派澤傳芳之遠
疑乃賢裔振此玄綱受符籙之精嚴無施不應持戒行之清察
有感必通不有彝章曷旌懿範於戲爵封極品之貴在郵與何
以加諸道為衆妙之門非至人孰能與此服予休命尚慰貞靈
可特贈愷國夫人主者施行延祐二年七月日

加贈大宗師祖父官封

二天眷命

皇帝聖旨道先天地玄化適屬於至人德本祖宗異渥宜延于
上世特述先朝之故事載新今日之彝章開府儀同三司輔成
贊化保運玄教大宗師特進上卿志道弘教沖玄仁靖大真人
知集賢院事領諸路道教事張留孫故祖特贈銀青榮祿大
夫司徒信國公粹夫忠厚為心詩書養素以幽潛之隱德乃
啓迪其仙源為國祝釐功不虧於獨亮承家錫寵禮莫重乎
追崇秩以邦教之官爵以公封之貴良資清靜以贊康寧於
盛命數方加豈一冊書而可止皇圖是佑惟億萬載以成

峻極于崇階又榮移於大國尚期精爽式克欽承可特加贈
紫光祿大夫司徒上柱國改封魏國公仍謚康穆主者施行
祐二年七月日

加贈太宗師祖母吳氏

上天眷命

皇帝聖旨婦無公事惟貴秉德之慈祥道固強名亦必啓源於
清淨良以主中之善挺予方外之臣開府儀同三司輔成贊化
保運玄教太宗所特進上御志道弘教冲玄仁靖大真人知集
賢院事領諸路道教事張留孫教祖母特贈信國夫人吳氏
在先朝嘗申節典彰閨門之懿範疏鄉國之榮封於歲由子至

孫令進華階於極品尊祖及妣咸加追賁於九原尚爾貞明服
茲寵錫可特贈魏國夫人主者施行延祐二年七月日

加贈大宗師父官封

上天眷命

皇帝聖旨粵有至人優被四朝之眷既開大府從加三世之封
開府儀同三司輔成贊化保運玄教大宗師特進上卿志道弘
教沖玄仁靖大真人知集賢院事領諸路道教事張留孫故父
特加贈儀同三司大司徒信國公謚文簡九德雖累進於褒章
未全昭于令典在爾後嗣是惟上卿乘雲至帝鄉依清光于日
月敬德祈天命翊大化于乾坤正紀以明成功不特當朕誕彌

之始啓茲洪佑之深方撫治於隆正上聖臨臨
極品恩增錫于顯親制侈屢書露仍美謚本歲玄風冲
有外臣之高慶裔申延魏國得大名之遠永言孚格以衍方采
可特加贈開府儀同三司大司徒上柱國改封魏國公仍謚文
簡主者施行延祐二年七月日

加贈太宗師母周氏

上天眷命

皇帝聖旨慈哀慈養爾奉職以祝釐慶典惟恩朕用心于孝
治庸旌家範加錫異章開府儀同三司輔成贊化保運玄教
大宗師特進上卿志道弘教冲玄仁靖大真人知集賢院事領

諸路道教事張白孫故母特加贈信國夫人周氏積德生賢遭
時行道默贊一元之化為而不居輔成萬物之宜靜而能應保
茲昌運偉矣玄功既陞開府之儀申啓傳家之祚晉封大國仍
號小君於戲名器不以儆人特昭勸飭公侯之有命婦奚異生
存尚其有知服之無替可特加贈魏國夫人主者施行延祐二

年七月日

大宗師

掌荆淮道教

長生天氣力裏大福蔭護助裏

皇帝聖旨城子裏村子裏達魯花赤官人每根底來往行踏的
使臣每根底管軍的官人每根底軍人每根底衆先生每根底
百姓每根底宣諭的聖旨

成吉思皇帝

哈罕皇帝聖旨裏和尚也里可溫先生每不揀甚麼差發休着
者告天與俺每祝願者道的有來如今依着在先聖旨體例裏
不揀甚麼差發休着者依着太上老君教法裏告天與俺祝願

者麼道這張宗師根底淮東淮西荆襄等路田地裏應有的衆
先生每根底掌管者張宗師根底執把行的聖旨與了也這的
每宮觀裏房舍裏使臣休安下者不揀是誰休倚氣力住坐者
宮觀裏休斷公事者官倉糧休頓放者不揀甚麼物件休放者
鋪馬祇應休着者地稅商稅休與者但屬宮觀裏田地水土莊
佃竹葦碾磨園林解典庫浴室店舍鋪席醋醪不揀甚麼差發
休要者俺每明降聖旨無呵推稱着諸色投下於先生每根底
不揀甚麼休索要者先生每也休與者更先生每不揀有甚公
事呵張宗師依理歸斷者恁衆先生每這張宗師的言語裏
太上老君的教法裏休別了依理行踏者更俗人每先生每報

底休歸斷者先生每與俗人每有折證的言語呵付付來的先生每頭目與管城子的官人每一同理問歸斷者若先生的體例不行行及勾當說謊做賊的先生每管城子的達魯花赤官人每根底分付與者更這張宗師倚付來麼道無體例公事休行者行呵俺每根底說者怎生被道的俺每識也者聖旨免兒年二月十五日德仁府有時分寫來 至元十六年

總攝道教

長生天氣力裏大福蔭護助裏

皇帝聖旨行尚書省官人每根底行御史臺官人每根底行司農司官人每根底宣慰司官人每根底城子裏達魯花赤官人

每根底來往行踏的使臣每根底管軍的官人每根底軍人每
根底百姓每根底宣諭的聖旨

成吉思皇帝

哈罕皇帝聖旨裏和尚也里可溫先生每不揀甚麼差發休着
者告天與俺每祝壽祈福者麼道有來如今依着已先聖旨體
例裏和尚也里可溫先生每不揀甚麼差發休着者依着太上
老君教法裏告天與俺每祝壽祈福者麼道這張宗師總攝江
淮荆襄等路田地裏應有的衆先生每為頭兒掌管者張宗師
根底執把行的聖旨與了也這的每官觀裏房舍裏使臣休安下
者不揀是誰休倚氣力住坐者官觀裏休斷公事者官倉穀休

頓放者不揀甚麼物件休放者鋪馬祇應休着者地稅商稅休
與者但屬宮觀裏田地水土船隻竹葦莊佃碾磨園林鮮典庫
浴堂店舍鋪席醋醪不揀甚麼差發休要者俺每的明降聖旨
無呵推稱諸色投下於先生每根底不揀甚麼物件休索要者
先生每也休與者更先生每不揀有甚麼公事呵這張宗師依
理歸斷者恁衆先生這張宗師的言語裏太上老君教法裏休
別了依理行踏者俗人每先生每根底休歸斷者先生每與俗
人每有折證的言語呵倚付來的先生每頭目與管城子的官
人每一同理問歸斷者若先生的體例不行行及公事說謊做
賊的先生每於管城子的達魯花赤官人每根底分付與者更

這張宗師倚付來麼道沒體例的公事休行者行呵俺每根底
說者忘生殺道的俺每識也者聖旨牛兒年六月二十九日
上
都有時分寫來 至元二十六年

中命總攝道教

長生天氣力裏六福蔭護助裏

皇帝聖旨行中書省行御史臺行司農司宣慰司官人每根底
城子裏達魯花赤官人每根底來往行路的使臣每根底軍官
每根底軍人每根底百姓每根底宣諭的聖旨

成吉思皇帝

月闕台皇帝

降禪皇帝聖旨重表也豈可混先生每不揀且麼差發休養者告天與俺每祝壽祈福者麼道的有來如今依着已先聖有體例裏不揀甚麼差發休養者依着太上老君教法裏告天與俺每祝壽祈福者麼道這張宗師總攝江淮荆襄等路為頭兒衆先生每根底掌管者麼道張宗師根底執把行的聖旨與了也這的每宮觀裏休衙公事者官倉糧休類者不揀甚麼物件住坐者宮觀裏休衙公事者官倉糧休類者不揀甚麼物件休養者鋪馬祗應休養者地稅商稅休與者但屬宮觀裏西地水之船隻竹草莊佃碾磨園林解典庫浴堂店舍鋪席醋醢不揀甚麼差發休養者俺每的明降聖旨無可推稱着諸色人等

次先生每根底不揀甚麼休索要者先生每也休與者更先生
每不揀有甚公事呵這張宗師依理歸斷者恁衆先生每這張
宗師的言語太上老君教法裏休別了依理行踏者更俗人每
先生每根底休歸斷者先生每與俗人每有折證的言語呵倚
行來的先生每頭目與管城子的官人每一同理問歸斷者若
先生每的體例不行行及公事說說做賊的先生每於管城子
的邊尊是赤官人每根底分付與者更這張宗師倚付來麼頂
沒體例的公事休行者行呵俺每根底說者恁生般道的空不
識也者聖旨馬兒年七月初八日上都有時分寫來

加同知集賢院道教事

長生天氣力裏大福蔭護助裏

皇帝聖旨行中書省官人每根底行御史臺官人每根底宣慰
司官人每根底肅政廉訪司官人每根底城子裏達魯花赤官
人每根底來往行踏的使臣每根底管軍的官人每根底軍人
每根底百姓每根底宣諭的聖旨

成吉思皇帝

月闕台皇帝

降禪皇帝聖旨裏和尚也里可溫先生每不揀甚麼差發休着
者告天與俺每祝壽祈禱者麼道的有來如今依着已先聖旨
體例裏不揀甚麼差發休着者依着太上老君教法裏告天與

俺每祝壽祈福者麼道這玄教宗師志道弘教沖玄真人總攝
江淮荆襄等路道教都提點同知集賢院道教事張宗師為頭
兗先生每根底掌管者執把行的聖旨與了也這的每宮觀裏
房舍裏使臣休安下者不揀是誰休倚氣方住坐者宮觀裏休
斷公事者官倉糧休預放者不揀甚麼物件休放者鋪馬祇應
休着者地稅商稅休與者但屬宮觀裏田地水土船隻竹草莊
佃碾磨園林解典庫浴堂店舍鋪席醋醢不揀甚麼差糞休要
者俺每的明降聖旨無呵推稱着請色投下於先生每根底不
揀甚麼休索要者先生每也休與者更先生每不揀有甚公事
呵這張宗師依理歸斷者恁衆先生這張宗師的言語裏太

上老君教法裏休別了依理行踏者更俗人每先生每根底休
歸斷者先生每與俗人每有折證的言語呵倚付來的先生每
頭目與管城子的官人每一同理問歸斷者若先生的體例不
行行及公事說謊做賊的先生每於管城子的達魯花赤官人
每根底分付與者更這張宗師倚付來麼道沒體例的公事休
行者行呵俺每根底說者怎生般道的俺每識也者聖旨猴兒
年四月二十二日上都有時分寫來

元貞二年

加上卿

長生天氣力裏大福蔭護助裏

皇帝聖旨中書省樞密院御史臺官人每根底行中書省行御

史臺官人每根底宣慰司廉訪司官人每根底城子裏達魯花
赤官人每根底來往使臣每根底軍官每根底軍人每根底百
姓每根底衆先生每根底宣諭的聖旨

成吉思皇帝

月闕台皇帝

薛禪皇帝聖旨裏和尚也里可溫先生每不揀甚麼差發休着
者告天祝壽祈福者麼道的有來如今依着在先聖旨體例裏
不揀甚麼差發休着者依着太上老君教法裏告天祝壽祈福
者麼道這上那張宗師根底江淮荆襄等處路分裏有的先
生每根底為頭兒掌管者根脚裏

薛禪皇帝聖旨裏委付有來它管的衙門的勾當張宗師的後
頭它的正派徒弟接續掌管者橫放兒不揀那箇先生休入去
者它每根底休欺負者它每的勾當休沮壞者麼道執把行的
聖旨與了也這的每宮觀裏房舍裏使臣休安下者不揀是誰
休倚氣力住坐者宮觀裏休斷公事者官倉糧休損放者不揀
甚麼物件休放者鋪馬祇應休拿者地稅商稅休與者但屬官
觀裏的田地水土船隻竹葦莊佃園林碾磨解典庫浴室店舍
鋪席醋醢不揀甚麼差發休要者更咱每根底無明降聖旨請
色投下推稱事故先生每根底不揀甚麼休索要者先生每也
休與者先生每不揀甚麼勾當他每的有呵張宗師依理歸斷

者恁衆先生每張宗師言語裏太上老君的教法裏休別了依
理行迹者俗人每先生每根底休歸斷者先生每與俗人每有
折證的言語呵倚付來的先生每頭目與管城子官人每一同
歸斷者先生每不依體例行行及公事的說謊做賊的先生每
於管城子達魯花赤官人每根底分付與者更這張宗師委付
來麼道沒體例公事休做者做呵咱每根底奏者怎生般道的
咱每識也者聖旨猴兒年七月二十四日上都有時分寫來

大元年

加特進

長生天氣力裏大福蔭護助裏

皇帝聖旨尚書省樞密院御史臺官人每根底行尚書省
史臺官人每根底宣慰司廉訪司官人每根底城子裏達魯
赤官人每根底來往行路的使目每根底軍官每根底軍人每
根底各枝兒頭目每根底百姓每根底農先生每根底宣諭的
聖旨

成吉思皇帝

月闌台皇帝

薛禪皇帝

完者都皇帝聖旨裏和尚也里可溫先生每不揀甚麼差發休
當者告天祝壽祈福者道的有來如今依着在光聖旨體例裏

不揀甚麼差養休管者太上老君教法裏告天祝壽祈福者麼
道這特賜上卿張宗師真人特進上卿名分與了也依左先體
例裏玄教大宗師志道弘教仲玄仁靖大真人知集賢院事領
諸路道教事

降禪皇帝聖旨裏江淮荆襄等處路分裏有的先生每勾當裏
它根底為頭兒掌管者委付者麼道它管的教門的勾當張上
卿之後只它的正仙徒弟每根底接續掌管者它的道子裏不
揀甚麼橫枝兒先生每休入去者各路分裏先生每的頭目官
觀裏住持清淨好先生每選揀委付者再它的文書不曾委付
來的先生每根底不揀甚麼勾當休交行者更做先生的它的

公據戒牒文書要了做先生者它管的先生每根底不揀甚麼
勾當裏不揀是誰休入去者休沮壞者休倚氣力欺負者恁衆
先生每根底依太上老君教法裏張上卿的言語裏休別了者
別了呵它根底要罪過者麼道執把行的聖旨與了也但屬它
的宮觀裏房舍裏使呂休安下者不揀是誰休倚氣力住坐者
宮觀裏休斷公事者官倉糧休頓放者不揀甚麼休放者鋪馬
祇應休拿者地稅商稅休與者但屬宮觀裏田地水土船隻竹
木莊佃園林碾磨解典庫浴室店舍鋪席醋醢不揀甚麼差發
休要者再咱每的明白聖旨無呵各枝兒推稱着先生每根底
不揀甚麼休索要者先生每也休與者先生每不揀甚麼勾當

有呵張上卿依理歸斷者再俗人每先生每根底休斷者先生
每與俗人每有爭競的言語呵倚付來的先生每頭目與管城
子的官人每一同歸斷者先生每體例不行行又勾當說謊做
賊的先生每城子裏違魯花赤官人每根底分付與者再張上
卿委付者道來改體例勾當休行者行呵咱每根底奏者不揀
怎生般道呵咱每識也者聖旨狗兒年二月二十一日柳林有
時分寫來 至大三年

庇衛道教

長生天氣力裏大福蔭護助裏

皇帝聖旨中書省樞密院御史臺官人每根底行中書省行御

史臺官人每根底宣慰司廉訪司官人每根底城子裏邊魯花
赤官人每根底過往使臣每根底軍官每根底軍人每根底各
枝兒頭目每根底百姓每根底衆先生每根底宣諭的聖旨

成吉思皇帝

月闊白皇帝

薛禪皇帝

完者都皇帝

曲律皇帝聖旨裏和尚也里可溫先生每不棟甚麼差發休當
告天與咱每祝壽祈福者道的有來如今依着在先聖旨體例
裏不棟甚麼差發休當依着太上老君經教體例裏告天與咱

每祝壽祈福者麼道這張宗師根底輔成贊化玄教大宗師依
前特進上卿志道弘教沖玄仁靖大真人知集賢院事領諸路
道教事名分添了一品的印信與了也但是他根腳裏掌管的
江淮荆襄等處田地裏有的衆先生每根底交他依着在先體
例裏為頭兒掌管者它所管的教門的勾當張宗師之後只交
它的正派徒弟每承繼續掌管者它每的其間裏不揀那箇
橫枝先生每休入去者各處路分裏有的宮觀裏的住持交
它選揀清淨好先生每交付者與它的文書裏不曾交付的先
生每休交行者更做先生的人每有呵受了它的公據戒牒文
書交做先生者它所管的勾當裏不揀是誰休入去者休揀

者休倚氣力欺負者恁眾先生每太上老君的經教體例裏張
宗師的言語休別了者別了的每根底要罪過者麼道執把行
的聖旨與了也但屬這的每的宮觀菴院廟堂裏房舍裏使臣
每休安下者不揀是誰休倚氣力住坐者宮觀裏休斷公事者
官倉糧休預放者不揀甚麼物件休放者鋪馬祇應休拿着地
稅商稅休與者但屬宮觀裏的田地水土莊佃園林碾磨船隻
解典庫浴堂店舍鋪席醋醪不揀甚麼差發休要者更咱每根
底既無明白的聖旨却推稱着各投下於先生每根底不揀其
麼休索要者先生每也休與者更俗人每先生每根底休歸斷
者先生每與俗人每有折證的言語呵委付來的宮觀裏的頭

自與城子裏官人每一同理問歸斷者先生母的體例不行
勾當行的說謊做賊犯重罪過的先生每依着在先聖百體例
裏管民官問者先生每別了教法的自家其間裏相爭的勾當
有呵從它張宗師委付的宮觀裏的住持提點每依理歸斷者
似了罪過宮觀裏出去了的有呵宮觀裏再林文入去者但是
宮觀裏有的常住田地水土不揀甚麼物業他每的不揀是誰
休典賣者山林樹木竹葦休斫要者這般宣諭了呵別了的每
有罪過者更這張宗師知道這般委付了麼道無體例的勾當
休行者行呵咱每根底奏者怎生般道的咱每識也者聖旨牛

見年八月十一日天都有時分寫來

皇慶年

嗣節

授南嶽提點

長生天氣力裏

皇帝聖旨冲素崇道法師吳全節即可授南嶽廟提點宣令吳全
節准此至元三十一年七月日

授大都崇真宮提點

上天眷命

皇帝聖旨冲素崇道玄德法師吳全節即可授大都崇真宮提點
宣令吳全節准此大德二年八月日

授都提點

養生天氣力裏

皇帝聖旨冲素崇道玄德法師大都崇真萬壽宮提點吳全
節可授江淮荆襄等路道教都提點宜令吳全節准此大德
十年六月日

授總攝真人

上天眷命

皇帝聖旨朕惟國家崇玄教欲隆萬壽之禧道官有嗣師
副九重之望爰頒綸綍俾領簪裳咨爾冲素崇道玄德
師江淮荆襄等路道教都提點吳全節登冠儒流秀鍾
道貌神氣夙超於天京仙班宜近於日華麻事三朝迨

二紀忘禮聖賢之學欲裨社稷之謨頃付先皇親承顧問論
地應天之道惟擇人恤民之言祝釐雖任其勞費財嘗陳於諫
偉器拔俗仄席思賢朕登寶之云初卿操履之尤謹不有殊渥
曷表清忠爰命宮臣亟揚廷號謂德之通玄者可弘太上之道
道之崇文者可繼域中之師訂六字之既佳示四方而何忝不
特桂堂之有託允惟竹殿之得人於戲全季子高節之風諒猶
不移初志如法善光祿之爵在朕尚有好官益懋嘉猷祗承明
命可加授玄教嗣師總攝江淮荆襄等處道教都提點宗文私
道玄德真人宜令准此大德十一年十月日

授嗣師父翰林學士

上天眷命

皇帝聖旨吳克己可遙授翰林學士中順大夫宜令吳克己准
此大德十一年八月日

贈嗣師祖父爵諡

上天眷命

皇帝聖旨深惟文景之治竊慕黃老之言殊塗同歸靡間游
方之內外無德不報盍先疏渥以旌崇玄教嗣師崇文弘道玄
德真人吳全節祖鑑恭恪自將英華靡銜根柢六藝致其博
於東家聖人貫穿九流析其中於龍門太史粹矣庭闈之授
隱然劔印之傳守者吾玄何必俟子雲於後世載之以靜故宜

舍蓋公而避堂願壽詩以變之庶言豈一一裕祿之徒事哉須
顯秩爰錫舊邦以章迪世之規以示遺經之報於歲五千言
之在石壁歷萬變而不磨十八士之登瀛洲尚九原之可作
可特贈昭文館大學士資善大夫饒國公謚文靖公者施行
至大三年四月日

贈嗣師祖母陳氏夫人

上天眷命

皇帝聖旨積善之慶若券取償盛德之興如種必獲乃眷三
朝之宿望有嘉再世之慈孫玄教嗣師崇文知道玄德真人
吳全節祖母陳氏宮事無違君子信老文伯之家猶續漢河之

毋新珠產於淵淵以珠而明玉生於山山以玉而潤
莫追既往回鸞紫誥示渥惟新掄翟幽光羽衣盛典
福王母疏今刻密之封乘裕後昆體昔含飴之愛永言孚假
式克欽承可特贈饒國夫人主者施行至大三年四月日

加封嗣師父官爵

上天眷命

皇帝聖旨天下之達道五所以行之惟知勇仁天下之尊三
其能兼者曰德齒爵蓋卷矣為國家之福而顯親乃人子之心
既華胥之平躋其腴封之加衍玄教嗣師崇文弘道玄德真
人吳全節父翰林學士中順大夫克己才粹而學揆行安而

和靜以遐觀却功利之塵于八極之表超然燕處探聖賢之蘊
于寸晷之餘名參洛社之英年媿商巖之皓條若家規之屢緝
金如經訓之親傳必忠必誠克謹克戒惟清惟靜有猷有為紫
極客星上界之風雲近接錦江壽櫟中天之雨露頻疏賦爰界
於鄉圻孝庸申於志養槐府揆鸞扉之舊綵衣增羽服之榮碩
慶門實冠於人倫豈樂地弗關於名教於戲桃李穠華易失其
如晚節之香歲時祠祝言歸益介春祺之永可加授榮祿大夫
大司徒特封饒國公宜令准此至大三年四月日

封嗣師母舒氏夫人

上天眷命

皇帝聖旨宗廟蘋蘩羣祀秩然有序宵晨香火寸田對越無差
是生名世之英以演熙朝之福玄教嗣師崇文弘道玄德真人
吳全節母舒氏妙真貞嫺夙稟恭儉兼持迪躬惟仙紀之歸素
後必忠規之示耽詩閱禮居勉繼于先猷襲苴纓蘭服不慚于
高隱造其金格之隆階煖陟瑤扉之寵命特頒騎鶴言歸踵
作山中之故事傳柑致樂濃分天上之新香慶具一門其誰儷
者秩膺多數亦所宜然於歲後明逸隱豹林雖曰素風之可度
因齊賢賜騶馬誥庶幾壽祉之兼隆可特封饒國太夫人主者施
行至天三年四月日

賜崇文宮額

上天眷命

皇帝聖旨朕聞老氏之道清靜無為本於軒皇有天下者臻茲
熙辰寧壹必繇於此我

世祖皇帝存心至道以道德經為師符籙禱祠云乎教玄教
嗣師崇文私道玄德真人吳全節侍其師特進上獨輔成贊化
玄教大宗師張留孫歷事累朝建朕踐祚每陳老氏之本明
達至治之要朕甚嘉之有司圖上所建饒州路安二縣雲錦山
福地萬壽崇真觀可賜額曰崇文宮主者施行皇慶二年八

月日

嗣師

總攝道教

長生天氣力裏大福蔭護助裏

皇帝聖旨中書省樞密院御史臺官人每根底行中書省行
臺官人每根底宣慰司廉訪司官人每根底城子裏達達
赤官人每根底來往的使臣每根底軍官每根底軍人每根底
各枝兒頭目每根底百姓每根底衆先生每根底宣諭的聖旨
戒吉思皇帝

月闕台皇帝

薛禪皇帝聖旨裏和尚也里可溫先生每不揀甚麼差發休着

者告天祝壽祈福者道的有來如今依着在先聖旨體極裏不
揀甚麼差發休着者依着太上老君教法裏告天祝壽祈福者
麼道這玄教嗣師總攝江淮荆襄等處道教所事崇文弘道玄
德真人吳全節根底江淮荆襄等處田地裏應有的衆先生每
根底交它為頭兒掌管者但是各處路分裏管先生每的頭目
大小宮觀裏住持的提點提舉等但是勾當裏合委付的人每
交它選揀無媳婦清淨好先生每交委付者更它的文書裏不
曾委付的先生每不揀甚麼勾當裏休交行者更做先生的入
每有呵交受了它道教所公據戒牒文書交做先生者它管的
道教所的勾當裏不揀甚麼先生每休交入去者恁衆先生每

太上老君教法裏吳真人的言語裏休交別了別了的每根底
要罪過者麼道執把行的聖旨與了也但屬他每的宮觀裏房
舍裏使臣每休安下者不揀是誰休倚氣力住坐者宮觀裏休
斷公事者官倉糧休預放者不揀甚麼物件休放者鋪馬祗應
休着者地稅商稅休與者但屬宮觀裏的田地水土船隻砂木
莊佃園林碾磨解典庫浴堂店舍鋪席醋醪不揀甚麼差發休
要者更咱每根底無明降聖旨諸色投下推辭事故於先生每
根底不揀甚麼休索要者先生每也休與者先生每不揀有甚麼
公事呵吳真人依理歸斷者更俗人每先生每根底休歸斷者
先生每與俗人每有折證的言語呵委付來的先生每的頭

管城子官人每一同約會歸斷者先生每依體例不爲行
均當說謊做賊的先生每城子裏達魯花赤官人每根底不付
與者更這吳真人委付來麼道沒體例均當休行者行呵咱每
根底奏者怎生般道的咱每識也者聖旨猴兒年八月初八日
胡盧禿有時分寫來 至大元年

給印堂教

長生天氣力裏大福蔭護助裏

皇帝聖旨中書省樞密院御製臺官人每根底行中書省行御
史臺官人每根底宣慰司廉訪司官人每根底城子的達魯花
赤官人每根底來往使臣每根底軍官每根底軍人每根底

被兒頭目每根底衆先生每根底百姓每根底宣諭的聖旨

成吉思皇帝

月闕台皇帝

薛禪皇帝

完者都皇帝

曲律皇帝聖旨裏和尚也里可溫先生每不棟甚麼差發休當
告天與咱每祝壽祈福者道的有來如今依着在先聖旨體例
裏不棟甚麼差發休當依着太上老君經教體例裏告天與
咱每祝壽祈福者麼道如今這玄教嗣師真人吳全節根底掌
教的印信與了也但屬它根脚裏掌管的江淮荆襄等處地面

裏應有的先生每依着在先體例裏為頭兒掌管者各處大小
宮觀裏的住持提點提舉交它選擇着清淨好先生每委付者
它的文書裏不曾委付的先生每休文行者更做先生的人每
有呵受了它掌教真人的戒法文書交做先生者更吳真人掌
管的教門的勾當裏不揀那箇先生每其間裏休入去者休交
沮壞者恁衆先生每依着太上老君的經教體例裏吳真人的
言語裏依理行者麼道執把行的聖旨與一也但屬這的每的
宮觀寺院廟堂裏房舍裏使臣每休安下者不揀是誰休倚氣
力任坐者宮觀裏休斷公事者官倉糧休換放者不揀甚麼物
汗休放者鋪馬祗應休拿者地稅商稅休與者但屬宮觀裏的

田地水土莊佃園林碾磨船隻解典庫浴堂店舍鋪席醋醢不
揀甚麼差發休要者不揀是誰休倚氣力欺負者更咱每根底
既無明白的聖旨却推稱着各投下先生每根底不揀甚麼休
索要者先生每也休與者更俗人每先生每根底休歸斷者先
生每與俗人每有折證的言語呵委付來的宮觀裏的頭目每
與弟子裏官人每一同理問歸斷者先生每的體例不行做及
勾當說謊做賊犯重罪過的先生每依着在先聖旨體例裏管
民官問者先生每別了教法體例的自家其間裏相爭的勾當
有呵從它吳真人委付的宮觀裏的住持提點每依理歸斷者
做了罪過宮觀裏出去了的有呵宮觀裏再休交入去者但是

官觀裏有的常住田地水土不揀甚麼物業它要的不揀是誰
休典賣者山林裏的樹木竹葦休斫要者這般宣諭了呵別了
的人有罪過者更這吳真人却道這般道來麼道無體例的勾
當休行者行呵哨每根底素者怎生般道的咱每識也者聖旨
牛兒年八月十一日大都有時分寫來

皇慶二年

宮門

贈張聞詩真人

上天眷命

皇帝聖旨朕登進仙宗總持玄教一乃心奉乃職逮事先朝因
其人信其師爰頒郵典玄教宗師張留孫故師祖前信州龍虎
山都管轄諸宮觀住持上清正一宮事張聞詩用志于學律已
以誠誦道德五千餘言居龍虎之勝地歷春秋八十四載鞭撻鳳
以上昇昔雖晦迹於山中今乃遺榮於身後噫安期授弟子以
丹篆遂膺漢帝之知長房役天下之鬼神蓋得虛公之法也
張云邁寵命其承可贈通真觀妙玄應真人主者施行至元

三十二年七月日

追封張思永等真人

上天眷命

皇帝聖旨昔在

世皇欽崇天道詳延及乎方外時則有若至人神而明之為累朝之光輔古之學者必前哲之師承庸滌真源誕頒憫澤洽爾特進上卿輔成贊化玄教大宗師志道弘教冲玄仁靖大真人知集賢院事領諸路道教事張留孫七世祖師張思永等世相授受學本冲虛藏於名山演上清之玄教傳之後世若下邳之素書宜宗百之大軌至上卿而莫二是用歷稽往代咸賜

名於盛推恩七世之師實超乎古贊我萬年之治其自今迄
爾祖風欽予休命可追封張思永襲明體素靜正真人馮道
集虛演化抱式真人馮士元廣玄範化真一真人陳瓊山象先
抱一洞素真人李知恭毓真洞化靜復真人胡如海寶慈昭德
恭和真人李宗老葆光至德昌玄真人主者施行延祐元年四
月日

陳士國住持

皇帝聖旨中書省牒前崇玄弘教通妙法師陳士國牒奉勅
可授張天師下道教都提舉兼提點大上清正一宮事牒至
勅故牒至元十八年十二月日

熊貴實住持

長生天氣力裏

皇帝聖旨熊貴實可授龍虎山大上清正一宮住持提點元素
明通靈真法師兼管本山諸宮觀事宜令熊貴實准此元貞

二年二月日

李志立提舉

長生天氣力裏

皇帝聖旨李志立可授龍虎山大上清正一宮提舉知宮葆和
通妙冲靖法師兼管本山諸宮觀事宜令李志立准此元貞

二年二月日

李志立住持

長生天氣力裏

皇帝聖旨龍虎山大上清正一宮提舉知宮李志立可授葆和
通妙冲靖法師龍虎山大上清正一宮住持提點兼管本山諸
宮觀事宜令李志立准此大德六年九月日

章似志提舉

長生天氣力裏

皇帝聖旨潭州路道錄嶽麓萬壽宮住持提點章似志可授
明素冲虛通妙法師龍虎山大上清正一宮提舉知宮兼管本
山諸宮觀事宜令章似志准此大德六年九月日

吳以敬住持

長生天氣力裏

皇帝聖旨吳以敬可授觀復沖靖靈悟法師龍虎山大上清正
一萬壽宮住持提點兼管本山諸宮觀事宜令吳以敬准此大

德十一年九月日

董處謙提舉

上天眷命

皇帝聖旨觀復沖妙靈悟法師饒州路道錄餘干州萬安宮住
持提點董處謙可授觀復沖妙靈悟法師龍虎山大上清正一
萬壽宮提舉知宮兼管本山諸宮觀事宜令董處謙准此皇

卷之三

三

三

三

三

三


三

三

三

三

三



諸高士

李庭晰

皇帝聖旨裏中書省牒前宣靜觀復凝遠法師李庭晰
勅可授張天師下道教都道錄牒至准勅故牒至元十八年十
二月日牒

徐懋昭

長生天氣力裏

皇帝聖旨徐懋昭可授葆和通妙崇正法師常州路通真觀住
持提點宜令徐懋昭准此大德六年九月日

上天春命

皇帝聖旨孫和通妙崇正法師常州路通真觀住持提點徐
懋昭可授孫和通妙崇正真人主領常州路通真觀事宜令
徐懋昭准此皇慶元年六月日

傅處潛

長生天氣力裏

皇帝聖旨傅處潛可授通真明教昭應法師教門高士潭州路
王仙山登真觀住持提點宜令傅處潛准此大德十年六月日

曾唯道

長生天氣力裏

皇帝聖旨信州路道錄萬壽真慶宮提點曾唯道可授凝和

明德沖妙法師潭州路獄麓萬壽宮住持提點宜令西口唯道
准此大德十年六月日

陳義高

長生天氣力裏

皇帝聖旨崇正靈悟凝和法師陳義高可授大都崇真萬壽
宮提點宜令陳義高准此元貞元年二月日

上天眷命

皇帝聖旨教隆正一當九州共貫之初輦出仙真膺列聖殊常
之遇振飭圭璋之偉立表揚龍虎之嚴規往既著稱今宜加贈
致崇正靈悟凝和法師提點文學陳義高春坊德選潘府英

游氣至剛而藐羣庸韻不屑而邁前古形為事業那誰欲格
之科擗作詞章動協箴規之體以故

文祖之天光屢接宗王之禮眷特申東裝載爰于戎行為歲
兩周于星紀蓋所養者重雖兼金累璧輒振散以與餘其所造
者深雖勁雪寒鄉亦被吟而弗輟宏其中肆其外忠於上孝於
親告始遂於言歸疾已聞於罔救云河吁矣愛莫助之有弘教
為之師經理事皆合諸有崇文為之弟褒封恩乞如章尚奚
吝于疏榮而不先于勸號卿宜朕享朕不卿忘於戲道終始
若循環汎爾莫窮其用入于會如解帶條然自得于天其沛
芝綸以延颺馭可特贈粹文冲正明教真人主者施行至大

年四月日

吳以敬

長生天氣力裏

皇帝聖旨吳以敬可授觀復沖靖靈悟法師龍興路道錄玉隆
萬壽宮住持提點宜令吳以敬准此大德六年九月日

金應蘭

長生天氣力裏

皇帝聖旨金應蘭可授沖道明德曠逸法師龍興路道錄道
遙山福地玉隆萬壽宮住持提點宜令金應蘭准此大德十

年九月日

董處謙

長生天氣力裏

皇帝聖旨董處謙可授觀復沖妙靈悟法師饒州路道錄余于
州萬安宮住持提點宜令董處謙准此大德十年六月口

張彥綱

長生天氣力裏

皇帝聖旨杭州路龍翔宮提點張彥綱可授崇文玄逸明道法
師杭州路西太一宮提點官事宜令張彥綱准此大德十年六
月日

長生天氣力裏

皇帝聖旨杭州路西太一宮提點張彥綱可授崇文玄遠明道
法師杭州路宗陽宮住持提點宜令張彥綱准此至大元年

月日

余以誠

長生天氣力裏

皇帝聖旨余以誠可授通玄真應冲靖法師鎮江路道錄紫府
觀住持提點宜令余以誠准此元貞元年二月日

長生天氣力裏

皇帝聖旨通玄真應冲靖法師鎮江路道錄紫府觀住持提點
余以誠可授平江路道錄致道觀住持提點宜令余以誠准此

至天元年 月日

傅應辰

長生天氣力裏

皇帝聖旨傅應辰可授明遠沖妙全德法師南海廟住持提點
宜令傅應辰准此大德六年九月日

何恩榮

長生天氣力裏

皇帝聖旨信州路德元卿提點何恩榮可授明德通玄宏道法
師信州路道錄溪山黃書真慶宮提點宜令何恩榮准此大

德十年六月日

孫益謙

長生天氣力裏

皇帝聖旨孫益謙可授大初玄逸觀復法師大都宗真萬壽宮
提點宜令孫益謙准此大德十一年九月日

馮道原

長一天氣力裏

皇帝聖旨馮道原可授葆和持正通玄法師揚州路道錄玄妙
觀住持提點宜令馮道原准此至大元年七月日

李奕芳

長生天氣力裏

皇帝聖旨李奕芳可授明遠沖妙宏教法師南嶽廟提點兼
別路衡山昭聖萬壽宮壽寧觀住持提點宜令李奕芳准此
大德十年六月日

毛穎達

長一天氣力裏

皇帝聖旨毛穎達可授純素弘道沖妙法師上都崇真萬壽
宮提點宜令毛穎達准此大德十一年九月日

上天眷命

皇帝聖旨純素弘道沖妙法師上都崇真萬壽宮提點毛穎
達可授大都崇真萬壽宮提點宜令毛穎達准此皇慶二年

六月日

夏文潛

長生天氣力裏

皇帝聖旨湖州路道錄玄妙觀住持提點夏文潛可授明通沖
妙玄應法師吉州路道錄浮山洞虛觀住持提點宜令夏文潛
以此一夫二年七月日

夏文詠

長生天氣力裏

皇帝聖旨夏文詠可授元道文德中和法師大都崇真萬善宮
提點宜令夏文詠准此大德十一年九月日

長生天氣力裏

皇帝聖旨一德格天玄化已宏於再受萬靈衛道真人斯啓
於三傳名雖實宿位由號著次爾臣工之就列體予神教之
多方大都崇真萬壽宮提點夏文泳屬操脩清宅心高妙襲
素以儒術悟玄理於真筮得其遺珠有斯韞玉祝釐宣室紫
霄秘演於師資翊善春坊蒼籙嘉符於贊諭每尚賢而加錫
屢執謙而不居惟虎變之待時知龍飛之有日誕頒新命崇進
華階於瀛海學於舊典宜褒其上士於戲歌傳寧壹曹
參本述公蓋公遊適
正德更寧宗夫列子爾其總清靜
無爲之士輔丕平有道之朝邁跡前猷騰輝後繼可特授

元成文正中和真人江淮荆襄等處道教都提點宜令夏
文詠准此至大四年

陳日新

長生天氣力重

皇帝聖旨陳日新可授洞玄明德崇教法師大都崇真萬壽
宮提舉宜令陳日新准此大德十一年九月日

上天眷命

皇帝聖旨洞玄明德崇教法師大都崇真萬壽宮提舉陳日
新可授大都崇真萬壽宮提點宜令陳日新准此皇慶元
年六月日

上天眷命

皇帝聖旨篤叙丕圖樂清靜無為之治默脩妙道得希夷百造
之名經典聿彰素履斯著洞玄明德崇教法師大都崇真萬壽
宮提點陳日新世蔚儒術夙悟真詮善繼道宗嘉爾師資於舊
德守正與聖祈茲福壽於永年允惟法錄之神實濟詩書之
懿爰製六言而錫號併膺四代以傳家於戲帝者以慶賞待賢
庶共昌於景運老子以儉慈為寶尚遠振於玄風祗良龍光懋
逢元吉可擬索玄冲道明復真人耳令陳日新准此皇慶元

年七月日

龍虎山志卷中

龍虎山志卷下

翰林侍講學士中奉大夫知制誥同修國史臣元明善奉

勅編

碑刻

名山大川必有金石表之其來尚矣而龍虎名山必多記載之
文漢而下皆磨滅無所於攷由南唐歷宋元至今若干篇具載
如左

南唐新建信州龍虎山張天師廟碑銘

臣聞有物混成其來尚矣天地得之而覆載日月得之而運
行四時得之而變通萬物得之而繁庶卷之則無餘舒之則

無求於外則勞求於內則獲聖人取法而脩正八絃上士勤
行而仰遊十極深矣遠矣惚兮恍兮窅聽妙言強名曰道然則
真風已黷大道久隳居一者以嗜欲滑和孰能司契在三者笑
神仙可學誰務谷神悠悠多中智之君寂寂罕持盈之士華
胥之國不復神遊無何之鄉空停羽駕天其或者將有俟焉皇
帝陛下拯大道之頽綱維列仙之絕紉乃眷正一屬之真人思
與神交遂崇廟貌天師道宇所以興盛於今日也天師姓張
氏諱道陵字漢輔沛國豐人也若乃六世相韓之盛七葉佐漢
之名服冕乘軒重規累構在人間之世雖炳煥以可知而太上
之家亦寂寥而何有况前史詳之脩矣故斯文略而不書天

師紺髮戴髻青眸朱口儲精於八十一氣校德於七十二仙
雖嗣世勳非嬰代網批練聲利桎梏衣冠被鳳褐而銜虎書
外嚴聖服吞玉英而漱金醴內養丹元初杖策以遊吳忽拂衣
而向蜀地惟蠶市峰號鶴鳴有異荆臺即謂忘歸之所諒同
朱閣還稱不死之庭巖挂留人因停翠蓋山椒考室更寫丹丘
時巴蜀初夷神蒸未別菱花蒙吐罕賦山精棘矢雖陳莫除群
萬違茲妖孽毒我烝人上玄貽西顧之憂下土天北邙之骨天
師心存絳闕精徹蒼旻玉輦來過因受駭邪之法金壙至止受
膺諾命之文平變恠之披褐致生靈於清靜聲流華夏惠洽
幽明君夫宣揚微言指明真義著為道帙貽厥學徒斯其秘

在靈壇貯於瓊爨丹青妙捷鼓吹真科有陋赤松空留八戒
翻嗜鳩烈尚雜百家既而鄙方外之猶羈念環中之未返飄然
輕舉候若遐征三十六天徒見驂鸞之去二十四治不窺化鶴
之歸昭灼仙蹤葳蕤來裔竟留靈宇上契昌期皇帝陛下
私李分陰夙承上聖之孕弊樟擢秀實報中興之符高居
稽清慶奉宗廟動作興事等雲雷之經綸內平外成見天地
之文素無為而理有感則通至若盛烈殊休亦可得一二而
言也最爾越徼介于海隅沉闕斤爭曹譚無禮文身相顧崩
角同憂初欵塞以求哀愆盈廷而請命實興我役薄言徂征
偏師一征擴地千里斯則聖人之弔伐也秦密郡關河幾

千家乃漢臣身縻僞爵馬援方居壠坻竇融亦保河西日飲皇
風恩沾玄化率有卒伍擁乃黎元協力同心幸來胥會斯則聖
人之柔服也絕域殊方搜奇蘊異驗青雲之不散仰白日之高
懸梯山如覆篲之功航海若容舫之隘不愆其素咸造于廷常
滿之盃豈第索而何獲難得之貨蓋不求而自來斯則聖人之
懷遠也澤盈碧露井有黃雲山涌龜蛇之金匣鳴龍虎之劍
九苞神鳳窺阿閣以來儀八翼靈禽背羽山而戾止斯則聖人
之符瑞也又若陋常鈞之瑣瑣爲至德之巍巍當大道既隱之
時行自昔所無之事宅于望苑命我天倫洪惟至公實冠列辟
在昔卯金撫運代邸承桃高視前王良無愧色洎定建儲之計

始無必子之言徒自飾情竟成虛語何則五帝官天下三王家
域中各私其親有自來矣雖甚盛德莫能行之然猶紀其功者
繁若雲編頌其德者溢於玉牒苟以今而況古諒如日而暎星
重以並建戚藩特逾舊制姬周異姓為後何足道哉炎漢非劉
不王既聞命矣踰千越萬絕後光前皇太弟以天縱之姿懋日
新之德初開鳳邱東平之善尤彰旋正龍樓北閣之遊殆絕開
物成務歲往知來大元帥齊王下士好賢經德秉哲分茅建社
荒十二之雄都佐國庇人得五千之深旨副元帥燕王拔乎群
萃體自吾君居無求安不以珥貂自貴坐進此道豈以駟馬為
先成樹風聲同守社稷中外既理華夷已清然而上心猶或未

足思致人於壽域茲澄慮於大庭寤寐通仙聞揚玄教以為德
如可尚豈隔於古今道之將行必先於崇奉迺詔執事建天師
新廟於信州龍虎山是山也夙號洞天由來福地南襟百越北
帶三吳台嶺前瞻彷彿赤城之狀廬峰四眺依稀紫霄之形豈
猶羅浮洞中潛通勾曲祝融壇上平視長沙彼詞人之炫四朝
方士之稱三島欲將擬議猶或荒涼至如璇房瑤室之深嚴金
樓玉臺之秘邃蕙圃芝田之芬馥霓衣鶴蓋之褊褊道士之
青牛仙翁之白鹿固已紛淪於秘籙雜沓於靈篇更著丹崖
青壁之竒谷隱巖樓之美織蘿夕動聞天籟之寥寥瀑布晨
飛動日華之杲杲孤桐倥偬上出雲霄脩竹檀藥下凝煙霧倚

樹而多稱君子採藥而更遇王孫宅之者潛契希夷遊之者自
祛鄙吝天師頃來江左尚憇茲峯旋柏漢川實留遺愛厥後運
當興千年在永嘉有美後昆聿來觀止遂崇真宇以永靈風亦
猶緹嶺之芻子晉之祠盛啓阜亭之下安期之廟聿興仇生膺
石室之祈稷丘饗太上之祀諒同條而共貫寔接武以均芳自
是日薄星迴時遷代改雖桑田自變而蓬島長春迄皇運之
中微屬昊天之不弔蚩尤作梗暴海內之衣冠田祿為災延靈
中之日月千尋建木俱為柏殿之灰八景靈壇但有蕪城之草
鐘隨鼎折磬逐杯飛荒階之苔蘚易侵空餘玉碣廢井之
梧桐半在不見銀冰泊區中之厭兵乃江表之無事永惟仙

胃猶固頽基雖漸務修崇然終非博啟成乃集靈之所鍾乎
好道之君及此尤徒遂期永逸事出田農隙人若子來既掄塵尾
之松仍采雉群之木桂雖有靈實出小山柏縱後凋竟辭大谷
工翰劖劖王爾鈎繩競呈巧以致功乍星羅而霧集回廊四合
忽若雲垂秘殿百尋矗如山五芝栴繡栢藻井綺疏上頽壤以騰
文下朱霧而動彩飛梁偃蹇疑蟠螭之橫空碧瓦參差狀鸚
鵡之群集凌兢失視塊扎無垠寶座既嚴眸容惟穆朱幡不
動有若存神羽服如飄還疑上漢差差仙仗肅肅靈官顧望
增輝遊從生敬演茲大教衛我清朝天子萬年與南山而永固
本支百世將西伯以齊芳其社福也既如此其壯麗也又如彼

縱高岸之為谷必靈光之歸然二十二代孫秉一體備清和氣
凝玄寂鈞深致遠所得者金簡玉書吐故納新其驗者赤筋青
骨許椽之靈風未振呂恭之道蔭彌高豈徒三世無慚斯固一
言以蔽再光先構不亦宜乎夫妄啓精廬誕作楚室猶存碑表
必播馨詩况簡在帝心成茲妙果有以祈蒼生之福有以崇玄
牝之門苟匪頌宣孰傳來者臣才非黃絹福謝青繒學壯
武之討論未窺鐵硯佐玄元之述作又乏金壺輒罄諛聞強
為銘曰天地萬物未生厥初道乃特立為之權輿惟寂惟冥
不盈不虛帝返金闕神傳玉書聖教以宣列仙繼作陟降朱
陵優游碧落身雖化去功乃昭灼村敷真人用實弘博真人

者何堂堂乎張家箴鵠印代富貂璫區區田寶瑣瑣表揚我
獨高謝于何不臧訪道求真存玄守一九鼎傳芳飛仙得術內
養靈符外弘陰陽衆邪奔潰羣生寧謚我功既著我惠既敷
上瞻絳府苟睨蓬壺仙蹤去蜀廟貌留吳正一之教今寧遠乎
赫赫我唐明明天子親詣崆峒精求赤水尊道貴德任賢尚齒
禹好昌言堯稱光被甌閩恃險譚我興戎室家相弔杼柚其空
帝思俾乂師乃徂東曾無遺鏃俄已韜弓澤浸殊際馨覃絕
域條支入朝寶融歸國方賄連延襁負匍匐樂我王道誓依有
德義高睦族舉必至公脫畧常法從容古風命我棟蓐處我
桂宮亦建賢戚施于無窮能事畢修聖功益茂思致華戎

同濟仁壽耽味道腴搜揚仙胄乃聖真祠宇茲名岫庀徒揆日
舍舊謀新燕山斬桂嶰谷誅筠不遺文本仍采貞珉隱如山積
響若雷震功匪泐旬成由決日啟作陽臺邃爲陰室雍燦珠
金熒煌丹漆子午非速瓊華詎匹峩峩秘殿穆穆醉容衆
真列侍仙裔相從如聆夕唱似喜晨鐘洪惟妙用實亞猶龍玄
覽前聞恭聞往誥自匪哲王孰云好道我后統天升堂睹貌光
揚真科必享豐報將仕郎守秘書省校書郎直門下臣陳喬
奉敕撰文林郎守秘書省校書郎臣謝仲容奉敕書并篆
銀青光祿大夫試右千牛衛兵曹叅軍兼監察御史上柱國
臣王文秉刻字保大八年歲次庚戌四月十日建

貴玄思真洞天碑

夫三神山者其上諸不死之藥在焉金銀為之宮闕洎往即終
莫能至之者此得非神仙之所恍惚中象歟其或登於是蓋靈
族也設有探訪玄門修養仙事樂彼逍遙之迹故為汗漫之遊
學者鬱鬱多途矣然即至道沖寂諸法性空鮮不以高謝埃氛
幽棲巖谷孰尚意行盲聾形骸極死生出入之微盡聖智去
絕之旨玄珠斯得真境俄登故雲漢昇時難追絳節林泉止
處永作丹丘為奉教之有依成道之所自詢於是勤而行之其
猶罕乎曷若望高皇長位極王封而能傍薄鼎鐘寂寞宮室
絕於愛染離乎名稱附贅懸疣早萌聚散毀珠擲玉夙秉純

和終為駕鶴騷鸞為水鎮紫宮清觀昭孝殿下仙源湧派帝業
分芳翼世元勳佐時碩德抱經綸之鴻業持撫遏之明誠廓落
雄風深沈大度實盤維之標表家國之紀綱崇茂德親冠絕今
昔而乃中含和氣傍究玄言恒以為謙者道之常也既而成功
終而不宰於是早闢賢路旋簡帝心上乃眷乎釋紛擾之門求
虛靜之境爰徵名鎮冥散沖襟加以臨川素多勝槩自綠車
之既降乃金臺之旋設繇是賢才霧至方士風趨開平之化
益隆莊老之文盛習揣摩奧妙鑽仰精微玉液金膏未忘調鍊
十洲三島每想嬉遊已而歸敬玄元興崇福地施捨之利紀極
猶難謂之邇遐亦將周徧有信州鬼谷山者在貴溪縣南八十

里第十五洞號貴玄思真洞天是山周四十里峯巒鬱鬱後然
壑幽深迥出人寰實為仙府按洞天記即鬼谷先生修真之所
壞碑苔蘚微分古篆之詞遺址荆榛宛有當時之迹其諸勝異
名狀備載良難並命勒於碑陰亦乃稍無過實原夫先生蓋周
時豪士始無鄉里族氏長於治身養性所著子史今行人間觀
其縱橫之說至道之要設明於指歸者足以坐邀富貴立興邦國
成蘇張之密顯致秦趙之霸強匪不由斯乎若乃玄運之德變
化之機若可測其閭奧爾謂茲神靈之貺響蒼谷之功叩以精誠
即聞如願乃至耕桑有賴井邑無災頃以時代迭遷人事播越
雖迷攸館終仰高真或備於禱祈即遙陳於醮設元宗皇帝

嗣位也以國家猶龍垂裔執象化人凡曰玄關即惟奉教洎保
大十載癸丑歲有鄉老劉英者尋而得之於此圖畫奏聞續
覩闕下凝和先生陳希聲奉敕遍祀名山遂詣玄壇躬行醮禮
因而精選道士韋脩然吳寶華於彼結菴二人嘗相與語曰夫宮
觀之規所宜壯麗者也今為開創若非王公大人無以興於虛
墟秘宇既而遠卜誠懇來詣宗英據奉明慈式譜素願出珍貨
而克盛謀締構以斯臻爰求郢匠之能兼法定星之候選良材
而山積杞梓皆全鑿堅礎以雲屯砥礪可類規模博敞折中低
昂拔巨棟而勢聳雲衢列虛簷而影連日觀捷獵危拱汨鐵
重檻陳丹雘以生姿布雕鏤而殊象廊迴匝殿奧幽玄諒

希世之見聞實上清之制度冥敷旨坐用奉仙靈羅侍從以
周圓結香花而芬馥呈官奮獻芝三童陰雲裝與組繡爭光
瓊節將珠璣闡鍊鬱為淨域克紹玄蹤恒標緞道之人永作
脩真之地功惟莫測福乃無疆昭孝太弟早啓崇心已圖基構
賢順妃欽茲妙果別用莊嚴剗割錢五十萬置碑鍾幢幡道具
等莫不亭安翠琰樓振洪音其次仙仗之儀供醮之器一則務
為輪奐一則成自精研蓋茲表飾之功兼助追修之道懿夫
親賢之禮明順之德豈獨執柔和於生前抑乃稟行隨於
沒後者哉愉然寶華並希夷懋道恬淡為精將攀姑射
之蹤佇陟蓬萊之境而乃克明遺址幸適上賢用紀厥功以

流亘古渙才非博與學寡探玄叨俾叙於斯文實愧無於清潤
辭曰三才未兆大道居先體含虛極惟本自然寧窮變化罕
測幽玄總攝萬彙何莫從焉貌不可狀名非能實聖功罔滯
玄運斯畢恒享大聖永符元吉浩浩真宗肇形如一逍遙乎
道冲舉知程競思奉教孰執勤行雲輶羽蓋絳節霓旌飄然
而往其惟先生自昔姬周匪分名氏道契純和德揚遐邇無適
無莫誰毀誰譽千古靈蹤克存于此矧乃遺証久鬱榛蕪伊
我宗誓降自仙都謂茲開創宛若冥符昭彰福地其曰斯須
大以道靈載造斯谷掩暎烟岑連延雲屋南指昂村東隣毛
竹龍虎回望逶迤相續偉哉昭孝注意真風無涯之剝不朽

之功上唯脫履下視葵能念若在法道直有窮遠賴倡隨成
平茂績壯麗是永施捨無惜勞助興隆再加增奕敬叙徽猷永
刻貞石文林郎試秘書省正字掌表奏朱渙譔冰井副使銀青
光祿大夫檢校國子祭酒兼殿中侍御史徐繼宗書金紫光祿
大夫檢校司徒使持節集州諸軍事集州刺史上柱國周慶
篆額開寶七年太歲甲戌四月己卯朔八日丙戌立

上清觀重脩天師殿記

古之有大功及于天下者必存乎廟貌以旌厥德而垂無窮若
漢天師者以符篆及三籙九等齋壇之法流于世其昭晰之迹
雖有家謀及傳記懸槩而言之天師諱道陵字漢輔乃留侯允

代孫也母夢天人衣繡衣以香草授之既覺芳馨猶未絕遂感
而有孕建武十年上元日生於吳之天目山時黃雲紫氣流布
山谷之上下室中尚有光及冠身長九尺眉廣頰綠睛朱頂
伏犀貫腦垂手過膝虎吻龍耳玉梳峯起見者雖文親亦恐懼
性沉厚好博采經史兼明占候之學賤人之急不擇休戚而四
方師事縷滿戶外童帝起以諫大夫不就謂門弟子曰人上壽
百歲亦瞬息間父母妻子雖至愛豈能長保哉且吾身非吾有
況其倘來富貴耶吾聞上世有軒轅喬松得道天遊於無窮此
真吾師也吾將棄世絕累而學之請與尔訣群弟子徘徊不忍
別願道之不得已而去天師既行惟王長請後首登潛衡至

嵩陽遇神人授黃帝九鼎丹紀亦幾而於西嶽山構壇朝真以鍊大丹既成謂長曰丹服當輕舉然吾未有大功詐敢遽服須為國除害興利然後服之臣事三境則吾無愧趙升者居國之東欲與王同巾几之侍天師逆知其來及期果登門凡七試皆過久之俱受秘旨一日太上降謂天師曰蜀山二十四治即二十八宿之別理為陰境黑簿之司分掌人間休咎生死事近有六天八部五方之鬼竊居號為幽獄以繫人魂致有夭折吾甚憫焉今授汝正一盟威秘錄二十四階及三天玉冊并陽平治都功印汝其按行攝邪歸正興此靈化以汝為真人天師稽首受教復命從雲駕至崑崙羣仙悉集以三洞諸經千餘卷授之

遂還西城道法益盛戰二十四獄俱為福庭降二十八宿以通
正氣時有鬼帥尚居青城山山下為人鬼貿易之所名曰鬼市
天師至化寶座以居之而鬼帥降焉與之盟於黃帝壇下六天
駟於北鬱八部禁於西城其五瘟主五行之毒戒而釋之乃執
丹筆曰吾筆所指鬼衆盡滅矣久鬼分治幽明異境復刻天地
日月之形于絕崖間誓曰天地交日月合然後汝可復仍以神
印封鬼市使不得相通天師以符籙治病遠近奉祀者不可勝
紀各命輸米謂之天倉設三厨以餼賢有餘以賑貧置男女祭
酒官分領之立謝過祈福科教而蜀民畏罪遷善盜賊不作物
無疵癘至今受其賜稱帝永壽元年正月七日太上乘白鹿臨

降成都太昊玉女修天丹之所其地化出玉局座太上界之丹
受以道要及南北二斗經及命參較靖塵七十二福地三百六
十名山之品秩又賜魚鬣衣衣之過仁壽縣有十二天遊玉女
各獻一玉環乞箕箒之奉天師以十二玉環合為一曰吾投於
井中取得者即納焉玉女解衣爭取之遂命收其衣勅之不
令出因化為鹽井二年九月太上遣雲輦迎於南隆雲臺峰
白日昇天一百二十三歲天寶七年明皇封天師御製贊十
八句賜之中和四年僖宗又封三清扶教大法師天師亦嘗修
行於龍虎山有煉丹井存焉或遇歲旱邑大夫率士民請禱
皆應故嗣師而下家于此間有貌類天師者襲其號而傳玉

印印之為異者累紙百幅丹文必徹國家世以先生號寵之神
宗朝遣使摸本命工琢玉以賜上清宮靈慧冲寂大師王太

山之西有仙巖二十四所下瞰雲錦溪每歲春士庶泛舟遊賞
以為殊致古有真仙觀在山之西北隅祥符年中勅改為上清
主觀者崇元大師虛白先生嗣宗遷于山之陽迄今八十餘年
惟天師殿危簷老壁幾不避風雨元祐元年秋八月二十八日孫
敦復出己力請道正汪惟德再新之舊塑系嗣師王趙二真人
暨靈官等環侍亦復雅飾昔偽齋王嘗夢墮井中見一
人披鶴氅冠魚尾冠以手援之既寤白左右諭是夢皆曰魚尾
冠非天師而誰因立廟於山麓著祀典仍度道士以焚修之

今上清觀天下道俗遇三元詣此登壇傳度法錄以二十八代天師為度師也愚嘗讀文如海華戎論謂天師不振老莊道獨奮然立符籙科教之法于當世幾不知其本斯文氏孟浪之言也所謂道在夫悟而後行既行之無小大精粗之別推混淪之始至于有天地萬物而論之則靈於萬物者人而已矣然食息之間未始不為心之所困故老之曰虛心莊之曰剗心蓋蔽於妄偽以獲其心而欲無魑魅幻惑之恠其可得耶所以天師雲篆寶書齋科醮典於是作焉然禪於治世法功為不淺奚傷乎老莊之道耶斯為表裏之術也故其術由中國流出邊壤海表皆耳目相接顧假以席其稚耄而登真之士想像真標靈跡

襲遺倡導于天下况夫子子孫孫日瞻廟貌宜廣大其事思有以報覆冒之德傳之無窮者哉吳希周者羽籍于上清因遊輦下一日過門以狀見托叙始末愚素非秉筆之士辭不獲聊直記其一二云元祐丁卯春分日記右街鑒義崇德悟真大師知集禧觀事賈善翔譔南安軍大庾縣令董遂書承議郎上騎都尉賜緋魚袋陳晞篆

重脩靖通菴記

太史公稱大荒之內名山五千奧在中區鎮以魏嶽羅浮括蒼華諸山為佐為翼至於盤地紀承天維奔走羣仙包瀆仁澤靈記魂壯則有龍虎山岑欽嶺岼草太光恠天師在漢受命上玄

塵塵正傳迨三十葉卓然降仙任挺祖風發與滌玄遐鈎獨索
散入神明之曠深稽道德之幾統和三靈赫濯四海際會道君
皇帝召拜虛靖先生眷留京師修大清業雲情藪思析歸故
山詔棟雋峰結廬嵐翠奎鈎日珥以靖通揭諸陽先生對
揚顯休歸安上賜一以道奧致大盡精庶幾天保歸義焉道
家者流出黃帝老子其道以清靜無為為宗以虛明善應為
用以生生不窮為法故能深曠天地而不為老橐籥陰陽而不
為靈帝不能傳神不能授况人乎先生聞道闡法一出乎正
故崆峒之問汾水之遊言人而不言天及今而不及古灼然極
數知來者非漢唐黃鍾史寬舒吳筠張整輩可擬也初通

妙先生易若如剛以文學道義如玉在山相攸巖洞制作楹室
治身紫府素行昭宣名飛帝庭召處高士典青藜館統道兩街
尊異之彝禮優賈席三元授簡仍領上清籙篆所遺廡不忍取
擇羽士薛端友重建是庵迄詣其謀虛靖後人仁靖先生亦裨
助不靳規矩簡素遽然天成虛堂中深閒庶映帶彷彿仙表沉
燎在爐圖篆琴碁尊壘鍾磬休息之所高明之具清越古秘
衆妙畢殫至若象崑擬蓬別開林壑人家不遠勝氣常清水
鏡秋聲石含白色松姿神秀猿鶴皆仙時乎弄潺湲入窈窕坐
石而舒嘯解纓而濯清足以攀洪崖之霞標邀羨門於霄路滓
濁如脫養空棲無可以使憂者泰穉者曠勞者逸惰者爽信

神人所棲遲幽人之別府也昔徐勉讀易至謙豫二卦乃廢書
歎曰嗟乎天道其何遠哉故逍遙山阿內身外物自保幽靜庶
無悔吝嗚呼是道也先生有之先公翰林既謨先生傳通妙君
又以記石屬似孫乃作楚語俾薦泉菊其詞曰若有人兮山之
幽憑輕雲兮行九州命黃鵠兮麾青虬朝閭風兮夕麟洲一朝
宗兮白玉樓帝咨汝兮統仙流若濟川兮汝為舟道冥冥兮誰
能求神於心兮疑可脩風引去兮常隱憂石鑿鑿兮水漻漻
草秀異兮木蒼樛水堪主兮蘭堪著山中樂兮胡為不可
留又歌曰若有人兮靈之遊鳴禹璞兮曳霓裘呼喬松兮
樂巢由鑿陰陽兮繫剛柔天地闢兮六丁愁羲罷畫兮老

迴轉渺至道兮何悠悠塵塞天兮世難寥骨可鍊兮丹可謀
道甚邇兮人如漚璇璣急兮春復秋臯鶴喜兮麋呦呦菊采
采兮酒浮浮山中樂兮胡為不可留嘉定八年十二月日五
筍山人高似孫記并書

改建靈寶觀記

上清正一宮碑

上清正一宮之建舊矣榮遇累朝光傳奕葉而託之金石以攷
顛末未有聞焉三十五代嗣師張可大以書來曰我祖在漢鑿
秘鍵於玄關得靈文於寶笈化行巴蜀服溪女於鹹池轉魔宮
為仙宅功行昭灼經法傳流歷千餘年傳世三十而虛靖先生
挺祖風顯靈符又歷二代而正應先生授元壇度正錄在昔羽
士以道德際遇者未易槩舉近世則有留君用光素行精修
進左右街道錄賜號沖靖易君如剛教法精嚴召為太一宮高
士賜號通妙葆真至于今而清真學道之士雲瀚霧集是我
祖師之教其衍益如此攷其所居訂之圖志乃天下第二十九
福地昔我祖煉丹有青龍白虎馴繞其上故以得名發跡闕

崑山勢掀舞峰巒削峭巘崿重複若軒若輕若拱若揖界以
長溪源自邵武縈紆仙巖奔赴彭蠡清流駛湍紺碧可濯
有九十九峯之勝槩二十四巖之異跡晴嵐暖翠朝霏夕靄
錦繡出沒明滅變態深泉高瀑冰懸雪湧神龍所舍奚可控
搏是我祖之居其炳靈如此政和三年道君皇帝眷禮虛靖
改上清觀為上清正一宮撥賜江東徐氏絕產計米萬餘斛
淳熙間正應赴闕勅命錄壇永為寶鎮冲靖再被宸恩特免科
徭復為甲乙通妙葆真當寧廟龍飛眷遇優渥奎文輝煥華
扁昭揭盼香帑積增賁舊規於是對揚顯休載新輪奐重門
雄峙壇址肅嚴為殿六曰三清曰真風曰昊天曰南斗曰北斗

曰瓊章為閣二曰皇帝本命曰寶奎為樓一曰瓊音為館三曰宿覺曰蓬海曰雲館為堂二曰齋堂曰正一堂之左曰方丈東西創道院各數百楹棟宇翬飛牖戶宏敞神光下臨靈響斯荅實為海內琳宮之冠是宗壇累代被遇又如此然而顧眄內外斷碑遺刻兵殘火毀漫不復存可大幸得嗣祖教繼玄風大恐歲月寢遠無以昭寵休詔來世願乞一言以垂不朽余復之曰神仙之道世固難知而天師功行之久而益振不可誣也師言盡之矣以是勒之堅珉其誰曰不信端平二年三月日朝請大夫國子司業王與權記通直郎新除宗正寺簿何處恬書朝請大夫新除侍右郎官趙與勳題蓋

龍虎山上清宮新建牌門記

景定癸亥冬予之官番陽道蕪溪訪古象山登應天遊龍虎閱
仙巖順流而東時上清宮管轄觀妙太師張君聞詩命舟相從
累日指示勝槩及吾境乃還明年夏聞詩游江東常平使者學
齋史公書來諭以新門成屬紀歲月其言曰作宮此山二百年
矣識者謂向方少偏宜建門于南以正之都錄沖靖先生留書
欲建門會各不果聞詩茲領焚修敢替前志昨季父為會望
始克成之距宮之百步為室三楹其中為門揭龍虎福地四字
其上為樓左為池覽垣道以達于宮九十九峯當其前午位也
圍山東連西五如拱如抱象山之水注而歸焉異方也登

其樓其堂遠矣是門其陰正學齋公嘗贊其成而書之碑以記
請余謂是後也聞壽之可書者二余嘗觀上清宮之感棟宇麗
金石今作是門前之後者橫之一可書冲霄際地三朝恩賜隆
厚一門欲剝而求壽聞壽後冲霄數十年前之廟始成之二可
書也抑余又有感焉世有習專門者莫不計堂之室之基而門
戶先立求其行之宮庭性之壇宇不體等級參差如也視道家
者派緩其門於宮成二百年之後能無事乎固有網於先入而
未純於正者多遠澤而安端觀此門之向方首偏而今正能無
勉乎聞壽之所作者在彼余之所感者在於此遠矣第其言以授
之豈但為此門記為聞壽書而已哉必有感於書者甲子歲

六月甲子日通直郎通判饒州軍州兼管內勸農管四事周
應合記

重建天師家廟演法觀記

萬物本乎天久本乎祖禮所重祭祀報本及始也上觀下為觀
下觀上為觀易所謂重盥而不薦以天之神道設教也二者皆
大君事然商周有頌魯能祀后帝皇祖亦頌后以敬天尊祖為
重惟道家為然然則託易禮中義用頌中勸非興起人心之一
概乎初漢封同姓為諸侯異姓為徹侯以世襲崇報也一子房
不受三萬戶乃百世祀彼十八人者有是哉功成身退天之道
也子房心此訓而世守之故八葉而祖天師生焉南之吳融天

地之英於丹爐夜光燭天郁郁紛紛龍騰虎躍因以名山西入
蜀神與天游造化功用上下同流有不可名狀之妙又 葉孫

諱盛復為南來自是于其麓廟焉奉烝嘗于其左壇焉奉籙

篆以其可名昭其不可名自時厥後妙用翕張國有候禳馳使

徵召未出境而天官勅六丁響答如上旨民有心告雖千萬里

應感亦如之故特重真封累沐徽號為我朝盛典政和中陞唐

所賜真仙觀為上清宮崇寧中陞南唐新賜家廟為演法觀咸

淳幸未三十六代嗣教天師宗演本治宮先廟之義乃即舊址

辨相協之宜于一百步之外收融結之巧于數百楹之內上帝

是歆先祖是皇鼓鍾於論籙豆靜嘉凡佩劔印雖千載異代

皆我祖考凡具冠褐雖四海異姓皆家子孫先代所存丹竈處
朝所賜土田一從其朔有巖焉列百工所為於千仞上有石焉
峙一柱特立於五雲表仙關雖舊與新俱新人心知嚮非古亦
古既有永世傳且有係世教宜記之復頌之於戲子房世本黃
老道雖心融亦可迹攷先天而天黃帝開古雷天大壯即我棟
宇以家觀家老子格言百世祭饗在吾子孫嗣教念茲猷訓丕
式以妥以侑新廟奕奕凡此居遊即是克薄萬善本原惟天惟
祖朝議大夫南城縣開國男食邑三百戶周才謹并書寶政殿
大學士光祿大夫提舉臨安府洞霄宮王煥篆額

大元敕賜龍虎山大上清正一宮碑

天相皇元惟德克肖貞符靈貺惟命克承以之章明玄化延羅
丕圖禮仙宗秩群祀緝儀茂典亦罔不克舉至元兩子

世祖聖德神功文武皇帝撫定江左首降璽書遣使侍微嗣
漢天師于龍虎山秋八月三十六代天師張宗演入覲奉玄教
宗師志道弘教沖玄真人張留孫佐其行

上延問再四宸衷允愜若夙契然授天師號演道靈應神和
真人錦衣玉冠以華其歸佩銀章領道教江南凡三召三至
禮遇如初優制疊頒崇尚科教一切租徭勿與宗師留輩下
江淮荆襄則總攝其教事隸集賢者同議春秋起幸靡行不
從招梗檜禳靡事不與止風獲樹累著奇徵勤監益深而養

汪益隆賜冠服劔佩備黃金珠玉之飾尋勅有司建正一祠於
艮方賜額曰崇真萬壽宮上都復建靈宇歲時祝釐皆師
主之高第陳義高侍春宮其師李宗老授靜安沖妙崇教
法師江東道道教都提點住持上清正一宮二十一年夏四月
聖天子踐祚之初師奉香幣為壇盟謝賜瑤甌璧環

太母中宮申賚尤渥師祖張聞詩謚通真觀妙玄應真人陳義
高授崇正靈悟凝和法師崇真萬壽宮提點吳全節授沖素
崇道法師南嶽提點初三十六代宗演昇化師請於朝以其子
與棣嗣授體玄弘道廣教真人仍領教江南賜詔蠲租至是來
朝孟冬吉日暨嗣歲改元朔命二師醮于內廷者再鳴玉荐臨

榮光昭燭玉圭寶冠金服珠履珂珮之賜非一誥封始祖天師
正一冲玄神化靜應顯佑真君三十五代可大通玄應化觀妙
真人二月勅考工即崇真萬壽宮置璇璣殿師進今號同
知集賢事未幾與棟化師復請以其弟與材紹三十八代之
傳制遣全節持冠服圭佩即命之及召見慰諭良厚授太素
髮神廣道真人褒錫如其兄宮提點熊貴實李志立兩膺縛
命給籙壇印四元貞丙申春正月宗師奏幸逢昭代載振玄
綱鴻霈便蕃靡間今昔而舊山壇殿漸已即緒願勒金石以
賁無窮詔詞館撰述而臣構直筆臣謹按江東之龍虎山上躍
星緯斗牛寓其精下鎮巨澤七閩借其潤中涵洞府為天下

二十九福地又有仙巖其懸崖嵌竇中世適用之具略備一曰
仙人城漢季天師張道陵鍊龍虎二丹丹成而龍蟠虎躍神光
郁紛遂以名山後復入蜀受太上印劍經文之秘福國裕民攝
邪歸正其功著于國者大而德及于民者深故其教傳于世者
亦永製贊褒美聞于唐至宋則冊封正一靜應真君嘉熙間
如謚顯佑芝檢紫書昭灼日月進十字為極美之稱于今莫之
京也山有壇宇唐因之賜真仙觀額宋改上清觀陞上清正一
宮高士留用光易如剛繼以住持任興建之責星闈琳堂規制
寔侈門曰福地創于張聞詩閣曰然微興于毛允中先後巨翼
克成真構越歲既久弗飭弗稱而師每深念之屬其師倡其徒

揆日庀工各慮其事起二殿襲二門壇有樓拜有次碑亭文室
齋庖以序具舉明霞流電軒陛縈環殊庭之勝觀昔有加矣繇
魏晉以降千五六百年表而章之廓而衍之寓諸形器者固多
至於珍圖秘學洪機妙用緼諸身不見兆朕發為事業興造化
相表裏盖有繫於人也道之為教其來也遠本乎無為而無不
為順應於世澤四海利萬物不以累焉軒皇訪崆峒堯奉姑射
漢孝文禮河上公卒之地平天成黎民咸雍刑清國富豈非
善為道者輔世之明驗歟我

聖元之司左契一文軌也仙城之麓輦去仙真而宗師端和清
慧業尚軼輪陪法從二十寒暑以誠敬為心拯濟為務始之日

月山命以優數師則讓下天師而不有

世祖躋之所以眷禮宗門者日深一日其後間一代祀海嶽訪
遺逸莅事恭而奉身甚嚴人或德藝之可尚及民情有未便者
還以上聞即賜俞允然居嘗自抑雲情數念不忘於中蕭然一
庭恬若世隔

世祖

裕考愈器重之怕被容接不矜不急獎飭咨詢始終無間

今皇上御睿思閭款接移刻且諭侍臣曰宗師逮事祖考言
必有徵其恩紀蟬聯既隆且固而進明退昧與時翱翔是亦
無為而為順應而應之徒與夫號則稱上卿稱真人章秩視上

公若封若謚若制授階級源源不已雖古之善為道者不是越也
也紮微拱于南璇璣標于北奏章授錄歲以為常益四海之富
生民之壽上為國家延億萬斯年之福玄門盛事當不一書而
止臣構謹拜手稽首申以詞曰仙巖盤盤仙所居左龍右虎紛相
紆藐真仙兮握玄樞箕山外臣汾陽徒乘臆忽兮凌虛無肅然而
回集軒矢增城突起昆明區鬱羅蕭臺亞方壺璇題金格煙霞舒
鳴琴竽瑟斐然殊芝瓊茹兮噉琳腴或攝魔兮帝命余神丁奄冉
兮前驅侍臣暫歸山靈趨嗣仙間歲朝清都演丹文兮開瓊符祗
德欽象龍叙圖翠鳩緬懷河之隅浩劫非人其曠諸希夷之教昔
可踰皇極之言今可敷樂人民兮

高賢愉紳珍翰寫來山車

聖皇壽與慈皇俱治還三太三元初紫微閣吏臣當書翰林侍
講學士中議大夫知制誥同脩國史臣王構奉勅撰昭文館大
學士榮祿大夫平章軍國事行御史中丞領侍儀司事臣卜忽
奉勅書集賢學士太中大夫臣盧摯奉勅篆

真風殿記

天地亦大矣而有終始道無終始而終始夫道者道也道生天
地而行乎天地無本末無精粗皆與天地相終始若昔黃唐垂
衣而理神化使宜然猶正名百物絕地天通在所不廢仲尼序
書舍大言常青牛出關不言之教顯而無為之化隱矣得其

餘者猶能助創業守文之治表章盛而罷黜嚴眩名迷實橫流
溢出亦可成變化行鬼神世祀之絲與吾通天下得王祀者殆
將埒是豈偶然之故哉若漢張氏天師之事是已真風殿者其
祖師之祠也殿在信州龍虎山太上清正一宮山蓋祖煉丹處
禪開跡于信而著功行于蜀其後四代居焉至今三十五代天師
曰觀妙先生驅雷拒潮有功穆陵大書真風之殿以昇而故殿
庫敝弗稱今天師演道靈應沖和真人宗演三覲來歸囊枕啓
謬都錄黃崇鼎祈先意突圖善工瓌材旣飭旣備宗鼎鼎羽化
其徒黃觀亨繼志訖役旣粟時稱般爾勸功深廣倍昔壯麗
倍昔芝柳曉陰藻井穹隆糜千鉅萬真金實主張是丕有

錫賚全集賢宗師留孫亦切嘉獎而輔其成經始於己丑之秋
告成於庚寅之冬若夫漂梁久失溯流復歸伐柱危壓反風不
害撤寤之際恒霽修陰祭新之辰久暄忽賜祥曦絢綵皆有天
相非出人謀闕位聿嚴眡瞻咸替復身以書抵余曰祖師功
行之炳卓累朝被遇之便蕃觀宮遷改之顛末山川拱挹之奇
異皆有文字可以詔傳惟茲殿前是未有片石可語今幸竣事
豈曰復身能抑先師艱勤不可泯願有述余嘉其意答書曰神
仙之事非世所可詳也乃吾所聞古先聖王所以參贊財輔
使民知神茲不違不若者後世或未之講也爾祖祗遂陳于
上以護我民則是代有國有民者代天理物也用能宗極統稱

度越恠力是宜隆棟峻宇擬帝王居若斯之闕鉅者已而其
克紹成績不墜前功宜牽聯得書俾以茲說用勸諸石以詔
觀者徒孫張彥綱而下宣力者衆名氏悉疏左方歲十有一
月辛亥日南至前從政郎建德府淳安縣令主管勸農事
曾子良拜書

龍虎山大上清正一宮重建三清殿壇樓三門碑

聖天子既定江左首下明詔招徠巖谷之士聞嗣漢三十六代
天師張君宗演居信之龍虎山驛召赴闕今玄教宗師張君留
孫實茲其行至元十三年八月見于正朝禮遇優渥居久之
天師南歸

上特命宗師留侍輦轂方春京畿不雨民以病告師潔齋致
禱嘉澍至

上及中宮數有禱禳罔不事應由是表春日隆太子元妃猶加
敬禮為製重錦法衣一襲奉五年春從狩日月山還授凝真崇
靜通玄法師始置正一之祠于上都尋進玄教宗師總攝兩淮
荆襄等路道教江南諸路道教都提點賜銀印秩視三品仍賜
璽書凡所轄官觀布縷粟米力役之征一切毋有所與先是京
師無正一祠宇乃勅耆司度良隅吉地建崇真萬壽宮俾師
主之落成之日中宮遣內侍授尚方所藏玉真仙像二玉壽星
像一玉數珠百又命領將作院事大司徒公治昆吾利金為劍

上鑲星台卦象室以兼金樞以珠璧銘其背曰賜張上卿上卿
即師別號也

上亦遣侍臣授水晶玄武像國家謂東北為幽方故列玄壇真
像以鎮之十八年夏詔命及其徒陳義高承侍東宮二十五年
春醮崇真宮命守司徒集賢院使翰林承旨光祿公錫以寶冠
玉珪金服珠履環珮之屬是年秋加總攝江淮荆襄等路道
教都提點同集賢院商議道教事中命蠲復所轄宮觀詔旨
如前仍著為令師童卅入道素行高潔雅為衆所推服加之識
慮精明勞謙樂施雖得時行道自奉尤極清苦初拜師號制
書有曰嚴以自持靜而能應頃留近侍行業足嘉其被褒拂

若此用能振舉玄綱扶樹宗教俾羽褐之流均受其福自惟荷
國寵靈無以報効萬一而故山祠宇利弊滋久將撤而新之永
為皇家祝釐之地乃悉所儲度材訓工屬其師靜安沖妙崇教
法師江東道道教都提點李宗老綱領其事一十五年七月寥
陽殿成輪奐壯麗視舊有加焉

上聞而嘉之一十八年春詔加封嶽瀆海神命師往攝祠事且奉
香幣至龍虎山即新殿行慶讚禮既畢顧瞻玄壇門闕腐撓漫
漶弗飭弗稱遂廣舊制為壇樓四啓為門七十楹壇之前為拜
亭門之前為碑亭二於是中外閱深金碧交映起一十四年
六月迄二十年十月先徵興作土木之工以一萬計糜錢九十

萬有奇而功始備

上為護以璽書者再玄門盛事十載之光蓋有以示來者師遣其徒吳全節請識興造之蹟于石蓋聞天師之道祖述老子至於精誠感格可以蠲祓災沴屏諸不若其教下為無補于世由漢以來千數百年流傳不絕宗靖康後南北分裂靈山與壞阻隔一隅洪惟

聖皇混一六合遐想真鳳鳳詔賁於巖高龍光敷於玄館其崇尚可謂至矣惟師虛緣葆真適契亨嘉之運必也表崑崙以為壇張璇穹以為宇以道德為榮感清靜為頌藻上為皇家祈天永命欽福錫民措斯世於華胥之域是宮之作特其緒餘耳師

字師漢系出貴溪望族其父九德官至太中大夫同知江東道
宣慰司事云銘曰於皇

有元欽崇至道治本無為化符軒昊漢有留侯赤松是契流芳
葉葉運逢聖世翼翼靈宮衆妙之門誰其新之留侯之孫其
新維何清都紫微載闡闡闡載運璇璣昔弊弗治今也渠渠
瑤壇冰潔紺宇雲舒維師蒞止霞冠朱履佩玉舒徐以歌帝祉
帝庸嘉之載錫恩言師拜稽首

天子萬年節彼仙山龍盤虎踞

天子之祚如山之固沔彼靈川其流湯湯

天子之胤如川斯長九土清寧三辰炳耀

天子萬年誕敷玄教前翰林學士通議大夫江南浙西道肅政
廉訪使閻復謨翰林侍讀學士朝請大夫知制誥同脩國史李
謙書翰林學士承旨通奉大夫知制誥兼脩國史董文用篆額
大元勅賜大上清正一萬壽宮碑

我

世祖皇帝聰明聖知一萬方而帝天下惟聰也故無所不納惟
明也故無所不照惟聖也知也故無所不通無所不辨謂萬方
既一當養民以清靜而道清靜者實老子氏為老氏者無賢於
天師至元十三年宋平即遣重使聘三十六代天師張宗演而
問道焉其道蓋體於玄妙而用貴自然其法蓋翊衛具元而被

除奇表號曰正一教其所祖曰道陵云留侯子房七世孫東漢
末學道於青城山龍虎山者在上饒之西所謂第二十九福地
傳錄宗壇在焉世傳天師煉龍虎丹是山丹成見龍虎因以名
之後還蜀神授印劔經錄使之濟世久而仙去四世孫盛棄官
學天師道復在龍虎始築祠壇世有嗣者唐賜額真仙觀宗祥
符簡易曰上清政和間加上清正一宮留用光易如剛毛允中
張聞詩皆有遺世高行繼主宮事日大以振及是天師奏對
稱旨若合契然者明年制曰其授天師演道靈應沖和真人賜
玉冠縷金法服刻銀印章主江南道教仍刻上清正一宮提點
銅印章復諸宮觀歲無所與時今上鄉張留孫相之以來天師

還山留使從蹕春秋還幸兩都勅凡禱禳輒驗

上嘉異之

裕宗皇帝居東宮无所睹注十五年授浸真崇靜通玄法師從
幸日月山上暴風風止旱禱雨而雨

上愕其神遂加玄教宗師總攝兩淮荆襄道教江南道教都提
點尋勅伯匠為建崇真萬壽宮于兩都授上卿之師李宗老江
東道道教都提點住持上清宮二十四年命上卿戴香幣代醮
龍虎白曲閣皂三山乃新上清大殿元壇壇樓暨三門道出上
既又建萬壽真慶宮上清道士多傷之知宮觀百餘學者殆千
人正一教大行二十五年加上卿總攝江淮荆襄道教都提點

商議集賢院事天師還山後十七年二十四年兩入朝二十八年
秋羽化是冬上卿請以其子與棣嗣主其教與棣朝明年授體
玄弘道廣教真人

成宗皇帝加上卿志道弘教沖玄真人同知集賢院事以其弟
子陳義高吳全節道行俱著授義高崇真萬壽宮提點全節
南嶽提點元年天師來朝同上卿醮于內廷若有靈瑞

上以為精誠所假各賜玉圭寶冠縷金法服玉佩加封一代天
師正一沖玄神化靜應顯佑真君追封三五代天師可大通
玄應化觀妙真人上卿祖師張聞詩通真觀妙玄應真人未
幾天師羽化復請以其弟與材嗣遣全節持冠服圭珮錫命

及來朝

上顧遇甚厚授太素凝神廣道真人授熊貴實上清宮提點李志立上清宮提舉天師歲傳符籙事如舊別刻符籙四印章詔諭江南行中書省毋致不恭者敢於陵撓大德二年上清宮火上卿以聞勅所司與建上卿謂役大民勞奏以大殿元壇三門必仰縣官餘資宮之有所儲者臣與天師以倡詔允遂遣全節同近臣諭江浙省逾年告成為殿十有三曰三清玉皇真風真慶太一璇璣瓊章南斗雷霆五嶽三官旌陽玄壇為堂七曰正壽壽星正紀儀蓬海宿雲方文為樓三曰玄壇鐘寶奎至於厨福庫庫諸亭諸門諸廳事東西寮曰道院者凡三十有一悉

視舊石加加命曰大上清正一萬壽之宮四年加上卿大宗師
全節爲崇真萬壽宮提點初鹽官海鹽二州海潮日怒激附城
岸岸輒圮故去鹽官城不遠扞禦無能爲策鹽官海鹽視浙
西坳若盤盂是或被害則浙西亦海主者懼以聞詔天師至杭
醮于佑聖觀丹書鐵符俾兩州守投潮激所頃之風雷雨電晝
晦既霽有大物魚首龜背龍爪而肉兩翼斃于海隅自是潮道
其常五年天師朝其冬無雪勅祈之刻日盈尺併錄平潮功加
正一教主領三山符籙追封演道靈應沖和真人曰真君號
加玄靜遷上清提舉李志立提點以章似志爲提舉十年授
全節江淮荆襄道教都提點

武宗皇帝以上卿知集賢院事加志道弘教沖玄仁靖大真人全節玄教嗣師崇文弘道玄德真人總攝江淮荆襄道教弟子夏文泳事

今上東宮授崇真萬壽宮提點是歲天師朝加太素凝神廣道明德大真人金紫光祿大夫封留國公追封二代天師太清演教妙道真君三代天師太清昭化廣德真君三代天師虛靖先生虛靖玄通弘悟真君崇真萬壽宮提點義高粹文沖正明教真人至大二年加上卿特進上卿授吳以敬上清宮提點今上語宰臣曰上卿留孫佐

世祖以逮于朕純誠蠲潔衆一口德之上爵崇官每辭於朕

新天永命蓋亦有微可特賜勳號曰輔成贊化加文詠元成文
正中和真人江淮荆襄道教都提點遣使召天師既朝

上顧太保曰天師嗣道他鮮與比余一人嘉之其優崇之典一
視昔者命黜于崇真宮及還山賜寶冠法服銀印章秩一品
詔庇衛其教及名宮觀五十餘所仍以高士董處謙為上清
提舉追號上卿之師李宗老以至張思永七人曰真人授其
高弟弟子徐懋昭葆和崇正通妙真人上卿言始臣受道於
上清宮輔天師入朝歷事

大帝榮顯已極由天師及臣制授主名宮觀者百許人矣上清
宮嘗燬而官又興之臣以鈔若干貫使買田入宮園永教事

用竭報忱然不勒諸石曷以彰

列聖之恩曷以著玄化之盛集賢大學士邦寧大都留守闕閤
台以其言聞詔臣明善為文臣拜手稽首言曰謂天師肇跡
東漢其道傳傳今而益盛然國家崇正一教則自

世祖皇帝始天下大正一教亦自玄靜真君始而上鄉立朝三
十七年若國若家允有效矣今勒碑名山當從實紀敢繫以
詩形容盛事臣續鴻休文曰

皇帝立極儀我

聖祖聖祖武文明出隆古既一四海中立天下惜昔用鉞今皆
赤子毋饑寒之我其安之若烹小鮮孰宗道言曰嗣天師用貴

自然禮聘之來語契

帝心帝心清靜福彼群生振古如今化自北南於昭上卿始由
偕行風神塵表

帝目亦傾曰爾還山留是于京上卿有造一德以老力扶教事
克弘厥道天師三嗣輔今

四朝穆穆玄風邈與天象相彼名山名侈龍虎將作儲材以營
神處梁谿梯巖填坳鑿阻有崇斯宮有煌斯宇像設尊嚴慈
帝清密靈來倏忽敢不虔一英秀林如玉如金如効賢師資庸
對天忱陰茲顯相聖歷猶天

皇帝萬年振爾道玄翰林直學士朝列大夫知制誥同脩

國史臣元明善奉勅撰集賢侍講學士中奉大夫臣趙孟頫
奉勅書嘉議大夫禮部尚書臣郭貫奉勅篆額

凝真觀記

夫嵌空巖幽寥天絕塵之所將皆有仙靈高真翩然而棲息焉
而其廢與興雖若有數焉其間而吾以為存乎其人何也人則
有以神之也信州貴溪縣八十里為天下第一洞天而其山
則世傳謂鬼谷山者也其說以為有戰國權謀之士之所師者
宅乎其中吾讀太史公書則其所謂師者乃在扶風潁川之間
而習其傳者亦疑焉而未敢質於神仙家又以為今真人之先
蓋嘗於此煉丹者焉吾意其未始數數焉耳而其威神所使或

有驅除則幽闇之象固其所耳而世或未之知也而其山與不
南唐保大十一年之記蓋有吳寶華者實始荒之以能山林
而其所謂凝真者又不知其得名於何代也繼以景祐嘉祐之
重修所授之簡猶在見於治平之記則茲山之嘗興盛亦可知
矣中就圮夷莽為榛蕪歎喟之墟惟像設而立真人念其為先
世過化之地也則命吳君與順主君自上清紫微來喟山廢久
銳單楮以起之真人亦相為危工於玄默敦牂竣事於旃蒙作
聖有殿焉者四正之外曰真官曰仙官曰真君有堂焉者四講
之外曰永思曰庫曰厨迎其仙有房賓其旅有舍內翼兩聽制
尊宏深疏泉成池繚以文楸倒景遊鱗搖曳金碧外伉三門面

勢端直兮垣孔修百爾器備翕乎絕矣於是真人嘉之乃鑿石
遺之俾自謁請其爲士者記之吾聞君好脩勇退人也其徒金
應蘭者曠逸甚爾佐是役又有鄭萬休者家故儒也聞君之風
而高之往歸焉乃奉其命徵文於余也余既諾已萬休喜且言
曰觀之外有澗澗之上有亭亦既名曰滌煩矣觀之東有道院
未名也其爲名之余久之曰可名曰天樂萬休益喜余乃言曰
人天地之鬼也天地不人則不神萬物人之鬼也不萬物則
不神故曰鬼神者二氣之良能也保大以前勿論自保大十一
年以後至于今且三百六十九年世於人間者不知其幾矣而
山之蒼翠一日如也而君之棟而宇之金而石之也又適與其

始者之氏不謀而自合是豈偶然之故哉茲山其遂神矣乎
而吾又以為要亦山之願也哉而人於其間者固不願其後
如昔之出沒變化以饜富貴於車馳卒犇之間以累茲山
也亦有滄霞茹栢吐內光華冲昇遐舉如傳記所載之云
云者乎然繇洞之滓涅埃溢飛揚中者觀之則君之祖孫
縹渺上下煙雲日月之表可望而不可即庸非神人也耶
而余於是可以相視而一笑矣余於太史方公一飛夜半徐
登其共論茲事欲遊焉未果時君未入此山也今公已矣
余視一車獨往之願焉而亦未可必之也姑先以筆墨內
余之文以為他日相見之符云耳著雍困敦三月望前後

政即建德府淳化縣令主管勸農使事南豐曾子

良記

題詠

地以人名人因言著紀者兩無遺焉此龍虎山志之有題詠類也唐以來詩若干首得逸者考其時續于下方

唐

絕句

吳筠

道士身被魚鬚衣白日忽上青天飛龍虎山頭好明月玉殿珠樓空翠微

題壁亭洞

皮日休

劉根昔成道諮詢數千年
氈氈被玉體號曰綠毛仙

仙巖六言

王貞白

白煙晝起丹竈紅葉秋書篆文二十四巖天上一鷄啼破晴雲
風呼山鬼服役月照衡薇結花江暖客尋瑤草洞深人嚙丹霞
宋

理宗御製六言

神與道兮為一天與人兮相連苟精守以專密必駕景而凌煙

絕句

王安石

坐下河沙佛母宮面前蹲虎復盤龍重重秀嶽相持護最好雲
臺一箇峰

一灣苔徑引青松蒼石壇高進晚風方響乳竈雲影裏琵琶高
映水聲中

書煉丹巖

無名氏

鶴來松有客
苔去石無衣
黃金浮世在
白髮幾人歸

題渾淪菴

王文卿

龍虎丹成石猶赤
渾淪菴在事皆非
二十四巖雲出沒
料應虛靖有時歸

雜詠二十四首

三教巖

道寓環中本一樞
教分鼎足豈殊塗
三人並坐渾無語
千古溪山會得無

仙倉巖

人間只貯粟陳陳巖裏仙倉閉白雲明日玉塵三萬斛因風持
奉玉晨君

酒瓮巖

手攜北斗酌天漿露濕松花十里香昨夜移書招畢卓江頭共
醉月茫茫

仙棺巖

仙人騎鶴上青天不向人間有蛻蟬千載玉棺飛不動空江斜
日照寒煙

藥羅巖

仙家信有藥長生弱水無舟往未能藥羅巖上秋風起吹下白

雲三四層

丹竈巖

丹熟仙翁白日飛
千年雲月護巖扉
山中野叟相逢說
夜夜靈光屬紫微

鷹架巖

風颺一起令人憶
羽翼才成脫架飛
惟有橫江雙白鶴
月明時復一來歸

杵臼巖

悟道曾聞杵作針
功多米熟洞門深
黃梁不似青精好
底事堪鄠午夢沉

轆轤巖

天含霞開金井曉山中風引玉繩秋長江萬古吸不盡斷岸夕陽飛白鷗

仙床巖

仙去床空洞不扃細雲輕霧掩山屏如何秦華峰頭月却照陳搏睡不醒

棲真巖

仙凡相去幾千丈月戶雲牕在眼中我欲尋真不知處碧桃花落滿巖風

仙耒巖

雪晴雲散海光迷
二月東風暖透時
我有瓊田三萬頃
呼童耕
兩種靈芝

龍虎石

龍虎丹成紫氣開
空壇高石踞崔嵬
何人長嘯孤峯頂
引得風雲動地來

雲錦石

五色高張錦一機
天孫織就寄馮夷
并刀不敢輕裁剪
鋪向江頭照綠漪

仙桃石

鸚鵡飛過瑤池水
瑤池桃熟亞紅煙
鸚鵡銜桃墮山上
等閒風

日九千年

屏風石

雲母屏風在九天
瑤池昨日會群仙
坐中醉客東方朔
推墮山前障碧煙

排衙石

仙官仙仗一時排
白鶴前迎紫鳳推
把酒方平留一宿
明朝款款按蓬萊

鷄籠石

群鷄天上食琅玕
遺下樊籠與世看
幾點青山如聚米
不知何處覓劉安

香爐石

鳳凰鳴下朝元路傳道三天降勅書
按上金爐宣賜與曉風吹動紫煙虛

碣石

碣石撐空插翠煙石尖樹與碧霄連
夜深紫氣三千丈疑是張華劍倚天

鬼谷洞

洞裏天寬洞口微大車高馬到應稀
先生肯把神仙說只教蘇張佩印歸

壁魯洞

神虎竒書太白藏金函曾此發龍章綠毛仙子歸何處野草幽
花滿洞香

水簾洞

聚成片玉散成珠一道簾垂古洞虛暮暮只憑新月挂年年長
向白雲舒

望仙峰

鳳笙聲徹綵虹橋手把芙蓉步玉霄陰火海波相蹙合蓬萊方
丈信非遙

遊龍虎山

陸九淵

天山高數百丈上開園池美林壑千萬狀山西有龍

虎蟠霞耿相望寒清漾微波暖翠圍層嶂天光入行舟野色隨
支杖吾嘗二三子幽賞窮清曠引興谷雲邊題名巖石上碧桃
吹曉笙玄鶴驚春帳一笑詠而歸千年應可尚

題上清宮

白玉蟾

五日連陰霧雨昏驅車應有北山文漸無吏部回天筆為我重
開壘躡雲

石溜涓涓水脉長野田冉冉繡花香相迎誰似山雲意更借松
風十里涼

題清通菴

一春盡欲銷去盡歸空飛瓊瓦聲靜野鳥無心一春曉散花有

意四時兼整開風日長生地占符集教不老身
後不知丹訣付何人

題仙巖頂

秋風作寒冷煙鎖住屋頭山半巖飛鳥一聲過
雲千古開世俗不知幽靜處神仙隱在有無間
夜來小艇曾分手醉把霜筠入翠樽

宿清

洪邁

振策衝暮雲携琴宿仙境松風生夜涼蘿月散秋影
洞遠落猿聲溪清明鶴頂中宵夢仙翁乘魚停翠嶺
獅子五色光燦爛
五石引上有珠幢幢金字不可省
風吹雨過顧我忽而增

以丹篆文再拜諮心領明當謝浮榮飄然從結軫

宥孔楚雲丹房

湯漢

天師煉丹時丹鼎見龍虎丹成天師去龍虎名萬古溪深松杪
風山明夜來雨雨後丹鳳鳴風前黃鸝舉

野雲孔高士話龍虎之勝於其行詩以寫之

葉道

群嶂倚天傍四環中峯受拱低伏蹲雲錦交流紫團外却注彭
蠡如傾奔漢仙已去丹竈冷令代符行妖鬼靜孔師何事亦逃
儒為愛水林雪蒙頂我居無山冬不雪只受虛空滿輪月子能
作意肯重来更待牆東筭堪掘

宿孔唐叟隱居

趙汝回

撥冠碧玉簪樂道住山菴自說先夫子曾經學老聃墨香研菊
露酒綠映松嵐清夜彈琴處遙空駐鶴驂

道番易登龍虎四言

江萬里

瞻彼高山蒼蒼相繆雲舒霞張谿谷險幽鳴鶴在樹猿猴啾啾
青松多風白露已秋仙乎曷之胡不少留

秋日懷鬼谷凝真觀

曾子良

獨往因循願未酬冷然善我此時遊松聲夾道雲歸洞竹影平
池日漾秋古井能知興漢事清泉欲洗說韓羞山中老宿應無
恙聞說端居甚好脩

遊演法觀

蔡南老

馬蹄踏殘雪細路穿榛叢
雲埋山骨冷日落村市紅
松間有樓觀興創基址隆
年深屋已老破壁號悲風
堂堂髯道士電光閃雙瞳
胡為赫斯怒哆口如虬龍
傳是漢法師家託一畝宮
當年信英偉霹靂在手中
劍間秋水溢鬼穴蒼苔封
雲車已遼邈第宅猶穹崇
我來壯其說舉酒豁心胃
嫉邪師所尚憤世我亦同
令人甚於鬼一正百邪攻
天關呼不聞此輩尚苟容
英靈倘可致速為除奸兇

大元

遊仙巖

盧擎

南山採藥北山碁把斷闌風天不知試問龕中三三子爛柯人
是向來誰

沽酒壚邊織女機雲牕月戶是耶非獨憐瘖絕觀瀾者不解相
招上翠微

擬作山中半日留蓬萊清淺不勝舟何當醉挾飛仙去徧倚釣
天十二樓

萬古仙巖兩羽衣一瓢秋水送將歸欲知後夜相思夢月滿空
江鶴與飛

題靖通菴

焦養直

孤亭踞巖隈石徑盤崎嶇重崖多古木山鳥時自呼憶昔虛靖

師仙隱寄一壺丹成忽脫去玉鳥留雙其老鶴久不歸青山空
故居獨餘菴前竹綠陰滿庭除我來當盛夏脫巾憩須臾山空
萬籟息境靜心自虛明月入我懷輕風飄我裾頓疑今日我非
復向時吾回頭人間世天地真濛濛

續編題詠

遊鶴歸亭

趙孟頫

仙去人間有故亭，四山林木鬱青。隱居真訣傳千古，玉局丹
文後萬靈。白鶴歸來人換世，黃雲翔集夜光庭。步虛聲轉松風
響，思掬岩泉洗耳聽。

大明 次松雪翁韻二首

東吳韓雍

仙子飛昇在此亭，幾多仙迹寫丹青。旌陽蛟斬非無術，句漏丹
成信有靈。引鳳尚傳吹紫竹，籠鴛曾請寫黃庭。至今談起成
真訣，龍化人來側耳聽。

龍虎山東一慢亭，昔人曾此禮空青。尋真不用窮三島，演法頻

煩拱百靈煉就丹砂出塵世已騎黃鶴上天庭
我來假榻清無限萬壑松風枕上聽

遊草亭

姑蘇陳才

白雲深處草亭閒環拱千山與萬山琪樹古壇起物外桃花
流水異人間尋真不用蓬萊去說法應從黍米還何日投簪
來此地學脩大藥駐朱顏

仙人遺迹自空亭山色依然只廢青萬物靜觀無俗累千年可
護有山靈丹還伏火留真訣珮拂天風集廣庭我欲倚闌吹鐵
笛恐驚潭底老龍聽

為壘雲山一草亭亭前石徑蘚苔青久鍾秀氣誇天造猶

發丹光顯地靈仙客定應居洞府世人空自望三關
得消塵慮滿耳松風最好聽

次前韻

三山高旭

王事驅馳未得閒每因便道過茲山崢嶸樓閣丹青裏迢遞
峰岫紫翠間門外風生神虎伏洞中雲暝雨龍還尋常勝
槩那能比一度登臨一解顏

上清宮上一幽亭脩竹千竿入望青題字儘多名士筆移
文何假北山靈舊廬年積茅重屋新甃春生草滿庭惟
有步虛聲不絕晨昏猶徹下方聽

龍虎山中一草亭構亭人去草長青百年基址渾無恙歷代

仙蹤信有靈風景迥超凡世界雲梯近接上天庭羽流邀我
來登覽具說前朝事可聽

遊上清宮

弋陽李奎

持節遠辭丹鳳闕乘驄今過上清宮千層樓閣無塵到
萬疊雲山有路通瑤草含烟依砌綠琪花浥露覆闌紅仙岩
竟負遊觀約更在蓬萊第幾峯

遊上清宮

會稽韓陽

上方勝境異人寰玄教宗風不易攀
清溪如鏡水峩峩
高岫似衡山自慙竊祿叨微職安得從師問大還
偶向仙房分半榻恍疑身近
五雲間

三說仙翁草結亭高前七十二峯青嶽知水秀山逾秀當識
人靈地亦靈暫駐星輶遊紫府因逢羽客寓黃庭夜深鶴
唳松梢月酒醒丹房枕畔聽

遊上清宮

張居傑

山盤龍虎護蓬萊間訪玄宗拜玉臺琪樹瑤花相掩映青鸞
白鶴共徘徊靖通菴裏求丹藥環慶堂前坐石苔枉沐
真人出天府瓊漿滿泛紫霞杯

次松雪翁韻二首

吳蘇項璉

竹外翛然一草亭數椽元不廢丹青爐中火活丹猶在澗底
龍眠水自靈白髮仙翁騎白鶴黃冠道士誦黃庭此中境

界真非幻松籟泉琴坐卧聽

一上仙家舊草亭群峯爭敵佛頭青雲中鷄犬三山近石
上萑蒲九節靈琪樹陰陰聯几席紫芝醫弱護堦庭真仙
夜半朝元去環珮珊珊月下聽

再遊上清宮

上虞張居傑

蓬萊深處絕塵寰翠翼幽亭積翠間五夜月明松露冷三
春花落雨苔斑寧無玉女吹簫下應有仙人化鶴還此日登臨
清意足洒然心與白雲閑

羽化千年一草亭雲和樹色讀空青陰陽交媾丹砂熟龍
虎曰蓋地勢靈鶴取翻凌紫府芝英燁產中庭飄

兩袖清風至隔水松篁重好聽

再遊上清宮歸鶴亭

姑蘇陳述

昔人騎鶴別雲亭影入冥冥太極青
華表歸來非昨夢瑤臺飛去是仙靈
共許桃熟千年實不比苔荒百畝庭
前度曾遊今復到洞簫每向月中聽

再遊上清宮

溪頭流水泛桃花
花落花開幾歲華
九轉有丹延日月
一塵無染閉烟霞
路經洞裏神仙府
春在山中宰相家
莫道蓬萊人不到
老子兩度駐星槎

斷是駐皇輅
謁上清白雲
邀我入山行
尋真何必求三島
覽

勝渾疑到五城金鼎夜寒龍虎伏玉樓春暖鳳凰鳴祥刑再
祝年豐稔鞏固

皇圖樂太平

和歸鶴亭詩韻

東崑趙博

名山下搆茅亭亭外森森萬木青鷄犬聲中無俗迹烟
霞深處有仙雲千峯聳日齊蓬島一水連雲過洞庭笑我
宦遊登此地紫簫吹月與誰聽

再和歸鶴亭韻

會稽思庵韓陽

白雲深處結還亭外青山萬古青殿閣層層尊法像峰
巒聳上護仙靈駭鷲駕鳳遊蓬島馭氣乘風上

帝庭露滴松梢明月夜數聲應許客來聽

再遊上清宮率成

前人

浮名祿_之嘆無緣不到山中已四十年養就鶴鷄丹秀頂種
來松樹翠參天白雲萬頃塵無染紅日三竿醉任眠倘許
投閑分半榻重遊林下聽談玄

和歸鶴亭韻

泰和尹直

星輅暫駐上仙亭四面山光入石青火伏_之鑪丹尚在玉
遺芝圃地偏靈曾聞化鶴歸華素_之說乘鶴過洞庭
信是神仙無覓處步虛空使世人聽

和歸鶴亭韻

四明周翔

驄馬行春最上亭山屏疊樹青手攀星斗知天近足
躡烟霞竟地靈雲煖松花迷古洞風清挂子落殊庭夜
深賸有羣仙會一派鸞笙月下聽

白雲深處結茅亭四面峯峦入座青寶鼎虹光藏石髓玉
林龍氣泣山靈碧桃花發春回洞瑶草香生雪滿庭一自
仙翁歸去後空虛聲裏許誰聽

和韻

慈溪劉維菓

幾度登臨駐此亭山環龍虎聳長青丹成人去尚遺跡
鬼護神呵因有靈天籟鳴時歸白鶴泉琴響處雜黃庭
道高德重千年事豈是途言與道聽

進龍虎山志表

臣全節言皇慶二年三月辛巳臣全節詣集賢院言信州路龍虎山前奉

勅重作大上清正一萬壽宮成有

旨以其圖來上臣全節謹已封上山圖請具錄為志大保臣曲出集賢大學士臣邦寧以聞

勅翰林侍講學士臣明善編述龍虎山志志成以授臣全節者臣全節竊惟茲山邈在江左實神明之都宅人物之奧區道德之家發蹟自漢以世相授承流至今然而傳聞異辭記載無法雖有名勝隱鬱弗宣風氣之宜理若有待臣全節誠惶誠懼

頓首頓首

皇帝陛下有相之道無為而成曰清淨以臨民本玄元之為教自祖宗繼承之際蓋上下四十餘年嗣天師臣與材子弟父兄傳緒者三世大宗師臣留孫出入

禁近承

恩者

四朝施及微臣嗣陪

秘祝香火瓜華之盛衣冠章綬之崇

推恩上乃其私親

錫命旁加其弟子其為榮寵可謂至矣而

聖眷深重欲其傳遠與山無窮乃因圖上於新宮爰俾更修於
別乘詞臣涉筆方冊成書雲漢昭回衣被草木雷風鼓舞發揮
山川垂之久長信在金石夫周官職方之載泛及於方隅漢家
封禪之書徒詳於祠禱未若斯志專而不誣且全節感激
遭逢誓言報稱幸一經於

皇覽得藏副於名山益振玄風少裨

至治其龍虎山志三卷謹繕寫裝成四冊隨表上

進臣黷犯

宸嚴無任惶懼激切屏營之至且全節誠惶誠懼頓首頓
首謹言

延祐元年四月

日玄教嗣師總攝江淮荆襄等處道教

崇文弘道玄德真人臣吳全節上表

龍虎山志續編卷之一

勅 授 贊 教 杉 山 周 召 編次

山水

山水事蹟表

天地之氣交而生萬物易之泰天居上者今其氣下降地居下者今其氣上升故上下交而為泰萬物生君子進二氣相交之効也天下名山大川往往顯而不墜者三光五嶽之氣交萃一區隆然若構者山蜿蜒若抱者水神靈產聖哲生為軒天地事業以匡時顯後莫非是氣之所為龍虎山啓乎漢隆乎宋大成乎元而至我

國朝輝光益著尤為得氣之厚因續先正所錄放班固西漢書為山水表以章其未錄後之君子繼而葺之庶垂不朽云
周召書

祖天師鍊丹巖

水簾洞在龍虎觀北祖天師濯丹之泉也洞之絕頂天師鍊大丹之所上有丹池天師萃日月交光之氣升成而冲舉宋祥符中嘗醮觀中中官為層構攀援而上得遺丹還汴上服之疾愈永樂十年

太宗皇帝不豫遣中官命四十四代天師醮為中官放宋臣故事登舊所仍獲遺丹數粒并壘水而進

上服之立愈

轆轤岩

仙巖元翰林之迹備矣舊轆轤岩懸縉置汲水器於外洪武中武士遊覽授弓射之矢發而木罌收矢至今猶覩其半焉

木屐岩

木屐岩洪武間有一道者服草衣携屐數十兩人演法觀市之主觀憐其貧與之坐而飲食之因遺屐一兩謝之出錢市其餘不應既而失道者所在主者得屐九登山歷險若履平地一日為牧童竊屐歸家童母垂足躅之足

未及履而忽覩雙鴿飛起母子視鴿失履所在乃知市履者岩中仙也

龍王井

井泉泓渟廣數十丈方稱之深洞澄澈永樂丙申

初四十四代天師建醮上清宮中官洪寶陸 同天師

往謁於井山行險陡若有神助及井祥雲四布煩暑清絕中官請天師召龍見之須臾烈風撼動山谷井泉湧出龍見井上高數十丈光彩燭天聲聞數十里衆懼莫敢仰視叩頭請天師納神龍於井天師噓氣命之忽失所在中官

具本畫圖呈 造

沂溪

沂陽溪橫界府第之南水自閩中來至是益清而甘府東一里有潭曰蓮霞深不可測舊傳以為與龍王井相貫通然深廣而渚宜為水族所聚而羣魚數十萬乃聚於府第之南早午晴明必群聚而居大者或至如舟小大次叙而列北首而朝若是者必踰時而後圍之洋人驅之不動永樂丙申

命中官齋鈔十萬市魚育之命名曰放生百萬溪潭至今魚族益盛雖洪流蕩溢散而輒聚人皆以為有神護焉

宮宇

宮宇續編表

古者無宮室生民土居而木處聖人為之宮室所以在其
身使毋墜乎顛危也後世崇榱桷題以大夫而至山節藻
稅者矣以諸侯而至崇臺九仞者矣至於敬

天事神則反陋於所居者有焉此禹之菲飲食卑宮室而
致孝乎鬼神非此謂乎漢而下君國者以為二氏所奉皆
上下神祇其居宜廣其構宜壯故一切容之而不禁亦歛
福錫民之一也上清宮天下名山之首道之宗主在焉宋
元以來歷蒙勅建兵燹不加而風雨攸除然歷歲之久
不能不自弛墜故

龍虎山志續編

勅

封賛教杉山周召 編次

志書自吳大宗師表請大元命名臣編成刊行于世
歲久磨滅僅存其二三然天師世系及山水人物顯
晦事蹟歷元迄今又增而不錄者不可勝紀謹拾叢
舊本為上中下卷不動而天師始末則增而入舊
本之末其它若張上卿吳宗師而下漏而未入者
及元以後人物事蹟不可復入于元翰林明善之本
者別為一卷名曰續編以附于後善繼志者後當以
此例增其未來庶乎名山大川事蹟光顯於天下者

將與日月同其明流傳於兩間而不自息者將與天地
同其悠久也

大元勅賜開府儀同三司上卿輔成贊化保運玄教大宗師
志道弘教沖玄仁靖大真人知集賢院事領諸路道
教事張公碑銘 并序

翰林學士承旨榮祿大夫知制誥兼脩國史臣趙孟頫
奉敕撰并書丹篆額

世祖聖德神功文武皇帝受命上玄混一四海拔豪傑
異材以自輔翼翼蓋不惟處之將相大臣時則有若開
府儀同三司上卿輔成贊化保運玄教大宗師張公則

以方外顯矣公諱留孫字師漢系出文成侯至唐之
宰相文瓘之子孫始居江南其分居信州貴溪者世
為士族公生宋之季年因從伯兄聞詩學道龍虎山
上清宮受黃帝老子之書及正一符籙祠祀天地百神之
法羽衣高冠脩髯廣頰狀貌甚偉有相者過之曰異
哉貴人七分神仙三分宰輔也歲己未世祖軍武昌已聞
嗣漢天師張宗演名聞使通問及得江南亟召之從其
徒數十人以來皆美材奇士上獨目公而備之於是宗演歸
而公留及人見有錫子上時召問因及虛心正身崇儉
愛民以保天下之說深合上意裕宗在東宮寢疾上以為

真愛說公往護視疾尋瘳上悅上幸日月山昭睿順聖皇
后又寢疾上命貴臣趨公禱祈以其法中宮夜夢髯
神絳衣朱轂行青草間介士白獸擁導以問公公曰青草
生意也明疾以春愈果然后後公求所禱神像禮之見畫者
與夢契益以為神乃詔兩都各建上帝祠宇皆賜名曰崇
真之宮併以居公賜平江嘉興田八百頃大都昌平栗園
五千畝給其用而號公曰天師公曰天師有世嗣臣不可稱
天師於是以宗演為天師別詔尚方作玉具劍刻文曰大
元皇帝賜張上卿佩之號曰上卿文教宗師總攝道教服
寶冠金織衣裳玉珮珠履執圭以奉祠事即家起其父

九德為信州治中佐郡以恩謹聞超拜浙西宣慰同知又改
浙東以便家進其高第門人皆給館傳車騎行幸無所
不得公或留禁中至夜即輟乘輦使歸導以衛士雖固
卻不聽也上曰古者天子皆親處方獄今海內初定恐勞
民上卿其乘驛馬五十以代朕行是時上亟欲周知遐迩
搜訪遺逸故以近臣介公而勅宰相百官祖錢國南門外
還朝多所奏薦上籍其名聘為擢公商議集賢院事
初集賢翰林共一院用公奏始分翰林掌詔誥國史集
賢館天下賢士以領道教置道官及宮觀主者給印視
五品為其道者復徭役或以道家書當焚上既允其奏

裕宗以公言請曰黃老之言治國家有不可廢者上始
悔悟集儒臣論定所當傳者俾天下復崇其教而嗣漢
天師之傳自宗演至于今凡四世皆倚公論建矣會廷議
開通惠河未決呂問公公曰河成誠便利願勅有司毋重
傷民可也武宗仁宗之始生也上皆命公擬名以進仁宗五歲
時譯為堯文今廟諱是也上將相完澤命公以易筮遇
同人之豫公曰同人柔得中而應乎乾豫利建侯象為君
臣咸吉誠相完澤天下幸甚明日拜完澤右丞相上不豫
諭隆福宮曰張上卿事朕歲久終始一德宜令諸皇孫
尊信其道又諭公善事嗣皇帝云未幾上崩成宗歸

自潛邸隆福太后遣重臣從公郊迎行至公下馬立道左
上令就馬且語之曰卿家老君猶尔睦耶意謂焚經後道教
中衰也公對曰老君今當覺矣上悅車駕屢親祠崇真
勅留守段益真買民地充拓其舊期年訖功上臨落成
明年有星孛于正北詔公禱之公奏曰臣聞人事失於下
則蕃異見于上願陛下省躬修德以祈天也上曰卿戒甚
至朕不敢忽未幾兩都及河東地震又命公禱之公曰
今命臣祠上帝徒取故事受辭於有司臣竊為陛下懼
上曰卿言是也朕之一心天實監之賴卿祀祠以達之尔遂
禱于崇真有白鶴數百翔集中庭詔文臣闕復等作

頌刻石上嘗御便殿命公進講南華經公推廣成子語
黃帝之說上感歎加特賜上卿玄教大宗師以公生日賜玉
冠上尊良馬隆福宮中宮皆有錫賚自是歲以為常
興聖太皇太后還自懷孟以公先朝舊臣加礼尤重武宗
踐祚陞公大真人知集賢院領諸路道教事尋加特進封
其三代皆一品以其兄弟之子二人備宿衛命其弟子吳
全節為玄教嗣師文宗雅好文治嘗從容召公論道公
曰聖人至德保体清靜則永壽萬年庶類以成而天下
自治是時文學之士並進而公言最為簡要矣加號輔成
贊化保運玄教大宗師勅將作院刻玉為印文曰玄教大

宗師印以賜公上御立加禮殿謂宰臣曰知朕有耆德之臣
乎張上卿是也皆對曰誠如聖言明日加開府儀同三司
封其弟子七人皆為真人其四佩銀印以宣命者十二人贈
其祖師八人故弟子二人皆為真人加贈其曾祖宏綱曰集
賢大學士光祿大夫柱國謚安惠祖粹夫曰金紫光祿
大夫大司徒上柱國謚康穆考九德曰開府儀同三司大
司徒上柱國謚文簡皆封魏國公其妣皆封魏國夫人
其從子在宿衛者皆授四品官公年七十詔圖其像命
孟頫贊之曰道德之全玄之又玄時而出之溥博淵泉其
動也天游其靜也自然入皆謂我智而我初無言人皆

謂我貴而我不敢為天下先贊其化育而不居寶意
儉以乾乾數位三公揖萬乘獨立乎方之外而坐
閱乎大椿之年微臣作頌承命自天穆如靖風萬古
其傳

右碑銘勒石見存薊溪治南二里刻石作屋周垣
皆就石成之碑高三丈隆然屹立過者皆睇觀焉
每三年雷雨輒下為之洗滌故雖歲久苔蘚不
萌而文翰益著蓋亦上卿靈爽在帝左右之驗
也大丈夫寓迹方外際風雲之會依日月之光照耀
先後炳然不朽千載一時之遇也

開府儀同三司上卿輔成贊化保運玄教大宗師
知集賢院事領諸路道教事張公留孫墓銘

前奎章閣侍書學士翰林侍講學士通奉大夫
知制誥同脩國史虞集撰

至治元年十二月壬子開府儀同三司上卿輔成贊
化保運玄教大宗師知集賢院事領諸路道教事張
公卒于京師年七十有四明年三月辛未歸其喪于廣信
之貴溪將以辛月日塋于南山之月嶠先事其弟子和文
德宗仁法師提舉大都崇真宮薛玄義以事狀致玄教嗣
師崇文和道玄德真人吳全節道教都點元成文正中和真

人夏文泳之言曰維玄教本始于我太宗師今承嗣之重誠
不敢忘維太宗師有道行願刻石宮中以著無極謹按公諱
留孫字師漢姓張氏其居貴溪自高祖戡始上遡唐宰相
文璿十七世公生有奇質長七尺餘清峻端重廣頰美須
鬚音吐如洪鐘客游四方見者目之相者曰此神仙宰相也
越伯氏聞詩學道上清宮江南內附嗣漢二十六代天師宗
演入朝公在行世祖皇帝見而異之召與語稱旨留侍左右
給粟餼共帳後行幸上祠懋殿裕宗皇帝以皇太子侍風
雨暴至衆駭懼詔公禱之立止上幸日月山昭睿順聖皇后
廟甚詔公禱之即有奇徵病良愈自宮禁邸第大臣之家

皆事之如神明上命公稱天師公言天師嗣漢張陵有世系
非臣所當為乃號公上卿命尚方鑄寶劍刻文曰大元皇
帝賜張上卿兩都皆作崇真宮賜園田命公居之號玄
教宗師佩銀印用公奏以宗演天師號真人掌教江南分
集賢翰林為兩院以道教隸集賢郡置道官用五品印
宮觀各置主掌為其道者復之無所與上用言者焚道
經裕皇以公言入告上為集廷臣議存其不當焚者而醮
祈禁祝亦不發嶽瀆既皆在天子封內即使公徧祠名
山川訪問遺逸給驛馬五十從以近臣百官餞之國南
門外比還所薦論上皆以名召用有司議開河京城以

便漕者未決上召問公乃可其奏大臣聞公論傷財害民
之故乃至躬負畚鍤以為民先至于今便之公非洗沐不
得遠去惟幄每出暮輒敕衛士載腰輿歸公是時天下大
定上思與民休息公日論黃老治身清靜在宥天下之說
深契旨意上將命相召公以周易筮用完澤得同人之豫
公曰同人柔得位而應乎乾君臣之合也豫利建侯命相
之事也願陛下勿疑完相遂受遺輔立身係天下之托者
十有餘年誠繇世祖之聖宗社之福然與聞贊決之密事
亦重矣是以世祖末命以公舊德屬隆福宮而隆福太
后又以上意諭公善享嗣君也成宗皇帝身履太平之盛

或意天人之際以持保其盈成謂道家醮設事上帝甚
謹既尊信公則命為之如其方於成宗之世幾歲修之內
在仁智殿延春閣外則長春崇真兩宮上常親祠其上
童皆親署御名每盡七日乃罷致白鶴翔集之應史臣頌
之然而星孛水旱地震之禱公猶以脩德省政之事懇
為上言之則非徒禱矣加號玄教大宗師同知集賢院道
教事又加特賜上卿武宗皇帝即位公每入見上望見亟
召賜坐時興聖太皇太后在東朝仁宗皇帝在東宮並
待以優禮加號太夫人知集賢院事位大學士上尋位特
進武宗仁宗之生也公皆受命世祖為製名與聖宮記其事

是以贊書及之進講元子東宮推明謙讓之道及仁宗在
御猶恒誦其言上嘗坐嘉禧殿顧謂大臣近侍曰累朝
舊德今為誰乎未及對上曰無踰張上卿矣進開府儀同
三司加號輔成贊化保運玄教大宗師刻玉為印曰玄教大
宗師印上手授公曰以此傳玄教之宗公年七十上使國工畫
公象詔翰林李士丞旨趙公孟頫書贊進入上親臨視識以皇
帝之寶以賜公生日是日賜宴崇真宮敕宣徽使光祿
卿親致酒饌教坊備樂伎宰相百官咸與而興聖宮
中宮皆有加賜明日公入謝因奏曰臣以山林疏遠遭遇列
聖恩寵顯榮於臣極矣深懼滿盈願乞骸骨歸不允

今上皇帝禮過一如先朝重賜匾書護之公年祿高感上
知遇未敢求去竟卒京師卒之日召弟子入室戒囑百十
言端坐而逝三日始斂顏面如生手足溫軟輕若委衣
事聞上震悼遣使賻贈以禮興聖宮中宮使者繼至
自達官以下傾朝虛市來會笑莫不悲慟及出國門
送者填擁接于郊畛亭午霏霧翳日冷風肅然林
樹野草人馬須鬣車蓋衣帽簌成冰花縞素如自京
師至其鄉水陸數千里所過郡縣迎送設奠不約而集比
四方吊問之使至至治喪致客未有若此其盛者於戲世祖
皇帝既一海內盡得其豪傑而用之至元中群策盡屈用

集大成謀略商計武勇工藝之臣與公並立於朝者其
遺言成蹟之存或遠矣而公巋然乃獨至於今於是神
孫聖子繼承者五世矣四十七年之間大臣拜罷親近用
事者更迭出入其善者固已至其子若孫若曾孫彼紛
起滅於忽焉之頃者又何可勝計天師神明之家也公為
奏其子孫之傳亦既四易况其它哉而公以一身對之
無一日之渝改其於斯世何如也盖嘗見公以高年甚尊
貴每入朝大官貴人或迎拜如事其父兄而公之接士雖
極困約者不為教慥累聖命公服皆範金為冠集重室
以飾直萬金織金文為衣裳佩綬劔履貫絡珠玉而公常

服取其澣漱上尊太官之餽時致日備而食飲不逾
中人朝廷有大謀議必見諮問其採時拯物常密幹
於幾微未嘗以為己功所薦用排解皆死生榮辱之
大故而未嘗以語人其高第門人多聰明特達有識
量材器可以用世而退然奉其教唯謹師友之間雍
雍恂恂如古君子家法然則公之道德其可以淺近議
哉公既貴曾祖宏綱累贈集賢大學士光祿大夫柱
國謚安惠祖粹夫累贈金紫光祿大夫司徒上柱國謚
康穆父九德太中大夫同知江東道宣慰司事累贈開
府儀同三司大司徒上柱國謚文簡皆封魏國公公嘗

以兄子榮祖弟子熙祖備宿衛後榮祖以郢武路同
知贈其父庚孫祕書少監熙祖以衢州路同知封其父廣
孫玉山縣男而張氏稱魏國世家矣公之祖師八人以公
故皆贈真人事見傳宗碑故弟子十人其二人為真入今弟
子五十四人以宣命者十六人以天子之璽書命者三人佩銀
印者四人公在集賢時集嘗忝論撰其館敢志而銘之
銘曰於赫世祖受命維新建德興能以遺後人何文不揚
何武不試靡時邁疇克永世侃之張公玉色長身疑其
冠衣作帝外臣小大有位瘁躬課効我則無為作宗玄教
日皇宣明塵波不驚我柔百神佑命集成穆之成宗肅

肅武廟歷資保赫具仁考之詔道雖實師貴同孤公彼有
成虧我無汙隆盛德不匱寵亦隨至世多富榮安守
孰儼四十七年坐觀物遷譬諸逝流其來源聖皇御
極壹是我顧不敢寧老棄凝儀去迴光斂英飄風流
靈徑來參乘陟降頌庭列聖在天墜于孫子公在左
右申錫純祉大江南東阜崇液醮外神返全有識其封
皇錫篆玉宗傳之守尚俾來嗣與國長久

皇元勅賜河圖仙壇之碑

前奎章閣侍書學士翰林侍講學士通奉大夫

知制誥同脩國史臣虞集奉勅撰文書字篆額

今上皇帝以特進上卿吳公全節年七十用其師故開
府儀同三司神德張真君故事命肖其象詔宰臣
制表讚以寵之賜宴於所居崇真萬壽宮近臣百官
咸與大合樂以饗盡日迺已既拜賜公坐于承慶之
堂呂門人弟子而告之曰吾在髫鬣志翔寥廓稍長
學道弱冠後先師謁世祖皇帝遂留不歸五十年間以
天子之命祀名山大川東西南北輒述咸至一遇泉石之勝
輒旁皇欲留而不可得而老父母被寵光封鄉國高
年偕老時優詔使歸為壽而我曾不能晨夕在側
吾終身之不安者也今老矣為我圖善地必吾父母之

望是近庶体魄有所依焉則我之志也小子識之於是命
弟子李奕芳歸饒而求之明年得地於安仁縣去饒國
公之墓左數百步其山曰河圖之山書以圖來公歎曰吾
昔聞諸異人云河圖八卦也今人所傳河圖蓋五位相得
而各有合之旨也儒家頗駭其說然即卦以指示先天
位數吾得金丹之旨焉故宋江東謝公枋得得其說而隱
去世祖力致之在道不食數十日而神氣益完迫授以官乃
化去吾受其書而藏之今得山曰河圖告我之兆久矣廼
命作石壇據風氣之會將以棲神焉則又歎曰余平生
以泯然無聞為深耻每於國家政令之得失人才之當否

生民之利害吉凶之先徵苟有可言者未嘗敢以外臣自
說而不盡心爲而恩賚之厚際遇之久則有非人力所能
至者矣其從子集賢待制善宥竊知公之意錄其平生之
事略已成編會善卒公讀其書而感焉迺遺書江南以
告集曰吾蚤歲猶得見國朝諸大臣及宋之遺老逮其
中年公卿之重士大夫之賢且仁者無一人吾不見焉覽觀
四方逝者如水知心之友其文可以傳者莫若清河元復
初氏而云止亦已久矣區區之迹他日將何所託乎人生不可
期相望數千里子必爲我著仙壇之記使千載之下猶或
於此乎知之則亦故入之情也夫乃爲次第善之所錄以遺

吳氏系出太伯為吳子之國子孫散處吳楚間以國
氏其在番者為番君番之吳皆宗番君矣其居安仁右龍
坡居士請岳者墓在貴溪前金之曾原其高大父也世居
壽樂山屋於磐石之上故宋咸淳己巳有泉出東楹之礎
潤液之理脉直如黃繩上升梁間達于西楹乃生靈芝
光彩映日久而不壞是歲十一月七日公生丹光盈室生七月
而能言其父抱著膝上因坐假寐夢神人告之曰高仙托体
君家塵中不能留也四歲能誦詩七歲其叔父教之日記
千言十歲從其兄游乎仙巖之下慨然有遺世之意十三
學道信州路貴溪縣龍虎山大上清正二宮之達觀堂

之尊師李君宗老嘗有異徵得公而應焉臨川有雷空
山先生者隱居種湖之上深明易老以其所學著為成書
公往師焉他學者莫之及也李君闢舍延致雷先生而公得
以專受其業雖休沐不出每得新瓜果之屬必即以歸獻其
親無有曠闕十六度為道士於其傳系則居何君恩榮之
次國朝初得江南嗣漢三十六代張天師宗演入朝張公留
孫在行奉勅習禁近始賜名上卿其後位特進開府儀
同三司玄教大宗師者也至元十四年作崇真宮以居之廿
四年開府徵公至京師公辭其親別龍坡君之墓新墓田
之合以行是年得入見廿六年奉詔祠南嶽廿八年奉詔後

關府徧祠嶽瀆諸山川廿九年賜崇真宮田於浙西公奉詔
宣諭江瀾行省三十一年成宗皇帝自朔方還纂大統公從
開府率其屬北迎召見賜公古琀玉蟠螭之環一有旨設
醮于上都壽寧宮五晝夜公專主章奏特勅命公每歲
侍從行幸所司給廬帳車馬衣服廩餼著為令元貞元
年制授公冲素崇道法師南嶽提點二年奉詔祠中嶽淮
瀆南嶽南海大德元年奉詔祠后土西嶽河瀆二年制授
冲素崇道玄德法師大都崇真萬壽宮提點三年大上
清正一宮灾公奉旨與近侍馳驛命江瀾省臣更作之公請
與宮之士各以私財佐有司之不及四年命有司作三清殿及

門觀節廡于崇真宮設醮慶成上齋而臨幸賜開府及
公黃金白金重幣有差五年公奉旨召嗣漢三十八代張天
師與材過揚州為守臣禱旱雨至京師為達刺罕丞相
哈刺哈孫王禱旱又兩八年公父母年皆七十公奉旨降御
香于江南諸名山賜對衣上尊為其親壽于齊老之堂
九年作崇真觀于安仁縣賜名曰萬壽崇真觀十年制
授公江淮荆襄等處道教都提點十一年武宗皇帝自朔方
歸纂大統制授公玄教嗣師總攝江淮荆襄等處道教都
提點出宗文弘道玄德真人鑄銀為印曰玄教嗣師之印視二
品封其父克已翰林學士中順大夫至大元年以歲歉祭民間

光祿寺日有賜尊上賜公七寶金冠玉圭珂珮織金
文之衆為朝真衣服仁宗皇帝在東宮所賜衣冠貴重華
異如上所賜公從駕至中都中秋錫宴上顧其躬裘弊改賜
黑貂三百以為文縷金文之錦以為祿二年制授公弟子夏
文涑元成文正中和真人江淮荆襄等處道教都提點賜
銀印視二品三年公奉旨設醮于龍虎閣皂白曲三山制贈
公大父鑑昭文館大學士資善大夫追封饒國公謚文靖祖
妣陳氏封饒國夫人父翰林學士克己加授榮祿大夫大司
徒饒國公母舒氏饒國大夫人仍賜對衣上尊有旨命公
奉讀書歸鄉榮其親因命設醮于安仁之崇真觀以

慶成山主慶元年仁宗皇帝命設大醮于大都南城長春
宮公奉旨投金龍玉簡于嵩山濟瀆是年勅翰林學士元
明善脩龍虎山志著序進入改賜崇真觀額為崇文宮
延祐元年公奉旨設醮于龍虎閣皂白曲三山因請歸慶其
父母八十之壽對衣上尊之賜如初是年傳旨江浙行省促
公還朝制授公弟子毛穎達正德弘仁靜一真人嗣掌清甲之
印事賜銀印視二品四年有旨名其鄉曰榮祿鄉里曰具慶
里降璽書護其家六年饒國公之訃至上京集賢以聞勅
命侍讀學士元明善著碑文翰林學士承旨趙孟頫書
文太子詹事郭貫篆額給傳奔喪十一月太夫人歿十二月

聖父母于其縣崇德鄉之山田作明成觀以奉祀明年召
還京師英宗皇帝至治元年十二月開府張公觀化于大
都崇真宮上聞有旨歸其壘於龍虎山百官送諸上東門
外河邊有司治辦舟車祭遣公請歸職壘不許命弟子崇
玄神道明後真人陳日新薛玄義奉壘還二年制授公特
進上卿玄教大宗師崇文弘道玄德廣化真人總攝江淮
荆襄等處道教知集賢院道教事玄教大宗師三章
一一品銀印一總攝道教事二品銀印一并授之勅省甚至百
司諭以傳宗之事而大護其教用開府之志作東嶽仁聖
宮於齊化門外重脩太乙延福宮一奉太上清宮又定公率

其屬更作之泰定元年春長春掌教真人關上用公薦以
汴梁朝元宮孫公履道主之二年公奉旨設醮于長春宮
又設大醮于崇真宮護教之詔如故事制贈饒國公光祿
大夫大司徒謚文康三年奉旨設醮于龍虎閣皂角曲三山
奉勅葬開府張公子南山之月嶠作仁靖觀以奉祀四年
改造開府所建溪山真慶宮天曆改元冬公還自上京明
年北迎明宗皇帝謁見之次賜對衣上尊及歸天曆護教
之詔如故事追封故開府張公曰神德真君勅改仁靖觀為
神德宮至順二年公進宋儒陸文安公九淵語錄世罕知陸
氏之學子是以進之公告老請以弟子夏文涑嗣玄教詔留公

三年有旨設普天大醮于長春宮又設大醮于崇真宮元統
元年今上皇帝即位護教之詔如故事仍改至元之元年京
師早公奉勅禱之雨冬無雪公奉勅禱之雪三年重建饒州
芝山文惠觀於永平門外遷番君之神以居之四年有旨命
公弟子體文朔教淵素真人住持衡山南嶽昭聖萬壽宮事
李奕芳主領南山神德宮兼管本宗諸宮觀事及文惠觀
明成觀皆被璽書之賜五年畿內田有蟲孽執政請公
禱之三日盡除而仙壇之成則在六年矣皇元初有中原五
嶽之四在天子封內既得宋而後南嶽之神得而禮焉是
以世祖特命開府張公領其祠至是屬諸公矣長沙有故宋

相趙信公葵之子淇博學多識尤好神仙金丹之事有宜春
李先生簡易者故玉溪李觀諸孫遇異人得丹道蓋以為
遇劉海蟾而得之淇每師問焉未盡其旨而李先生化去
後遇玉山道中始得其說既內附命為湖南宣慰使輒
欲棄官行其道憂患多故不能如其志公為天子使南岳
道過長沙趙公見而敬焉曰神氣冲爽而有福德可以受吾
道迺焚香密室出其書以授之則皆海蟾玉溪之秘云世祖
嘗曰天子當禮五嶽而朕年高不能往每遣近臣忠信而識
察者分道祠嶽瀆后土戒之曰神明之使馬不至喘汗則善
公蓋歸而問其所聞見人物道異風俗羨惡歲事豐凶州

縣得失莫不參伍以周知疏遠之迹焉公之連歲被命而出每辭以為臣不足以當大事之重上曰敬慎通敏誰如卿者遂行他日成宗遣嶽瀆使還顧問如世祖故事曰卿過郡縣有善治民者乎對曰臣過洛陽太守盧摯平易無為而民以安靖上曰吾憶其人即日召拜集賢學士公使過浙西時故翰林學士閻公復為按察使老成文學譽望甚重公時才踰弱冠議論明正閻公客之不敢忽也後閻公居翰林益加重焉成宗既崩仁宗皇帝在懷孟未至而閻公典詔令有狂士危言以訐閻公事閻測公力言諸李韓公孟仁宗意解及武皇即位遂以平章政事歸老高

唐如世祖待王鹿菴磐若故事朝廷得敬大臣之體不以口語
傷賢者則公深有以維持之地孔氏宗法金季太宗之嫡
南遷久而未正延祐間會李韓公居中書元文敏公居禮
部公力言之朝廷遂以五十四世孫思晦龍襲封衍聖公後元
統初思晦卒仍有乘間覬覦者公復言一朝以思晦之子
克堅龍襲封不惟取系昭明其於世教所係益重矣故翰
林學士吳公澄始用董忠宣公工選薦於朝自布衣拜翰
林應奉召至不拜去後又召為國子監丞升司業與時
宰論不合又去公曰吳先生大儒天下士聽其去非朝廷義
事集賢臣用公言超奏吳公為直學士吳公雖不赴而

天下躋之至元大德之間重熙累洽大臣故老心腹之臣
莫不與開府有深契焉至於學問典故從容裨補有
人所不能知而外廷之君子巍冠褒衣以論唐虞之治
無南北皆主於公矣若謂執政多所諮訪而文章友善交
游之賢蓋不得言紀也薦引善良惟恐不及憂患零落
惟恐不盡其推轂之力至於死生患難難經理喪具不以恩
怨異心則尤公之所長也公博覽群書徇察群藝而於
道德性命之要粹如也嘗作環樞之堂畫先天諸圖于
壁以玩心神有詩曰要知顏子如愚處正是義裁皇未畫
前真兩造蓋如此故其述作光明痛快足以見太平之

盛而深存忠厚於人倫有所感發自幼至老尤好吟詠
皆出其天性之自然而非有所勉強尤識為政大體是
以開府每與廷臣議論及奏對上前及於儒者之事必
曰臣之弟子吳全節深知儒學可備顧問是以武宗
仁宗之世嘗欲使返初服而置詩書為道家之書有
曰靈寶齋法者授受既久浸失宗旨公集諸家所傳手
為刪定類為二十四門總為十卷題曰靈寶玉鑒以
惠後學至于醮設之事是其職掌故於科教之方
無所遺闕香火之費無所簡吝然而朝廷耗費過
重則每曰事天以實不以文孫灾在於脩德而禱祈特

其一事爾全真之教叙其祖傳一付所謂玄風慶會錄
者大德中嘗使人譯之而莫達其意有旨命公論定公
曰丘真人之所以告太祖皇帝者其大槩不過以為取天
下之要在乎不殺治天下之要在乎任賢將此之要在乎
清心寡欲鍊神氣虛則與天地相為長久矣譯者如其
言奏之上大感悅豈惟丘公之心乎歟曰而太祖皇帝聖
學之淵微亦從可覩視其萬一述以君子亦有所慨於此之
言也公之執親寧也自奔晉至家水漿餽粥僅足以延
息涕泗滂沱繼以血衄寧壘之後力之所得為者無不書
其力焉山田之域伐石江濱山為洞穴掘泉下錮深廣

高石子葬之日郡守王公都中親助喪事送葬者連數
郡車馬畢至時方寒雨淅淅載途一夕北風結凍堅冰在
地行者無苦人以為孝思所感也明成觀有著存閣老
以致其嚴祀之禮之外之士感其孝思知其親之存沒
自此始矣且事開府也先意家忘其慮慮所以事
朝廷尚道教無_不言有_不道帶開府泰然委之而不
疑確然信之而不惑所_不能_不立於聖世_不非_不運數
則然而其誠心相孚亦有以致之心其葬開府於南山也
說信撫三郡守將以其官屬會_不葬江南諸名山之主
者皆來竣事伐石題名而退擇卜之慎營繕之_不工

力之博賓客之盛東南數十年間未有能彷彿其前者
公之盡力於其師所以奉其親之禮久而不懈山諸
詩沉鬱哀慕誠者讀之感焉

定於開府之世示眾

不私扶

持彌縫其闕

長飲於山林

之則不 知公之心力 辭

別居於達

觀堂者

於他文

於人者

入奉被履

書主宮觀者不可勝數其名別有以公書畫家之

讚及大父母父母與其身之所奉被讚書及詩堂室計

頌皆一時名筆別類為書曰天爵堂類編并其兩

詩文曰看雲集者通二十六
必集賢直學士

奉旨作序以傳于世皇上即位之初親御於

閑看雲四字
白賜

帝之

元六

賢大學士

全節

以雲龍之飾以其

軍寶閣又以其二

經之象以賜請以歸之達觀閣而祠之請賜

閣而御書一身獨諸其上有功命王

惠觀河

詔而為之

疑平

歷述山藏

彰

若所

啓自神德為

親敬師致忠本

侍帝所遺老故臣沛然從

智周用世何有訃而不居

成龍章鳳書曰三行其令致算有

居山亦畫舉一志化

雖一

亦一

奇耦參兩

乘